



JORNAL

do

Parlamento Nacional

V LEGISLATURA

1.ª SESSÃO LEGISLATIVA (2018-2019)

REUNIÃO PLENÁRIA DE 26 DE JUNHO DE 2018

Presidente: Ex.^{mo} Sr. Arão Noé de Jesus da Costa Amaral

Vice-Presidentes: Ex.^{mos} Srs. Luís Roberto da Silva

Secretária: Ex.^{ma} Sr.^a Isabel Maria B. Freitas Ximenes

Vice-Secretárias:

SUMÁRIO

Sr. Presidente loka sessão plenária iha tuku 09 liu minuto 39 dadeer no lê agenda trabalho loron ne'e nian.

Antes Ordem do Dia: — Sr.^a Secretária da Mesa (Isabel Maria B. Freitas Ximenes) halo leitura ba carta anúncio kona-ba constituição Bancada Parlamentar UDT/FRETI-MUDANÇA. Liutiha ne'e, Bancada Parlamentar FRETILIN, liuhossi Sr.^a Deputada Lídia Norberta dos Santos Martins, hato'o kedas declaração política ne'ebé contesta kona-ba constituição Bancada Parlamentar.

Iha intervenção diversa sira, Deputado sira hussi Bancada Parlamentar PD no FRETILIN secunda declaração política FRETILIN nian no hussi Bancada PLP, KHUNTO no CNRT contesta declaração política

ne'e. Bancada PUDD encoraja Partido FRETILIN atu hato'o recurso ba Tribunal de Recurso hodi bele hakotu polémica ne'e.

Ordem do Dia: — Parlamento Nacional halo leitura, discussão, votação no aprovação ba Projeto de Deliberação n.º 2/V — Constituição das Comissões Especializadas Permanentes no mós Projeto de Deliberação n.º 3/V — Constituição da Comissão Permanente. Iklusliu, hala'o mós discussão no eleição ba membro Conselho de Administração.

Deputado sira ne'ebé halo intervenção mak Sr. Adriano do Nascimento (PD), Sr. Francisco de Vasconcelos (PLP), Sr.^a Helena Martins Belo (FRETILIN), Sr. Duarte Nunes (CNRT), Sr. Fabião de

Oliveira (FRETILIN), Sr. António de Sá Benevides (PUDD), Sr.ª Olinda Guterres (KHUNTO), Sr. Francisco Miranda Branco (FRETILIN), Sr.ª Maria Angelina Lopes Sarmiento (PLP), Sr.ª Maria Anabela Sávio no Sr. Antoninho Bianco (FRETILIN), Sr.ª Veneranda Lemos Martins (CNRT), Sr. Joaquim dos Santos (FRETILIN), Sr. Abel Pires da Silva (PLP), Sr. António da Conceição (PD), Sr.ª Virgínia Ana Belo (CNRT), Sr.ª Lídia Norberta dos Santos Martins, Sr.ª Maria Angélica Rangel da Cruz dos

Reis no Sr. Aniceto Longuinhos Guterres Lopes (FRETILIN), Sr.ª Carmelita Caetano Moniz (CNRT), Sr.ª Elvina Sousa Carvalho (PD), Sr. Adérito Hugo da Costa (CNRT), Sr.ª Josefa Álvares Pereira Soares (FRETILIN), Sr. Gilman A. Exposto dos Santos (UDT), Sr. David Dias Ximenes (FRETILIN), Sr.ª Maria Fernanda Lay (CNRT).

Sr. Presidente taka sessão plenária iha tuku 6 liu minuto 8 loraik.

Sr. Presidente: — Bom dia, distintos Deputados, Sr. Ministro no técnicos ne'ebé presentes. Ha'u declara aberta sessão plenária.

Horas hatudu tuku 09 liu minuto 39

Agenda N.º4/V, reunião plenária ba terça-feira 26 de junho de 2018.

«PERÍODO DE ANTES DA ORDEM DO DIA

1. Anúncio da composição da Bancada Parlamentar UDT/FRENTI-MUDANÇA
2. Declarações políticas das Bancadas Parlamentares
3. Intervenções diversas dos Senhores Deputados

PERÍODO DA ORDEM DO DIA

1. Discussão e votação do projeto de deliberação N.º 2/ V- Constituição das Comissões Especializadas Permanentes.
2. Discussão e votação do projeto de deliberação N.º 3/ V- Constituição da Comissão Permanente.
3. Eleição de cinco membros para o Conselho de Administração».

Ho agenda ne'ebé fixa tiha ona, liuhossi reunião líderes bancadas horissehik, ha'u declara aberta sessão Plenária ba agenda n.º 4 / V.

Ha'u convida Sr. Ministro da Reforma Legislativa e Assuntos Parlamentares bele mai hola fatin iha oin.

Tuirmai, ha'u passa ba Sr.^a Secretária da Mesa hodi halo leitura ba anuncia composição da bancada parlamentar UDT/FRENTI-MUDANÇA

Sr.^a Isabel Maria B. Freitas Ximenes (Vice Secretária da Mesa): — ...

«Bodik ba : Sua Excelência Sr. Presidente do Parlamento Nacional

Assunto : Solicita harii bancada conjunta União Democrática Timorense (UDT) e

FRENTI–MUDANÇA.

Excelência,

Ho sentimento eufórico, imensa alegria e respeitosos cumprimentos, uluknanain União Democrática Timorense (UDT) e Partido FRENTI-MUDANÇA pretende hato'o ba Sua Exa. Sr. Arão Noé de Jesus da Costa Amaral, Presidente Parlamento Nacional V Legislatura, katak tuir ba questão hirak ne'e:

1. Artigo 11.º Regimento Parlamento Nacional legitimamente fó dalan ba solicitado do assunto em

questão;

2. Hussi União Democrática Timorense (UDT) ho respeito tomak retira carta anterior n.º 50/UDT Nacional/VI/2018, ho assunto Pedido União Democrática Timorense (UDT) harii bancada parlamentar iha Parlamento Nacional;

3. Hussi Partido FRENTI-MUDANÇA ho respeito tomak retira carta anterior n.º. 04/PFM /VI/2018, ho assunto solicita harii bancada FRENTI-MUDANÇA messak iha Parlamento Nacional;

4. Haree ba número deputados ne'ebé limitado, nune'e ami decide hamutuk atu harii bancada ida de'it (bancada UDT e P-FM). Nune'e, bele garantia eficiência no eficácia serviço bancada nian.

Baseia ba requisitos haat iha leten haktuir, maka ami partido rua submete carta ne'e ba Sua Exa. solicita Ita-Boot nia apreciação no aprovação hodi forma bancada União Democrática Timorense (UDT) e Partido FRENTI-MUDANÇA (P-FM) forma bancada ida no nomeia Deputado Gilman A. Exposto dos Santos sai nu'udar Presidente da Bancada.

Gilman A. Exposto dos Santos

Presidente da Bancada

Isabel M. B. F. Ximenes

Membro da Bancada

Díli, 20 de Junho de 2018».

Sr. **Presidente**: — Obrigado ba leitura hussi Vice-Secretária da Mesa.

Tuirmai, ita passa ba declarações políticas bancadas parlamentares. Ha'u hanoin se iha declaração política ruma... Por enquanto, to'o agora, seidauk iha bancada ida inscreve.

Sr. Deputado Presidente Bancada FRETILIN, faça favor

Sr. **Francisco Miranda Branco** (FRETILIN): — Bom dia, Sr. Presidente.

FRETILIN iha declaração política.

Sr. **Presidente**: — Obrigado ba bancada FRETILIN ne'ebé declara atu halo declaração política, tanba ne'e, ha'u entrega tempo ba Ita-Boot sira ninia declaração.

Tempo no fatin ami oferece, obrigado.

Sr.^a **Lídia Norberta dos Santos Martins** (FRETILIN): — Obrigada, Sr. Presidente.

Bom dia ba Sr. Presidente, colegas Deputados e Deputadas, maluk audientes, jornalistas no povo doben Timor-Leste.

Ohin, partido FRETILIN hakarak hato'o ami-nia declaração política kona-ba constituição bancada ne'ebé mak agora daudaun iha hela discussão. Ba ami, República Democrática de Timor-Leste ne'e Estado de direito democrático, soberano, independente no unitário ne'ebé baseia ba vontade popular, hanessan hatuur ona katak povo mak exerce soberania tuir Constituição da República Democrática de Timor-Leste. Nune'e mós, atu salvaguarda direito democrático povo ninian, Constituição mós prevê no garante tan katak poder político ne'e tem que exerce liuhossi dalan sufrágio universal, livre, igual ka hanessan, direto, secreto no periódico, no tem que hala'o tuir formas ne'ebé mak prevê tiha ona. Então, explanação ne'ebé hatuur hatudu momoos mai ita katak iha princípio fundamental Constituição nian liuliu iha artigo 1.º, n.º 1, artigo 2.º, n.º 1 no n.º 3, artigo 7.º, artigo 62.º, artigo 65.º, n.º 1, artigo 70.º, n.º 1, no artigo 93.º, hussi Constituição da República.

Politicamente, intenção hussi AMP no FDD ne'e viola tebes princípios fundamentais ne'ebé menciona ona iha leten hodi halakon tiha verdadeiro sentido de eleição hanessan festa democracia boot liu iha Estado de direito democrático Timor-Leste. Iha eleição antecipada ba Parlamento Nacional ne'ebé realiza iha dia 12 de maio de 2018, partido político haat no coligação partidária haat mak concorre. Resultado eleição hatudu katak só partido político rua no coligação partidária rua, designadamente coligação Aliança Mudança ba Progresso (AMP), Frente Revolucionária do Timor-Leste Independente (FRETILIN), Partido Democrático (PD) no coligação Frente de Desenvolvimento Democrático (FDD) de'it, mak consegue ultrapassa barreira 4%, tuir contagem método *d'Hont* hanessan consagra ona iha artigo 13.º, n.º 2, kona-ba critérios eleição nian iha lei n.º 9/2017, de 5 de Maio, ne'ebé mak alteração dahaat ba lei n.º 6/2006, de 28 de dezembro, kona-ba Lei Eleitoral Para o Parlamento Nacional).

Hussi eleição ne'e hatudu momoos katak:

1. Coligação Aliança Mudança ba Progresso (AMP) hetan votos 309.663, ne'ebé corresponde ba 49,6%;
2. Frente Revolucionária do Timor-Leste Independente (FRETILIN) ne'ebé consegue hetan votos 213.324, ne'ebé corresponde ba 34,2%;
3. Partido Democrático (PD) ne'ebé hetan votos 50.370, ne'ebé corresponde ba 8,1%;
4. Ikusliu mak Coligação Frente Desenvolvimento Democrático (FDD) ho votos 34.301 ne'ebé corresponde ba 5,5% .

Presidente do Parlamento, colegas Deputados no povo doben Timor-Lorosae,

Ami mós hakarak fó hanoin katak resultado hussi eleição parlamentar 2017 hatudu mós mai ita hotu katak partido lima mak consegue hakat liu barreira 4% mak hanessan: FRETILIN iha momento ne'ebá manán 168.480 votos, tuir fali CNRT ho 167.345, ba dala tolu tuir fali mak PLP ho 60.098 votos, PD

ho 55.608 votos, ikusliu mak KHUNTO ho 36.547 votos. Ami mós hakarak fó hanoin katak iha tan partido ida, mak PUDD, ne'ebé bessik atu ultrapassa barreira 4%.

Então Povo doben Timor Lorossa'e, povo ne'e rassik, fó fiar no voto iha eleição tuir artigo 65.º, n.º 1, Constituição República, liuhossi dalan sufrágio universal, livre, direto, secreto, pessoal no periódico ba coligação AMP, la'ós ba CNRT, la'ós PLP, nune'e mós la'ós ba KHUNTO. Situação ida-ne'e aplica mós ba FDD, povo la fó votos ba PUDD, povo mós la fó votos ba UDT, nune'e mós ba FRENTI-MUDANÇA. Hussi ida-ne'e mak converte voto hirak-ne'e ba mandato tuir sistema representação proporcional. Ami mós fiar katak wainhira conteúdo acordo coligação partido político ba fins eleitorais ne'ebé mak AMP estabelece ona, karik pública antes kedas ba público, antes de eleição antecipada, resultado sei la hetan hanessan agora ne'e. Tanba ne'e, ami triste tebes, ami haree katak ikus mai to'o dalan klaran AMP trai fali povo nia confiança. Processo política ida-ne'e fó hanoin mai ita hotu katak iha aproveitamento político de'it, infelizmente, hodi bele alcança poder no tau dook tiha respeito ba princípios fundamentais Constituição nian.

Povo doben, AMP iha ninia acordo coligação, kaer metin princípio Estado de Direito democrático, maibé wainhira haree fali ba duração ba coligação AMP, iha ne'ebá hatete momoos katak wainhira Primeiro-Ministro toma posse tiha, ne'e hahú sura hussi dia 22 de junho de 2018 ne'ebé Primeiro-Ministro toma posse, no liu tiha 30 dias sei mossu soe malu ka AMP sei divórcio tiha. Karik nune'e, ida-ne'e manipula no bossok mós eleitor sira. Tanba karik eleitor sira hatene katak AMP sei fahe malu iha dalan klaran, ami fiar katak eleitor sira sei la fó voto ba AMP.

Deputada Virgínia Ana Belo ho Deputada Albina Marçal (CNRT) hamnassa.

Atu constitui bancada ita precisa mós haree no considera artigo 11.º, n.º 2, Regimento do Parlamento Nacional nian ne'ebé hateten katak: Constituição bancada parlamentar tem que efetua liuhossi comunicação escrita ida ne'ebé dirige ba Presidente do Parlamento no assina mós hussi deputado ne'ebé compõe iha bancada parlamentar ne'e hodi nune'e indica ninia presidente no vice-presidente. Tuir aminia entendimento ne'e significa katak requisito mínimo hodi constitui ka forma bancada mak deputado sira sei hili ka indica sira-nia presidente no vice-presidente bancada parlamentar ida-idak hodi bele preenche ba estrutura presidente, vice no membro. Nune'e, situação FDD nian la iha dalan no razão fundamental atu constitui bancada ketak-ketak tuir leitura ne'ebé apresenta iha semana kotuk iha Plenária extraordinária. Tanba ami considera katak la iha razão tanba wainhira ita baseia ba contagem método *d'Hondt* hatudu katak FDD mak hakat liu barreira 4% hodi fó dalan mai tuur iha Parlamento Nacional, la'ós PUDD, la'ós UDT no la'ós FM ketak-ketak. Maibé sira na'in tolu ne'e la'o hamutuk ho naran ida de'it, mak FDD, hodi nune'e bele hetan votos hussi povo Timor-Leste. Ida-ne'e mós ita bele haree iha Constituição da República iha artigo 1.º, 2.º, alínea 1) no 3), artigo 62.º, 67.º no artigo 70.º,

ne'ebé hatete katak poder político nia órgão tem que representa hussi resultado democrático. Só ne'e de'it mak bele salvaguarda Constituição.

Presidente do Parlamento, colegas Deputados e povo doben,

Iha ne'e FRETILIN hakarak declara momoos katak la iha dalan ba AMP atu constitui bancada ketak-ketak tanba precisa respeita ba votos povo nian no respeita mós princípio proporcionalidade. Nune'e mós princípios fundamentais Constituição nian. Nune'e mós iha eleição antecipada povo vota ba AMP, la'ós vota dala ida tan ba CNRT, PLP no KHUNTO. Tanba ne'e la iha dalan ba AMP atu constitui bancada ketak-ketak tanba tem que baseia ba resultado eleição ne'e duni, ne'ebé maka Tribunal de Recurso decide no proclama liuhossi Acórdão Proclamação Nuc. 0130/18, Tribunal de Recurso, Díli.

Tanba ne'e, povo doben Timor-Leste no maluk Deputado sira hotu, FRETILIN apela no exige Partido político rua, FRETILIN no PD, nune'e mós coligação partidária rua, AMP (Aliança de Mudança para o Progresso) no FDD (Frente de Desenvolvimento Democrático), atu respeita, cumpre no halo tuir norma constitucional no lei ne'ebé mak vigora no temi ona iha leten. Ne'e katak FRETILIN la aceita ato ho intenção atu coligação partidária sira fahe malu hodi forma bancada ketak-ketak tanba ida-ne'e inválido no viola tebetebes princípios fundamentais ne'ebé consagra ona iha ita-nia Constituição da República. Dala ida tan, ato ne'e inválido no inconstitucional tanba leis no ato hotu-hotu hussi Estado só válido bainhira respeita ba artigo 2.º, n.º 3, Constituição no artigo 65.º, n.º 1, ne'ebé mak hatete primado da Lei, qualquer lei ne'ebé iha bainhira la reflete Constituição da República inválido e nulo. Hahalok coligação rua ne'e nian la reflete no la representa ona povo ninia interesse, ninia hakarak ne'ebé transmite iha eleição ne'ebé hala'o ho forma universal, livre, direta, secreta, pessoal no periódica. Tan ne'e, povo doben, FRETILIN hussu ba AMP tem que hamutuk ida de'it. FRETILIN haree katak kona-ba compromisso político partido ida-idak iha coligação ne'e questão interna coligação nian, maibé ami hatene mak ida de'it, AMP no FDD ami haree hanessian agora ne'e coligação atu bobar fali confiança ne'ebé mak povo fó ona iha eleição antecipada 2018.

Ikusliu, FRETILIN haree katak fragmentação coligação partidária AMP no FDD hodi harii bancada ketak-ketak prejudica gravemente ba princípio fundamental Estado de direito democrático, nune'e mós sei hatodan tan despesa ba Estado.

Obrigada, Sr. Presidente.

Sr. **Presidente**:— Obrigado, Sr.^a Deputada leitora.

Tuirmai, ita passa ba intervenções diversas dos senhores Deputados.

To'o agora, seidauk iha ida inscreve.

Sei iha intervenção: Sr. Deputado Adriano do Nascimento.

Sr. Adriano do Nascimento (PD):— Obrigado, Sr. Presidente.

Ha'u só hato'o ponto ida de'it, ha'u-nia apreciação ba declaração hussi bancada FRETILIN. Ha'u-nia ponto de vista hatete mai ha'u katak declaração ida-ne'e pertinente tebetebes tanba iha razão tolu.

Primeiro, Sr. Presidente, mak questão de interpretação legal no constitucional ne'ebé que haketak ita hussi ida ba seluk. Hanessian ohin FRETILIN hatete, tuir interpretação legal constitucional ka tuir ponto de vista sira-nian e ao mesmo tempo iha parte AMP ou coligação nian.

Segundo, ha'u hatete ida-ne'e pertinente mak ne'e, questão ida-ne'e lori ona polémica política iha público kona-ba tanba sá mak uluk hamutuk agora fahe malu e depois oinsá ba aban bainrua?

Terceiro, ha'u hatete katak pertinente mak ne'e, ba ha'u-nia ponto de vista katak hamossu incerteza política hodi halo serviço parlamentar ninian, nune'e bele hamihis legitimidade social, política, legal no constitucional bassá ita fahe malu iha interpretação rua. Ne'ebe ba ha'u questão ida-ne'e ita tem que ko'alia duni hanessian legislador, ita tem que ko'alia duni hanessian Deputado, atu buka solução ba nune'e bele hatuur certeza legal constitucional perante público. Ha'u-nia proposta, ha'u-nia sugestão mak ne'e, ita precisa ação legal ida bele ba to'o tribunal hodi tribunal bele fô certeza legal constitucional ho sira-nia decisão kona-ba polémica ida-ne'e.

Ne'ebe, ha'u-nia ponto de vista mak ida-ne'e, Sr. Presidente.

Muito obrigado.

Sr. Presidente:— Obrigado, Sr. Deputado.

Tuirmai: Sr. Deputado Francisco de Vasconcelos.

Sr. Francisco de Vasconcelos (PLP):— Obrigado, Sr. Presidente.

Bom dia ba Mesa do Parlamento Nacional, colegas Deputados.

Depois de rona leitura intervenção política hussi Bancada FRETILIN, lori ha'u pessoalmente e lori Partido PLP hanoin filafali ba kotuk iha IV Legislatura. Ohin, FRETILIN declara katak tem que respeita Constituição da República, respeita leis, normas hirak-ne'ebé vigora iha ita-nia Rain. Mas saida mak ita haree iha IV Legislatura, ita ohin hatudu ba povo katak ita defende Constituição da República, mas afinal ita duni mak viola Constituição da República. Ha'u nu'udar Deputado foun acompanha processo ne'e tomak to'o ohin dadeer-saan ida-ne'e. Iha semana rua nia laran Deputado sira barak mak questiona kona-ba legalidade. Sim, ita hotu nu'udar órgão ida hodi halo fiscalização, halo legislação ba leis, ita hotu compreende kona-ba lei. Mas saida mak hatudu, ita só kari rai rahun. Ita defende lei ne'e só tanba iha ita-nia interesses, mas bainhira ita la iha interesses ita mak sai filafali autor hodi defende lei, ne'e pelo contrário. Ha'u hanoin povo la'ós beik, Ita-Boot sira seidauk haree mós kona-ba Lei Partido Político kona-ba coligação antes ka depois.

Iha Regimento prevê, mas durante loron hirak-ne'e nia laran ita hotu, liuliu colegas Deputados hussi bancada FRETILIN, questiona kona-ba Aliança Mudança ba Progresso (AMP), «tanba saida mak imi halo coligação depois imi fahe malu?». Ne'e hamossu polémica, ha'u hanoïn la'ós ba público, ita-nia pensamento, ita-nia ulun mak problema, problema ne'e iha ita-nia ulun, la'ós problema ba questão legal. Tanba saida? Regimento ne'e ko'alia claro, partido hirak-ne'ebé hetan ona assento iha Parlamento, sira iha direito para harii bancadas, la haree ba coligação antes ka depois. Ha'u hussu para lê iha tetun de'it, tanba dala ruma iha ita-nia português ita la compreende. Se Regimento ne'e la loos, tanba saida mak Ita-Boot sira la altera depois de... Ohin loron mak Ita-Boot sira defende fali Regimento. Regimento claro, la ko'alia dehan katak ó hetan cadeira hira mak ó harii bancada. La ko'alia, ita liga tun, liga sa'e ba princípio geral, artigo sira ne'ebé que ita lê ne'e dala ruma ne'e la ko'alia buat ruma claro iha ne'ebá, la descobre buat ruma iha ne'ebá, foti riba ba ida depois argumenta. Constituição ita hotu lê hatene, claro katak Ita-Boot sira barak liu iha ne'e, ha'u haree maioria iha ne'e barak liu Deputado sira Assembleia Constituinte iha ne'e. Karik tanba ita kaer de'it versão português, lê to'ok ida tetun ne'e ko'alia claro loos. Tanba ne'e mak la iha razão, la iha argumento que partido ida questiona fali Aliança Mudança ba Progresso hodi harii bancada. Regimento artigo 11.º ne'e claro loos, la precisa bá lê fali Constituição, dehan Regimento ne'e katak ne'e la loloos, tanba saida mak ita la altera?

Ne'ebe, ha'u hussu ita iha dalan único, PLP declara katak se bainhira Ita-Boot sira la concorda haruka lori ba Tribunal Recurso, Tribunal mak decide, do que ita politiza de'it, argumenta de'it, uma vez que ita ko'alia argumenta barak, argumento sira-ne'e messak la loos hotu. Tanba ida-ne'e mak ita hotu tem que respeito, ami mós representa povo. Horissehik, iha Líderes Bancadas, Deputado balu dehan hanessan ne'e «ita representa povo, mas la'ós 100%». Sala! Povo hili sai Deputado, la'ós baseia ba unidade geograficamente, partido ne'ebé hetan ona assento iha Parlamento Nacional nia eleito pelo povo, la'ós tanba hussi fatin seluk ou município seluk, la haree ona ba unidade geograficamente. Tanba ne'e mak ita hotu iha ne'e representa povo, mas ita ko'alia kona-ba buat ne'ebé loos, labele politiza, lei ne'e claro hela, ha'u hanoïn povo mós acompanha hela ita, será que sira ne'e la hatene? La precisa halo interpretação, ko'alia claro loos, a não ser ida la claro ita bele usa interpretação, se nia ko'alia claro loos tanba saida mak tem que halo interpreta, interpreta tau ita-nia interesse mak barak liu.

Obrigado.

Sr. Presidente:— Obrigado, Sr. Deputado.

Ha'u anuncia kedas katak iha intervenções diversas dos Deputados ita to'o 10h30 ita termina, tanba ita iha agenda lubuk ida que precisa discute elaboração ohin atu nune'e órgão sira ne'ebé iha Parlamento Nacional bele hahú funciona.

Tanba ne'e ha'u fó kedas katak to'o 10h30 ita termina antes da ordem do dia.

Tuirmai: Sr.^a Deputada Helena Martins.

Sr.^a **Helena Martins Belo** (FRETILIN):— Obrigado ba tempo.

Bom dia ba Sr. Presidente, Mesa, colegas Deputados ne'ebé presentes iha fatin ida-ne'e, no mós ba telespetador sira ne'ebé halibur daudaun iha ne'e, ba povo Buibere no Maubere tomak ne'ebé acompanha ita-nia evento discussão ida-ne'e. La haluha mós ita fó agradece ba Maromak ne'ebé fó tan mai ita oportunidade iha fatin ida-ne'e no loron ida-ne'e. Respeito liu ba herói sira ne'ebé sacrifica sira-nia vida.

Ha'u ba kedas assunto.

Karik ita Deputado sira dehan katak ita representa povo, representa povo liuhossi processo ida, processo mak eleição ne'ebé ita-nia povo ka ita-nia eleitor fó confiança. Agora, ita mai iha Uma-Fukun ida-ne'e hanessan fali ita la haree ba iha leis ne'ebé regula, ita haree de'it ba iha Regimento, maibé ha'u hakarak hussu, Regimento ne'e mak boot liu Constituição ka Constituição mak boot liu Regimento? Ne'e ha'u-nia pergunta, tanba ami-nia bancada questiona ona kona-ba artigos lubuk ida hussi Constituição ne'ebé prevê katak la iha dalan atu harii ka loke bancada depois de eleição quando povo rassik la compreende oinsá mak sura ou *rumus* saida mak ita utiliza para depois de hotu tiha, AMP manán, ita mai iha ne'e sura cadeira tuir ita matenek-na'in sira de'it, maibé sira la hatene. Tanba ne'e mak ami, liuliu ha'u, propõe katak la iha dalan duni, dalan ita tem que respeita nafatin Tribunal nia decisão.

Tanba ne'e ami hussu nafatin atu Ita-Boot, liuliu Sr. Presidente, bele considera ami-nia reclamação ida-ne'e. Keta hanoin katak ita iha ne'e maioria ho minoria ne'ebé Ita-Boot sira garante ba 36 cadeiras atu hanehan de'it fali ami-nia lian. Tanba ne'e, dala ida tan ami la considera katak ida-ne'e merece duni atu la'o iha Parlamento ida-ne'e, tanba ne'e ita buka atu halo consenso ida ne'ebé di'ak para povo mós satisfeito sira-nian votos ne'ebé sira fó ba ita iha eleição ne'ebé liubá.

Obrigado ba tempo.

Sr. **Presidente**: — Obrigado ba Sr.^a Deputada.

Tuirmai: Sr. Deputado Duarte Nunes.

Sr. **Duarte Nunes** (CNRT): — Obrigado, Sr. Presidente.

Bom dia ba Sr. Presidente, ba membros da Mesa, ba Excelência Sr. Ministro, ba colegas Deputados no ba rona-na'in tomak ne'ebé marca presença iha fatin ida-ne'e.

Primeiro, ha'u hakarak hatete iha-ne'e katak ha'u secunda Sr. Deputado Francisco de Vasconcelos nia declaração, tanba ida-ne'e mak ha'u mós aponta hela atu halo, maibé ha'u atu hatutan de'it bainhira iha lei karik katak funcionamento Parlamento ne'e iha lei, Parlamento nia Regimento mak organiza ita-nia funcionamento ne'e, ne'ebe, enquanto Regimento sei vigora, ita submete ba ida-ne'e, ita lalika mai

soe rai-rahun iha-ne'e. Ami 10 anos ona, balu 15 atu ba 20 tan, maibé Regimento mak regula funcionamento Parlamento nian, enquanto ida-ne'e sei vigora ita hotu submete.

Kona-ba violação Regimento ou Constituição, ha'u hanoin durante fulan balu nia laran Regimento ne'e ba tau iha-ne'ebé ita la hatene, Constituição mós sorte la lori tau tiha ba iha lixo karik horas ne'e ita la hetan. Ne'ebe, ita agora hamriik tiha iha povo dehan «ami mak defende Constituição, ami mak defende Regimento», háe!... Ida-ne'e karik colega sira foin mai ne'e ha'u fiar dalaruma sira la acompanha funcionamento Parlamento iha fulan balu nia laran.

Ne'ebe, ha'u hanoin se ita hakarak ou ita iha hanoin di'ak, *ok*, ha'u desafia colega Deputado sira, ita halo compromisso, ita halo revisão ba Constituição, hakarak ka lae? Se ita declara iha povo nia oin, ita hakarak ka lae?

Se ita hotu hanoin tanba ita halo intervenção rua ne'e desde 2007, interpretação ida-ne'e ida-idak dada ba nia dalan. Sorte Constituição ne'e sei mantém hela, tanba ita halo interpretação, até malae sira ne'ebé hatene português halo interpretação mai mós ita la simu, agora ida-ne'ebé mak loos?

Ne'ebe, ha'u desafia, se ita hotu hakarak, ita halo compromisso ida ita halo revisão, tau iha ita-nia plano de ação ba tinan ida-ne'e ita halo revisão ba Constituição, ida-ne'e mak loos. Ita hadi'a tiha mak ita ko'alia, tanba ita mak halo tiha ita interpreta tuir ita-nia gosto depois soe rai-rahun ba ema barak.

Ha'u iha Parlamento ne'e tinan 10 ona, ne'ebe ita atu bá to'o iha-ne'ebé? Se Ita-Boot sira hakarak ita halo revisão. Regimento ne'e, *ok*, muito bem, ne'e fácil, ne'e ami maioria de'it mós ami bele halo, conforme, depende se ita hotu hakarak. Ita bele halo revisão, mas Constituição ne'e se ita hotu hakarak, ita halo revisão.

Obrigado barak, Sr. Presidente.

Sr. Presidente:— Obrigado ba Sr. Deputado.

Tuirmai: Sr. Deputado Fabião de Oliveira.

Sr. **Fabião de Oliveira** (FRETILIN): — Obrigado ba Sr. Presidente no ba colega Deputado sira hotu.

Em princípio ha'u secunda bancada oposição FRETILIN nia declaração política tanba hanessan ne'e, Sr. Presidente, quando ita bá ko'alia iha povo oin seluk, ita mai hala'o filafali iha Uma-Fukun ida-ne'e seluk. Ne'e ita bolu dehan camuflagem política. Tanba saida? Tanba karik ita bá ho AMP ho FDD, ita fila fali mai ita hakarak ba fila fali partido político ida-idak nian, ida-ne'e ha'u hanoin la iha dalan. Tanba saida? Ida mak ita atu hatodan orçamento ba atu selu tan bancada sira.

Tuirmai, ita haree katak exemplo ida iha FDD nian, bom, hussi FRENTI-MUDANÇA ho UDT forma bancada ida, agora hussi PUDD, iha Regimento, artigo 11.º, hatete katak «os Deputados...», ha'u la hatene, português termos ne'e saida? Quando dehan «os Deputados...» então tem que ser liu ida, tem que ser iha vice na'in-rua, ne'e tuir ha'u-nia interpretação hanessan Deputado foun. Ida-ne'e mak ha'u

hakarak hatene iha-ne'e katak se atu forma tan fali bancada hussi AMP ba partido 3 no mós hussi FDD ba partido 3, ha'u hanoin dalan la iha, Sr. Presidente.

Segundo, ita labele atu lohi tan povo ba dala ida tan, tanba saida? Ita bá halo campanha, ita bá aproxima povo atu vota ba ita-nia partido e to'o ikus fali vota tiha ba ita-nia partido ka coligação, iha sorin seluk ita halo buat ida que la tuir povo nia hakarak, ida-ne'e mak ha'u hanoin, ha'u questiona di'ak liu filafali ba iha AMP ho FDD de'it tanba dalan la iha atu forma bancada.

Obrigado, Sr. Presidente.

Sr. Presidente: — Obrigado ba distinto Deputado.

Tuirmai: Sr. Deputado António Benevides.

Sr. António de Sá Benevides (PUDD): — Muito bom dia ba Sr. Presidente, ba Vice-Presidente sira, ba Secretárias da Mesa no ba maluk Deputado sira hotu.

Uluknanain, ha'u lori PUDD hato'o ami-nia profundo agradecimento ba Presidente Parlamento tanba bele autoriza PUDD forma bancada messak.

Ha'u mós usa oportunidade hakarak clarifica caso AMP ho FDD ne'e buat rua la hanessan. AMP di'ak malu hela, sólido hela, mai to'o iha Parlamento mak forma bancada ketaketak, maibé haree ba Regimento, artigo 11.º, ha'u hanoin lei kala fó dalan hela.

FDD, ami la bele obriga malu atu la'o hamutuk nafatin, rua ba lorossa'e, ida ba loromonu, ha'u bá loromonu, rua mai fali lorossa'e, la han malu, princípio político la hanessan, tanba ne'e dalan di'ak liu mak ami tem que fahe malu duni, dala seluk la iha. Maibé ami na'in-tolu nia amizade iha Parlamento di'ak nafatin, la iha problema.

Ikusliu, ha'u atu hakarak encoraja ita hotu, liuliu ba partido FRETILIN, atu hakbessik an ba Tribunal Recurso para to'o ikus ita bele rona decisão final hussi Tribunal Recurso atubele decide loloos.

E ba Partido UDT, FRENTI-MUDANÇA ho PUDD, ami hein 2023, povo mak sei julga, inclui AMP hotu, povo mak sei julga ida-ne'ebé mak loos, ida-ne'ebé mak la loos.

Muito obrigado, Sr. Presidente.

Sr. Presidente: — Obrigado ba Sr. Deputado.

Tuirmai: Sr.^a Deputada Olinda Guterres.

Sr.^a Olinda Guterres (KHUNTO): — Bom dia ba Sr. Presidente, ba Vice-Secretária, ba colegas Deputados, ba média tomak no mós ba maluk sira ne'ebé participa iha dadeer-saan ida-ne'e.

Ha'u mós hakarak secunda Sr. Francisco de Vasconcelos ninian, buat barak nia ko'alia ona, mas ha'u hakarak acrescenta uitoan de'it kona-ba lala'ok AMP ninian.

Ohin, maluk sira hatete dehan katak ami, AMP, viola Regimento. Ha'u hanoin, ha'u Deputada foun, maibé ha'u sente katak ami la viola Regimento ruma, Ita-Boot sira hatudu to'ok Regimento ida-ne'ebé mak ami viola? Karik iha fulan tolu ka fulan haat nia laran ami rassik hatama carta mai iha Parlamento Nacional atu convoca reunião ruma Ita-Boot sira la fó tempo, maibé Ita-Boot sira-nia hakarak mak dehan katak iha ami-nia fatin, ami ne'e dehan katak tun ba rai, ida-ne'e mak imi-nia hakarak.

Ida fali kona-ba bancada FDD ninian. Ha'u iha tempo uluk iha Sr. Manuel Tilman nia fatin, ha'u iha-ne'e ha'u iha bancada ida mós ha'u forma ketak, ne'e loos ka lae? Ha'u messak ha'u substitui bancada ida, nu'ussá mak FDD la bele? Ne'e, segundo.

Terceiro, ami la'ó durante campanha ida-ne'e, ami lori bandeira tolu, AMP ninian bandeira tolu: KHUNTO nian, CNRT nian no PLP nian. Ami bandeira tolu la'ó hamutuk e território laran tomak ami-nia bandeira tolu harii hotu.

Ne'ebe, hanessan maluk sira ohin ko'alia katak 2023 mak povo julga, ami pronto! Ami pronto povo atu fó julgamento ba ami, ami pronto, povo mak atu lori ami ba tribunal mós ami pronto, naran katak ita hotu-hotu iha-ne'e la'ó tuir Constituição, la'ó tuir Regimento.

Ita-Boot sira balu iha-ne'e 16 anos, coitado, ba ami, PLP ho KHUNTO, foin mak primeira vez hala'ó buat ida-ne'e. Ne'e duni, ita labele hatún malu ka hassa'e malu, di'ak liu ita la'ó tuir de'it Regimento ne'ebé iha. Ita-Boot sira ko'alia katak Regimento, artigo 11.º, artigo 11.º mak agora ita la'ó daudaun ne'e, la di'ak nafatin então halo nu'ussá?

Ha'u mós loke ha'u-nia *Facebook*, hakerek katak oposição hakarak forte liu iha Parlamento, pronto! Ami mós forte liu, ko'alia kona-ba forte ami mós forte.

Ne'ebe, Ita-Boot sira, ita haree malu di'ak, amizade di'ak ba malu, labele hatudu oin suar ba malu tanba buat ida-ne'e, povo mak sei julga. Se Ita-Boot sira mak sente ba labele, lori ba tribunal, tribunal hein hela iha-ne'ebá, carta ruma ba tribunal sei bolu AMP bá hatán.

Muito obrigada.

Sr. Presidente: — Obrigado, Sr.^a Deputada.

Tuirmai: Sr. Deputado Francisco Branco.

Sr. Francisco Miranda Branco (FRETILIN): — Obrigado, Sr. Presidente.

Sr. Presidente, colegas Deputados no povo doben Timor-Leste.

Ami mai questiona ida-ne'e tuir espírito Constituição, artigo 65.º, ponto 1, ne'ebé hatete hanessan ne'e: os órgãos eleitos de soberania e do poder local são escolhidos através de eleições, mediante sufrágio universal, direto e secreto.

Eleitor, povo sira, hili figura ida-ne'ebé hanaran AMP (Aliança de Mudança para o Progresso) tanba ho naran mudança mak ami hakarak halo mudança ba ita-nia Regimento ne'ebé contra ita-nia

Constituição, artigo 65.º. Artigo 11.º contra espírito Constituição, artigo 65.º, tanba ita agora iha-ne'e iha ita-nia colega sira ne'ebé hanaran mudança para progresso, ita hamutuk iha espírito hanoin ida-ne'e hakarak halo mudança.

Ne'ebe, ida-ne'e mak ami-nia hanoin e ami la mai soe rai-rahun tanba iha-ne'e atu buka rai-rahun mós la hetan ida, buka rai-rahun la hetan, Sr. Presidente, Sr. Ministro, colegas Deputados. Ne'ebe, iha-ne'e la iha rai-rahun, ita ko'alia hanessan Uma-Fukun, nahe biti boot ita ko'alia ba malu, la hirus malu ida tanba fatin ida-ne'e ba concentração hanoin nian. Hanoin ba saida? Hanoin ba povo ida-ne'e nia di'ak.

Ne'ebe, ita iha oportunidade di'ak ida, iha balu hanaran Aliança de Mudança para o Progresso tanba ida-ne'e mak ita tem que muda duni, muda artigo 11.º ne'ebé la tuir Constituição da República.

Ha'u mak hatete dehan ita iha-ne'e la representa povo tomak, tanba sira ne'ebé halo abstenção, la tuir eleição, quase 200 000, sira dehan: «Imi la representa ami». Tanba ida-ne'e maka ha'u dehan ida-ne'e: ita representa duni iha Uma-Fukun ida-ne'e ba povo tomak, maibé sira bele hatete dehan: «Ami la hili imi ida, ami bessik 200 000 la hili imi». Tanba ida-ne'e maka sira bele hatete katak ita la representa sira hotu kedas, maibé, tanba Uma-Fukun ida-ne'e povo nian, ita representa sira hotu.

Sr. Presidente, ami hanoin ida-ne'e, ami sei recorre duni ba Tribunal de Recurso hodi haree ba inconstitucionalidade ida-ne'e.

Obrigado, Sr. Presidente.

Sr. Presidente: — Obrigado, Sr. Deputado.

Tuirmai: Sr.^a Maria Angelina, PLP nian.

Sr.^a Maria Angelina Lopes Sarmiento (PLP): — Obrigada, Sr. Presidente. Bom dia ba Ita-Boot, ba membros da Mesa. Bom dia mós ba Sr. Ministro da Reforma Legislativa e Assuntos Parlamentares, e bom dia ba colega Deputado sira hotu.

Ha'u hakarak atu comenta uitoan de'it kona-ba declaração política hussi Bancada FRETILIN. Tuir ha'u-nia haree, declaração ida-ne'e, declaração muito intencional, tanba artigo sira ne'ebé ohin cita iha-ne'e, ligado ho Constituição, ha'u haree fila bá, fila mai, la iha artigo ida iha Constituição maka bandu partido político sira, bainhira liu tiha eleição, katak labele forma bancada messak. Iha Constituição mós ko'alia kona-ba Parlamento Nacional ne'e iha representatividade de todos os cidadão timorenses. Então, partido político ne'ebé liu barreira eleitoral, mai iha Parlamento Nacional, nia representa duni cidadão timoroan sira ne'ebé elege ho sira-nia direito, liuhossi sufrágio universal, iha eleição atu ita sira-ne'e sai representante povo nian.

Iha Constituição mós hatete katak iniciativa da lei sira cabe mós ba Bancada Parlamentar atubele propõe proposta de lei sira. E então, Ita-Boot sira tinan hira e kleur ona iha Parlamento, hetan assento

parlamentar iha eleição dala tolu ou dala haat tuituir malu, Regimento ne'e lembrança Ita-Boot sira-nian! Se Regimento ida-ne'e viola Constituição, ha'u hakarak hussu: tanba saida maka Iha-Boot sira hakarak introduz artigo ida-ne'e iha Regimento ida-ne'e nia laran se Ita-Boot sira hatene muito bem katak Constituição bandu coligação sira labele forma bancada ketaketak bainhira sira liu barreira eleitoral?!

Coligação ne'e hatete claro iha Lei Eleitoral, ne'e ba fins eleitorais, atu partido político sira ne'ebé compõe iha coligação bele forma lista única atubele liu barreira eleitoral, maibé depois de eleito partido sira-ne'e iha direito atu forma bancada ketak-ketak baseia ba espírito hussi artigo 11.º. Mas, se uluk Ita-Boot sira ne'ebé kleur tebes, mais de 10 anos, e mais de 15 anos, iha Parlamento haree katak Constituição bandu atu labele halo ida-ne'e, tansá Ita-Boot sira introduz artigo ida-ne'e?! Então, ha'u hakarak desafia Ita-Boot sira ne'ebé legislatura dala hira ba kotuk ne'e, ne'ebé Ita-Boot sira tuur ona iha Uma-Fukun ida-ne'e hanessan representante povo, la haree lacuna ida-ne'e iha artigo 11.º ida-ne'e.

Ohin Ita-Boot sira mós questiona kona-ba fundo, kona-ba subsídio ba partido sira, iha artigo 11º, ponto 5, mós ko'alia, quando harii ona bancada iha Parlamento, ne'e automaticamente sei sofre mós apoio ba bancada ne'ebé constitui iha Parlamento ne'e. Ne'e tem que iha apoio ruma, Parlamento tem que facilita condições ba bancada sira-ne'e! Ne'e iha espírito artigo 11.º, número 5, mós ko'alia. Ne'ebe, agora tempo ona, Ita-Boot sira hanoin katak importante atu halo revisão ba Regimento, tanba Parlamento mós iha competência ida atubele cria nia Regimento rassik, atu halo revisão ba nia Regimento rassik, se hanoin katak ida-ne'e la pertinente ona, la relevante ona, ita concerta, halo concertação política para halo revisão ba artigo ida-ne'e ou revisão ba Regimento. Tanba ami bancada tolu ka haat mak foun iha-ne'e, ne'e labele atira culpa mai ami porque ida-ne'e lembrança Ita-Boot sira-nian, e ami mai la'o tuir de'it lei sira, regimento sira, ne'ebé Ita-Boot sira produz durante Ita-Boot sira-nia Legislatura no período do mandato iha Parlamento Nacional.

Obrigada, Sr. Presidente.

Sr. Presidente: — Obrigado, Sr.^a Deputada.

Tuirmai: Sr.^a Deputada Maria Anabela. Faz favor.

Sr.^a Maria Anabela Sávio (FRETILIN): — Obrigada ba tempo.

Bom dia ba Sr. Presidente, bom dia ba distintos Deputados e audiência tomak.

Ha'u nu'udar representante povo iha Uma-Fukun ida-ne'e, tuir Regimento, artigo 3.º, Parlamento Nacional nian hodi representa povo tomak, ha'u sente triste tebetebes wainhira rona AMP atu estabelece bancada tolu hodi fahe ba CNRT, PLP, KHUNTO no mós atu estabelece mós ba bancada tolu ka rua PUDD, UDT no FRENTI-MUDANÇA. Ne'e ha'u hanoin ita mai bossok povo. Iha dia 12 de maio, eleição antecipada, iha boletim ne'ebé iha mak AMP, la'ós CNRT, PLP, KHUNTO, nune'e povo hili

AMP, povo hili atu hadi'a povo nia moris di'ak, la'ós mai hadi'a ita Deputado sira-nia moris di'ak. Tanba ne'e mak fahe bancada oioin atu hetan benefício hussi subvenção sira. Ha'u fiar katak povo Timor-Leste mós la concorda ho hanoin ka estratégia AMP nian hodi estabelece bancada tolu, tanba ne'e prejudica ba Orçamento Estado ho objetivo criação fahe bancada hanessan hamossu corrupção indireta e organizada.

Hamnassa hussi Deputado sira CNRT, KHUNTO no PLP nian.

Di'ak, ha'u ko'alia hotu mak Deputado sira hamnassa.

Deputado AMP sira, ko'alia kona-ba Regimento Parlamento Nacional, artigo 11.º, ha'u atu dehan de'it katak ne'e mak lacunas Regimento Parlamento Nacional nian. Tanba ne'e, iha primeiro dia, FRETILIN sugere ona para revê Regimento, tanba Regimento nia valor labele boot liu fali Constituição RDTL. Estabelecimento bancada nian tem que reflete lian povo nian, ne'ebé hanessan haktuir iha artigo 70º, número 1, Constituição RDTL; artigo 93º, número 1; artigo 1.º, número 1; e artigo 2.º, número 1 no 3.

Razão seluk, FRETILIN la concorda ho AMP atu estabelece bancada tolu no FDD bancada tolu tanba respeita ba povo nia decisão iha tempo eleição. Significa katak la iha princípio democrático, no AMP sai manipulador político. Tanba personalidade jurídica la iha, então usa fali figura pessoal para hodi hetan voto maioria iha eleição antecipada.

Ba ikus nian, hussu ba Presidente Parlamento Nacional atu foti decisão ho imparcial hodi halo tuir de'it Ita-Boot nia liafuan iha tempo discurso bainhira eleito katak respeita ba Constituição no regra sira.

Obrigada.

Sr. Presidente: — Obrigado ba distinta Deputada.

Tuir ohin ita promessa katak 10h30 ita encerra Antes de Ordem do Dia nian, ha'u hanoin ita tem que cumpre compromisso ne'e, e ita avança ba Ordem do Dia tanba iha matéria balu que tem que trata lailais atu constitui ita-nia órgão sira iha Parlamento Nacional, atu nune'e bele funciona normal hanessan baibain.

Molok atu passa ba Ordem do Dia, ha'u iha informação balu que ha'u hakarak hato'o ba Ita-Boot sira:

Primeiro, seminário de acolhimento começa aban, dia 27 to'o 29, durante lora tolu, ba distinto Deputado sira. Programa ne'e tuir loloos hala'o iha semana kotuk, mas la consegue hala'o tanba questão de tempo, nune'e liuhossi líder bancada nian iha semana kotuk ita fixa ba aban, bainrua no baintolu.

Segundo, iha mós preparação iha-ne'e kona-ba clínica Parlamento Nacional, ho cooperação ho Hospital Nacional Guido Valadares, atu promove vacina anti febre-amarela ba Deputado no funcionário

Parlamento Nacional sira a partir de dia 27 de junho de 2018, ho objetivo atu vacina ne'e hodi antecipa kedas, quando Deputado sira halo deslocação karik ba África, la precisa ona halo vacinação iha momento atu desloca. Ida-ne'e hanessian prevenção de'it, e hakarak atu antecipa.

Terceiro, informa ba Deputado sira, parece ita durante ne'e assina de'it. Ne'e ita tama mai iha entrada ne'ebá assina de'it, e Parlamento disponibiliza ona máquina ida, ne'e bá hanehan de'it para hanessian toma nota, nune'e para ita mai tama lalika assina, tem que hanehan de'it, ne'e bele regista ona ita-nia presença. Ida-ne'e maka Secretariado atu disponibiliza.

Depois informa mós ba distinto Deputado sira katak iha IV Legislatura, ho iniciativa Sr. Presidente cessante, Aniceto Guterres, nia orientação, natoon ne'ebá Vice-Presidente «Meta-Malik» mak lidera equipa ida, halo preparação *draft* ida ba revisão Regimento Parlamento Nacional. Agradece ba iniciativa ne'e, e depois de constituição tiha órgão sira-ne'e hotu iha Parlamento Nacional, sei lori agenda ne'e para ita debate atu baixa ba comissão ida-ne'ebé bele halo deliberação, ou ita cria Comissão Eventual ida ba assunto ida-ne'e. Tanba ne'e, ho debate sira ohin fó mai ita katak precisa duni halo revisão ba Regimento para ajusta tuir necessidade Parlamento Nacional nian. Ha'u hanoin, ida-ne'e mak ha'u hakarak hatete.

Tuirmai tempo ne'e ha'u passa ba Sr. Ministro, se iha liafuan ruma atubele hato'o, faz favor, se la iha, ita bele encerra. Faz favor.

Se la iha... Ponto de ordem: Sr. Deputado Francisco Branco.

Sr. Francisco Miranda Branco (FRETILIN): — Sr. Presidente, ponto de ordem, defesa de honra do Deputado ne'ebé tuur tinan kleur ona ne'e mas dukur hela, la haree buat sira-ne'e.

Atu informa ba público tomak, povo Timor-Leste tomak, Regimento ida agora daudauk ne'e foin halo alteração iha 2009. Iha Regimento anterior, nia conteúdo ne'e oin seluk, hakerek hanessian ne'e: «Os Deputado eleitos em listas de partido ou coligação de partidos podem constituir-se em bancadas parlamentares.» Ponto! Bainhira halo redação ba Regimento ida-ne'e, iha II Legislatura ne'ebé ami dehan Governo de facto, ami la participa ne'e, hatama tan «...independentemente da existência de coligações pré-eleitorais de partidos»; ne'e viola Constituição da República, artigo 65.º, ponto 1 ne'e.

Sr. Presidente, ami la'ós dukur, história ida agora acontece daudauk ne'e, tinan sia ne'e, foin mak ida-ne'e, Aliança Mudança ba Progresso hamossu buat foun ida-ne'ebé ami haree katak iha ita-nia Regimento ne'e viola ita-nia Constituição.

Ida-ne'e mak ami hakarak clarifica de'it, Sr. Presidente, ami la dukur ida, ami haree hela iha-ne'e, maibé história ida acontece ne'e mak ami foin foti, tanba iha tinan sia nia laran, la iha aliança ida hanessian ne'e, foin mak acontece ne'e. Ne'e iha II Legislatura, mas Regimento ne'e iha 2009.

Sr. Presidente: — Tempo, Sr. Deputado.

Sr. **Francisco Miranda Branco** (FRETILIN): — Sr. Presidente, iha 2009 mak hakerek Regimento ne'e para acomoda de'it precedente sira ne'ebé la tuir ida-ne'ebé ita-nia Constituição haruka.

Ida-ne'e de'it mak ami fó hanoïn, karik agora ita iha consenso ba mudança, progresso, ba ita-nia funcionamento Parlamento ne'e, ita iha consenso bá hodi haree lacunas ne'ebé iha Regimento ne'e hodi hadi'a.

Obrigado, Sr. Presidente.

Sr. **Presidente**: — Obrigado, Sr. Deputado.

Hanessan ohin ita declara ona katak ita termina ita ninia sessão ba Período de Antes da Ordem do Dia, ha'u hussu ita *break* 15 min, depois ita tama mai hodi tama ba Ordem do Dia.

Obrigado barak.

Pausa durante minuto 15, depois de ne'e preside nafatin hussi Presidente ne'ebé hanessan.

Ita tama ba Período da Ordem do Dia, ho agenda tolu: primeiro, ita loke e fó autorização ba Sr.^a Secretária da Mesa atubele halo leitura ba Projeto de Deliberação do Parlamento Nacional n.º2/V - Constituição das Comissões Especializadas Permanentes, ne'ebé propõe e ba ita-nia debate e consideração Plenário nian.

Halo favor, Sr.^a Secretária.

Sr.^a **Secretária da Mesa** (Isabel Maria B. Freitas Ximenes): — Muito obrigada, Sr. Presidente.

«Projeto de Deliberação do Parlamento Nacional n.º 2/V
Constituição das Comissões Especializadas Permanentes

No início de cada Legislatura, o Plenário do Parlamento Nacional, sob proposta da Mesa, ouvida a Conferência, delibera a constituição das comissões especializadas permanentes.

Esta deliberação determina a designação da cada comissão, o número de comissões constituídas e as respetivas competências.

De igual modo, fixa o número de Deputados de cada comissão especializada permanente e a sua distribuição pelas diferentes bancadas parlamentares.

Assim, nos termos do disposto no n.º 1 do artigo 27.º e no n.º 1 do artigo 30.º do Regimento do Parlamento Nacional, ouvida a Conferência dos Representantes das Bancadas Parlamentares, apresento o seguinte projeto de deliberação:

1. São constituídas sete comissões especializadas permanentes, com a seguinte denominação e composição:

- Comissão A: Comissão de Assuntos Constitucionais e Justiça – 11 membros;
- Comissão B: Comissão de Negócios Estrangeiros, Defesa e Segurança – 9 membros;
- Comissão C: Comissão de Finanças Públicas – 13 membros;
- Comissão D: Comissão de Economia e Desenvolvimento – 9 membros;
- Comissão E: Comissão de Infraestruturas – 9 membros;
- Comissão F: Comissão de Saúde e Assuntos Sociais – 9 membros;
- Comissão G – Comissão de Educação, Juventude e Cultura – 11 membros.

2. As áreas de competência específica de cada Comissão, no âmbito das quais exercem as competências consagradas regimentalmente, constam do Anexo I à presente deliberação, da qual faz parte integrante.

3. O número de Deputados de cada comissão e a sua distribuição pelas bancadas parlamentares constam do Anexo II à presente deliberação, da qual faz parte integrante.
Parlamento Nacional, 25 de junho de 2018

O Presidente do Parlamento Nacional,

Arão Noé de Jesus da Costa Amaral»

«Anexo I

Áreas de competência específica de cada comissão

Comissão A - Comissão de Assuntos Constitucionais e Justiça: Assuntos Constitucionais; Justiça; Direitos, liberdades e garantias; Sistema Eleitoral e partidos políticos; Administração Pública; Descentralização administrativa e poder local; Mecanismo de Resposta Automática para os Direitos Humanos; Anticorrupção; Igualdade e não discriminação; Comunicação Social; Mandato parlamentar; Imunidades, incompatibilidades, impedimentos e conflitos de interesses; Registo de Interesses.

Comissão B - Comissão de Negócios Estrangeiros, Defesa e Segurança: Cooperação internacional; Defesa Nacional; Segurança pública; Fronteiras terrestres e marítimas; Organizações Internacionais; Integração regional e assuntos ASEAN; Tratados e Acordos Internacionais; Comunidades timorenses residentes no estrangeiro.

Comissão C - Comissão de Finanças Públicas: Orçamento Geral do Estado; Execução Orçamental; Conta Geral do Estado; Sistema financeiro, fiscal, bancário e segurador; Política fiscal; Receitas petrolíferas e receitas não petrolíferas; Fiscalização da atividade financeira do Estado; Acompanhamento da dívida pública; Regime jurídico do programa orçamento participativo; Contratação Pública (Aprovisionamento).

Comissão D - Comissão de Economia e Desenvolvimento: Recursos minerais; Ambiente; Agricultura, Pecuária, Pescas e Florestas; Atividade industrial; Comércio; Turismo; Emprego e Formação Profissional; Segurança Alimentar; Defesa do consumidor; Alterações climáticas; Ordenamento do Território; Urbanismo; Objetivos de Desenvolvimento Sustentável.

Comissão E - Comissão de Infraestruturas: Obras públicas; Água e saneamento; Energia; Transportes e segurança rodoviária; Comunicações; Ordenamento do Território; Urbanismo.

Comissão F - Comissão de Saúde e Assuntos Sociais: Saúde; Segurança social; Crianças, terceira idade e cidadãos portadores de deficiência; Combatentes da luta pela libertação nacional.

Comissão G - Comissão de Educação, Juventude e Cultura: Educação; Juventude; Acompanhamento do Programa Parlamento Jovem; Acompanhamento da implementação do programa orçamento participativo do cidadão e do programa Lian Povo; Cultura, património, arte; Desporto»

«Anexo II

Número de Deputados de cada comissão e respetiva distribuição pelas bancadas parlamentares.

Comissão A – Comissão de Assuntos Constitucionais e Justiça: número de Deputados 11 membros. Distribuição pelas Bancadas Parlamentares: FRETILIN-4, CNRT-3, PLP-1, KHUNTO-1, PD-1, FM/UDT-1.

Comissão B – Comissão de Negócios Estrangeiros, Defesa e Segurança: 9 Membros. FRETILIN -3, CNRT-3, PLP-1, KHUNTO-1, PD-1.

Comissão C – Comissão de Finanças Públicas: 13 membros. FRETILIN-4, CNRT-3, PLP-2, KHUNTO-1, PD-1, PUDD-1, FM/UDT-1.

Comissão D – Comissão de Economia e Desenvolvimento: 9 membros. FRETILIN-3, CNRT 3, PLP-1, KHUNTO-1, PD-1.

Comissão E – Comissão de Infraestruturas: 9 membros. FRETILIN-3, CNRT-3, PLP-1 KHUNTO -1, PD-1, FM/UDT-1.

Comissão F – Comissão de Saúde, Emprego, Segurança Social e Igualdade: 9 membros. FRETILIN-3, CNRT-2, PLP-1, KHUNTO-1, PD-1, FM/UDT-1.

Comissão G – Comissão de Educação, Juventude e Cultura: 11 membros. FRETILIN-3, CNRT-3, PLP-1, KHUNTO-1, PD-1, PUDD-1, FM/UDT-1».

Sr. Presidente: — Ida-ne'e maka projeto kona-ba deliberação ba constituição das Comissões. Tuir Regimento, fó mandato ba Mesa atu elabora, tanba ne'e mak, baseia ba reunião líderes bancadas horissehik, ami hamossu Projeto ida-ne'e ba Plenária nia consideração hodi foti decisão. Cabe ba Plenário. Iha opção rua maka sai pronunciamento iha reunião líderes bancadas, katak ho composição ida hitu ou neen, mas ami propõe ida hitu ne'e sai hanessan referência, agora cabe ba deliberação plenária, se hakarak hatún, hamenos ka hassa'e, ida-ne'e competência Plenário nian. Tanba ne'e ami loke sessão ba intervenções.

Srs. Deputados ne'ebé inscrito ona... Sr. Deputado Antoninho Bianco, faz favor.

Sr. Antoninho Bianco (FRETILIN): — Obrigado.

Presidente, ha'u-nia bom dia ba Vice sira, Secretárias, balu la iha leten, maibé iha kraik atu defende buat balu, mas ami hili Ita-Boot atu iha leten, la'ós Ita tun fali mai iha kraik, ne'e mak problema. Ami sei questiona sistema proporcional ne'e.

Nune'e, Sr. Presidente, iha buat rua: ida ita harii comissão, ida seluk ita halo distribuição das pessoas para ocupa. Constituição ita bele discute comissão hira, maibé discussão ida seluk, decisão para distribui membro ba iha comissão ne'e está em questão! Porque ohin ita de manhã entre pró e contra, imi dehan harii bancada, ami dehan labele harii bancada. Ne'ebe, iha buat rua: ida, ita halo discussão ba resolução kona-ba cria comissão hira, ne'ebé ita halo discussão, resolução ketak ida. Ida seluk, resolução ida atu ko'alia kona-ba representante bancada ne'e, ne'e sei iha problema. Ne'ebe, buat rua ne'e ketak-ketak. Se concorda ho ha'u nian ne'e, ita bá discussão uluk lai resolução kona-ba cria comissão hira mak atu moris iha período ba Legislativa daudauk ne'e, resultado eleição antecipada ne'e.

Ne'e maka ha'u-nia hanoin, e do que Sr. Presidente halo fali violação, depois ami lori Ita-Boot bá, Ita-Boot mak simu responsabilidade. Tanba tuir Regimento artigo 30.º «Constituição e funcionamento», ne'ebe, «O Plenário, sob proposta da Mesa...». Pronto, seluk ne'e Ita-Boot lê bá, mas iha-ne'e ita sei problema tanba seidauk iha consenso. Seidauk iha consenso, e seidauk katak imi-nian mak loos ka ami-nian mak loos. Ohin ha'u-nia Presidente Bancada sei lori processo ne'e ba Tribunal, tanba ne'e ita hein lai sessé mak atu bá indica ne'e, será que AMP tem que bá duni bancada tolu?! Será que FDD ba duni bancada tolu?! Ne'e imi-nian dehan imi loos, ami dehan imi la loos! Ita hussik assunto ne'e depois de resolve quando ami lori lai ba Tribunal.

Ne'ebe, ha'u hussu ba Presidente ho respeito, ita rona malu karik ita harii lai comissão ne'e e cada comissão ne'ebé ita haree, Comissão A ne'e, tebes duni katak nia tarefa mak sira hatete iha-ne'e, ne'e mak ita halo discussão. Comissão B ne'e, nia tarefa ne'e, loos duni mak ida-ne'e ona ka seidauk, até Comissão G, ne'e mak ita halo discussão. Tanba buat sira-ne'ebé sira haruka mai ne'e ha'u la hatene, imi halo discussão kle'an ka lae, keta halo bá assessor sira tau mai, imi dehan ida-ne'e mak lori bá ona. Ne'ebe, ita sei halo discussão lai, constituição comissão nian ida hitu ne'e um por um.

Pronto, ha'u hanoin, ne'e ha'u fó hanoin, Presidente, Ita-Boot hakarak rona, rona! Ita-Boot la rona mós la iha buat ida, ha'u fó contribuição ha'u-nian para bele hahú ne'e, halo buat ruma que ita entende. Obrigado.

Sr. Presidente: — Obrigado.

Rona ne'e Deputado sira mak rona, la'ós Presidente, tanba Deputado sira mak sei decide.

Tuirmai: Sr.^a. Deputada Veneranda Lemos. Faz favor.

Sr.^a. **Veneranda Lemos Martins** (CNRT): — Obrigada, Sr. Presidente e componentes da Mesa, distinto Deputado sira hotu e ba maluk convidado sira.

Depois de haree tiha kona-ba Projeto de Deliberação ba Comissão Especializada sira, ha'u haree katak assunto igualdade género, di'ak liu nia hamriik messak mós iha comissão ketak ida, hanessian mós comissão sira-ne'ebé liu tiha ona iha Legislatura anterior, hanessian exemplo iha Comissão G. Tanba assunto igualdade género ne'e assunto ida que transversal. Além de ita ratifica convenção lubuk ida iha Parlamento ida-ne'e, Parlamento, iha anteriores mós ratifica ona convenção CEDAW (*Convention on the Elimination of All Forms of Discrimination against Women*) nian, ne'ebé iha recomendação lubuk ida que Parlamento Nacional tem que tau mós atenção iha-ne'ebá. Agora se assunto igualdade ne'e inclui de'it iha Comissão A, ha'u la hatene aban-bainrua atu halo fiscalização tun ba iha Ministério relevante, ne'e atu la'o hanu'ussá. Tanba assunto transversalidade ne'e ita tem que hatene, e ita tem que haree mós assunto ida bolu *gender mainstreaming*, *mainstreaming* iha ninia programa, *mainstreaming* iha mós ninia orçamento, oinsá mak ita atu hatuur transversalidade ida-ne'e ba ministério sira hotu. Tanba ne'e tuir ha'u-nia haree, tuir ha'u-nia hanoin, di'ak liu comissão ida ne'ebé atu trata assunto igualdade género ne'e bele hatuur mós iha comissão ketak ida.

Iha Legislatura anterior ka Legislatura foin daudauk liu ne'e, Comissão G iha assunto cidadania, igualdade género no mós assunto cultura e juventude. Tuir ha'u-nia haree, di'ak liu assunto igualdade género ne'e fila fali ba Comissão G, hodi nia bele sai assunto ida ne'ebé wainhira ita bá halo fiscalização ba Governo nia programa sira, assunto ne'e bele sai hanessian assunto ne'ebé *mainstreaming*. Se nia hela de'it iha Comissão A, ne'ebé dehan de'it «igualdade e não discriminação», tuir ha'u-nia ponto de vista fiscalização sei la kle'an, tanba comissão ida-ne'e sei halo fiscalização la'ós de'it ba programa sira, maibé hakarak mós atu assegura transversalidade de orçamento ba Governo em geral. Tanba ne'e mak ha'u-nia proposta atu hussu hodi assunto igualdade género tem que hamriik ketak iha comissão ida hanessian mós iha comissão sira ne'ebé liu tiha ona, atu nune'e fó mós biban ba Grupo Mulher Parlamentar atubele fiscaliza di'ak liu tan e halo coordenação de trabalho iha assunto igualdade género ho di'ak.

Obrigada.

Sr. Presidente: — Obrigado ba sugestão. Tuir ami-nia hanoin katak ida-ne'e ita ko'alia kona-ba direito, tanba ne'e mak igualdade é um direito de cidadão, e hakarak tau iha assunto Comissão A nian, mas ida-ne'e bele nakloke para ita discute, se Deputado sira barak liu concorda katak nia ba fali Comissão G, ita bele considera. Mas, ida-ne'e hanessian proposta ida ba ita hodi debate.

Tuirmai: Sr. Deputado Adriano do Nascimento.

Sr. Adriano do Nascimento (PD): — Obrigado, Presidente.

Ha'u iha ponto hirak atu hato'õ: primeiro, ita harii comissão ita tem que haree comissão ne'ebé ita harii, ne'e comissão hira, ne'e ita ko'alia kona-ba número da comissão. Ko'alia kona-ba número, ne'e iha contexto ita atu halo distribuição, Deputado sira bele tuur hodi hala'õ nia knaar iha comissão.

Segundo, ita harii comissão hodi halo distribuição ka agrupamento tuir área temática hodi facilita governante sira, ita, halo acompanhamento ba lala'ok Governo nian.

Terceiro ponto, ha'u atu hussu clarificação ruma, e ha'u hato'õ ha'u-nia ponto de vista ba *draft* ka esboço ne'ebé iha-ne'e. Iha questão tolu ka haat ne'ebé ha'u precisa hetan esclarecimento. Primeiro iha Comissão A. Ba ha'u iha questão ida ohin Deputada Nina foti, ne'e nia questiona kona-ba igualdade género nian ou «igualdade e não discriminação», ha'u foti tan questão comunicação social. Ba ha'u, ida «igualdade e não discriminação» ho «comunicação social» ne'e labele iha Comissão A, ne'e ida. Agora ha'u-nia pergunta mak ne'e: tanba sá mak «comunicação social» ne'e tem que iha Comissão A? Ha'u prefere ida-ne'e atu tau iha Comissão G. Ne'ebe rua ne'e, «igualdade de género» ho «comunicação social», ne'e tama iha Comissão G. Tanba sá? Ha'u-nia razão mak ne'e: Comissão G ne'ebé iha agrupamento ba educação, ita tau igualdade género ne'e la'ós de'it haree ba ossan maibé ne'e processo educação ida, processo de consciencialização, tanba ita-nia cultura, tanba ita-nia tradição, ita hakarak hatuur feto ho mane ne'e hanessan. Tanba ne'e mak nia parte hussi educação, cultura nian, tau hamutuk iha-ne'ebá, ne'e iha coerência quando ita desenvolve programa ka debate kona-ba buat ne'e, nune'e mós «comunicação social», ne'e ha'u-nia razão.

Ida seluk, Presidente, ha'u iha questão iha Comissão D. Iha Comissão D ne'ebé hakerek «ordenamento do território» no «urbanismo», ha'u-nia questão mak ne'e, tanba sá mak «ordenamento do território» tau iha-ne'e, iha Comissão D, será que ita-nia conceito ordenamento território no urbanismo ne'e, ita-nia pensamento ne'e hatama ossan ka desenvolve economia ka hanu'ussá?! Ha'u uluk iha Comissão A, questão legal ne'e halai fali Comissão A hodi debate, se ordenamento território, urbanismo, ita coloca iha contexto ba parte hussi desenvolvimento economia nian, ne'e ha'u bele simu, maibé parte hussi desenvolvimento infraestrutura, hadi'a ita-nia Nação nia oin, hadi'a cidade nia oin, ha'u-nia opção rua: primeiro propõe ba Comissão E, nia tama iha infraestrutura, ou bá tama iha Comissão A.

Sr. Presidente: — Tempo!

Sr. Adriano do Nascimento (PD): — Ha'u atu conclui ona. Ne'ebe, ha'u hanoin ha'u-nia sugestão mak ne'e, e ha'u precisa mós Mesa explica mai ha'u tanba sá mak tau iha-ne'e.

Kona-ba número comissão hitu ne'e, ami la iha problema, importante ba ami mak agrupamento área temática ne'e, atu nune'e ita bele halo discussão iha fatin ida de'it.

Muito obrigado.

Sr. **Presidente**: — Opção Mesa nian ne'e, saida mak ita explica ne'e cobre tiha hotu ona, ne'ebe cabe ba deliberação Plenário nian atu coloca iha-ne'ebé.

Obrigado, Sr. Deputado.

Tuirmai: Sr. Deputado Joaquim dos Santos.

Sr. **Joaquim dos Santos** (FRETILIN): — Bom dia, Sr. Presidente, obrigado ba oportunidade. Sr. Presidente, ha'u secunda ha'u-nia Camarada Deputado Bianco nia proposta, di'ak liu ita discute, separa tiha distribuição de membros ba comissão sira, tanba ne'e relaciona ho constituição das bancadas parlamentares. Por enquanto bancadas parlamentares ne'e ita-nia posição ne'e seidauk claro. E Mesa mak simu ona requerimento sira, por enquanto sei iha contestação lubuk ida hassoru composição das bancadas parlamentares, ne'e prejudica ita-nia decisão kona-ba atu fahe Deputado sira ba Comissões Especializadas Permanentes. Ha'u hanoin ida-ne'e ita tau ketak tiha, ita discute iha parte ida.

Agora, kona-ba forma comissão ne'e, *ok*, ita bele aceita ho número hitu, mas, Presidente, ninia área temática ne'e, ha'u hanoin, balu ita tem que haree didi'ak lai. Ha'u concorda mós ho Deputado Adriano nia observação ne'e, liuliu iha Comissão A. Comissão A ne'e ha'u hanoin iha assunto balu, hanessan «comunicação social», «comunicação social» ne'e ba iha comissão seluk. Depois matéria ética nian tem que claro iha-ne'e. Ita liga ba iha Comissão G nian, iha anterior ne'e iha buat ida regime jurídico do direito de petição, iha-ne'e iha proposta ne'e la iha tiha fali ona, hassai tiha. Tuir loloos nia bele mossu iha Comissão G ou bele mós mossu iha Comissão A. Ne'ebe, ha'u propõe ita atu adita fali regime jurídico do direito de petição ne'e ba iha área Comissão A nian ou ba iha Comissão G nian. Sei di'ak liu ba Comissão G nian tanba liga diretamente ba relação ho população loroloron, liuliu ba necessidades cidadão sira ne'ebé hakarak atu mai apresenta sira-nia opinião ba Parlamento, precisa hatama tan matéria ida-ne'e, labele hassai. Ida comunicação social ne'e, ha'u sente nia posição iha Comissão A la di'ak tanba Comissão A ne'e orsida problema barak liu kona-ba lei, e ita bá preocupa tan fali ho comunicação social, então «comunicação social» ne'e bele fó ba iha Educação tan mós bele.

Depois, ikus, ida terceiro, Presidente, ohin Deputado Adriano mós sublinha tiha ona, ha'u haree ami-nia hanoin quase hanessan. Kona-ba «ordenamento do território» ne'e tanba ne'e liga ho lei barak, di'ak liu tau iha Comissão A. E «urbanismo» ne'e relativo, bele hela iha Comissão D mós di'ak, mas se bele muda ba Comissão A. Hussu ba técnico sira aponta ida-ne'e antes ita bá aprova, lê filafali lai ne'e para ita haree, depois mak ita halo aprovação.

Ha'u-nia comentário, mais ou menos, mak ida-ne'e, mas se bele ita separa tiha lai constituição das bancadas parlamentares, tanba constituição das bancadas parlamentares ne'e mak sai base ba criação das comissões permanentes, liuliu atu nomeia membro sira bá. Porque ida-ne'e ita seidauk consenso, ha'u hanoin ita discute ketak, Presidente.

Sr. **Presidente**: — Obrigado, Sr. Deputado.

Hakarak clarifica de'it katak tuir ita-nia sistema, se lei ne'e válido ita hala'o tuir lei, ita labele hanoin de'it katak tribunal atu decide saida. Tanba ne'e mak lei ne'ebé iha hela, ne'e válido, vincula, ita executa e la'o tuir processo regimental ne'ebé iha. E rua ne'e ita tem que preenche, se ita cria de'it comissão sem coloca Deputados, hanessan de'it, vazio, mamuk, tanba Deputado sira mak hala'o função no knaar iha comissão ne'e tuir área temática ida-idak nian. Se ita hein lai processo ida-ne'e mak foin bele halo, ha'u hanoin ne'e sala boot. Normalmente ne'e executa, e quando deliberação tribunal nian mai dehan katak buat ne'e la loos, ne'e vincula ba oin, nia labele vincula mai kotuk. Tanba ne'e mak nia processamento ne'e ita la'o nafatin hanessan normal, constituição das bancadas ita liu tiha ona, agora ita iha fase atu halo constituição das comissões e composição das comissões, tanba comissões tem que iha Deputado sira iha-ne'ebá atu hala'o knaar ne'ebé distribui bá.

Agora, kona-ba assunto na temática sira ne'ebé Ita-Boot sira questiona, muda ba ida-ne'e, muda ba ida-ne'ebá, ne'e cabe ba plenária nia pronunciamento, se concorda ita ajusta e ita bele la'o lailais liu.

Tuirmai: Sr. Deputado Abel Pires.

Sr. **Abel Pires da Silva** (PLP): — Obrigado, Sr. Presidente, bom dia ba ita hotu.

Ha'u-nia hanoin ita tem que foca debate ne'e ba ponto ne'ebé importante mak uluk lai. Primeiro loloos, ha'u sugere ita atu debate uluk lai número comissão nian, número ne'e loos tiha, depois mak ita bá debate filafali kona-ba competência específica ba cada comissão tanba ne'e ita bele muda bá, muda mai, e depois mak ita foin ba colocação número. Ne'ebe, se ita la halo *step* hanessan ne'e, passo hanessan ne'e, ita la sai ona hussi Plenário ne'e tanba ha'u ko'alia kona-ba número de comissão, colega Deputado seluk ko'alia kona-ba competência, colega Deputado seluk ko'alia kona fali ba número colocação ba Deputado sira, ne'ebe ita kahur buat tolu ne'ebé tuir loloos ita tem que halo sequência ne'e uluk lai. Ne'ebe, ha'u propõe mai ita debate kona-ba número comissão uluk.

Ha'u haree tuir assunto sira-ne'e, comissão sira-ne'e ita la precisa to'o hitu, tanba saida, tanba comissão F ho G ne'e quase *urus* área social de'it. Ne'ebe, rua ne'e bele kahur hela, ha'u hanoin bele halo hamutuk, ita hetan de'it comissão ne'e neen de'it mós natoon ona para resolve saida mak ita hakarak halo iha Legislatura ida-ne'e. Ne'ebe, mai ita resolve ida-ne'e, neen ka hitu ne'e loos tiha ona depois ita avança filafali ba debate kona-ba assunto ne'ebé específico hanessan ohin Deputado Adriano ohin dehan katak tem que muda comunicação social.

E depois, ha'u concorda katak ordenamento do território ne'e di'ak liu muda ba Comissão E, mas ne'e ita hein lai, ita debate uluk lai ninia número ne'e.

Ne'ebe, ha'u propõe ba Legislatura ida-ne'e ita iha comissão neen de'it tanba ha'u haree F ho G ne'e bele hamutuk.

Obrigado barak.

Sr. **Presidente**: — Ok, sugestão di'ak ida. Ha'u hanoin ita sei bele considera.

Ita haree *fokus* ba número comissão lai, ita hakarak hitu ka, mantém hitu ne'ebé tuir ami-nia proposta, ida-ne'e se concorda ita lalika questiona *soal* número.

Agora, kona-ba competência e depois distribuição de números dos Deputados ba cada comissão. Ha'u hanoin assunto tolu que hanoin...

Obrigado ba sugestão, se bele ita hala'ó tuir ida-ne'e, ita bele lais liu.

Sr. **Antoninho Bianco** (FRETILIN): — Ponto de ordem!

Sr. **Presidente**: — Ponto de ordem: Sr. Deputado Antoninho Bianco. Faz favor.

Sr. **Antoninho Bianco** (FRETILIN): — Obrigado, Presidente.

Ha'u secunda katak di'ak liu ita discussão assunto... Ohin ha'u dehan assunto rua, afinal tolu, ne'e loos duni, então ita discussão assunto dala uluk mak cria comissão lai. Cria comissão, maibé se assunto comissão ne'e cria, tem que cria ne'e ninia papel ne'e iha kedan, labele cria tiha depois la hatene nia papel saida. Tanba ne'e mak concorda uitoan, mas discorda uitoan fali. Tanba ne'e mak sete ne'e ha'u hanoin uluk iha I Legislatura mós sete, maibé fixa kedas iha Regimento, depois ikus fali mai, tanba, pronto, mai AMP ida uluk mai fali ida-ne'e, pronto dehan através de deliberação ida fali.

Tanba ne'e, ha'u hussu Presidente, iha-ne'e lalika dehan Presidente dehan imi-nian mak loos ona, ne'e ohin, ha'u halo ponto de ordem ne'e tanba Ita-Boot dehan Ita-Boot nia decisão ne'e loos ona be ha'u discorda uitoan. Ita pró-contra ne'e, Ita-nia loos, ami-nian loos, ne'e Tribunal mak sei decide.

Agora, cria comissão tem que cria.

Agora, ha'u hakarak sugere Comissão A ne'e ita hakarak fó papel saida, A papel saida.

Ita bele halo avaliação tanba período I Legislatura mai to'ó agora ne'e ita hatene ona, pelo menos ita iha laran ne'e ita hatene serviço halo nu'ussá, tanba normalmente iha comissão ne'e era para cria subcomissões, mas durante este período ne'e subcomissões nunca iha, tanbassá?! Tanba membro ne'e limitado, tanba ne'e mak discussão sira-ne'e...

Sr. **Presidente**: — Tempo, Sr. Deputado.

Sr. **Antoninho Bianco** (FRETILIN): — ...Presidente, ha'u tem que fó hanoin para halo buat di'ak...

Sr. **Presidente**: — Ponto de ordem ne'e um minuto, Sr. Deputado.

Sr. **Antoninho Bianco** (FRETILIN): — Di'ak, Ita-Boot começa *main kuasa, kuasa* de'it be la iha buat ida.

Obrigado.

Hamnassa.

Foin mak tama mós ho *kuasa* ona.

Obrigado.

Sr. **Presidente**: — Desculpa, Regimento mak regula, dehan katak ponto de ordem um minuto, ne'ebe ita cumpre ne'e, ha'u mós cumpre ida-ne'e, hussu Deputado sira mós ita cumpre hamutuk bá para processo bele la'o.

Obrigado.

Sr. **Presidente**: — Sr. António Benevides, faz favor.

Sr. **António de Sá Benevides** (FDD): — Muito obrigado, Sr. Presidente.

Ha'u secunda buat ne'ebé Sr. Deputado Abel Pires dehan. Ha'u hanoin ita tem que haree uluk lai, tem que acerta uluk lai mak número comissão sira-ne'e, mas para ida-ne'e ita tem que hatene didi'ak organograma Governo nian ne'e, se lae ita si'ik de'it dehan hakarak neen, hakarak hitu, ne'e mai hussi ne'ebé. Ne'e ha'u-nia problema ida mak ne'e.

E segundo, Sr. Presidente, atu haree kona-ba agrupamento Comissão D nian, ita ko'alia kona-ba emprego e formação profissional, ne'e ita hatama iha Comissão D, talvez iha lógica tanba emprego ne'e halai liu bá ne'e, haree mós iha economia e desenvolvimento ne'e, maibé keta haluha katak formação profissional uluk mak ba emprego, quando ema hetan formação di'ak ema foin hetan serviço.

Atu liga ba formação ne'e ita labele sees hussi educação, educação ho formação ne'e tem que hamutuk. Tanba ne'e ha'u sugere orsida ita bele haree to'ok, nia bele tama iha Comissão G ka lae, se bele.

Mak ne'e de'it, Sr. Presidente, obrigado.

Sr. **Presidente**: — Obrigado, Sr. Deputado.

Tuirmai: Sr. Deputado António da Conceição.

Sr. **António da Conceição** (PD): — Obrigado, Presidente.

Em primeiro lugar, ha'u hanoin ita tem que ser hola mós experiências do passado, se iha passado iha apresentação das comissões ne'ebé agora contempla iha-ne'e sete comissões, ha'u hanoin experiência ne'ebé mai ne'e mós Deputado barak ne'ebé iha-ne'e haree nia efetividade do funcionamento das comissões ninian. Ne'e primeiro, atubele fó razão katak karik comissão ne'e não é questão numérica, questão de função da comissão.

Meramente para numérico, ita bele hatún, bele hassa'e, mas o exercício da função da comissão ida-ne'e mak importante atu ba órgão ida be Parlamento nian, órgão fiscalizador ne'e atubele exerce nia papel. Tanba ida-ne'e mak ha'u hanoin ha'u concorda ho ida hitu, ha'u mós la concorda atu tau filafali educação ho saúde ne'e, meramente, só por razões de assunto social. Setores rua ne'ebé importante tebes iha País ida-ne'e, ne'ebé nia negligência ne'e barak loos, mós ida-ne'e requiere fiscalização ida-ne'ebé di'ak iha setor rua ne'e, hodi nune'e ita bele fó prestação de serviço ida-ne'ebé di'ak ba ita-nia população sira.

Tanba ida-ne'e mak ha'u, em princípio, hanoin katak ha'u concorda ho ida hitu ne'e, maibé buat ne'ebé ha'u hanoin atu hassai hodi bele halo alteração, mudança, maka ida ohin Deputada Veneranda mós ko'alia kona-ba igualdade e não discriminação. Ida-ne'e questão transversal, sim, maibé mós questão ida-ne'ebé questão social hotu, que requiere ninia relacionamento ho mós oportunidade sira ne'ebé iha em termos legais ninian, maibé mós ba oportunidade sira seluk, para saúde e para educação. Tanba ida-ne'e mak ha'u hanoin se ita bele muda, ita muda nia mai iha assuntos sociais para depois nia bele transversal ba parte sira seluk mós, mas se nia, meramente, ba hanessan questão legal de'it, de direito, atu ita trata, sim, ita bele halo de'it lei hodi bele regula, mas ita ko'alia kona-ba aplicabilidade iha sensibilidade. E tanba ne'e mak ha'u hanoin dehan katak karik nia fatin ne'ebé di'ak liu mak ita tau ba iha assuntos sociais, ne'e ha'u hanoin buat ne'ebé iha relação, embora iha educação mós nia constitui parte. Agora, iha-ne'e maka questão de gestão para ita bele halo ninia funcionamento comissão ida-ne'e loloos.

Ha'u hanoin ida-ne'e mak ha'u-nia contribuição.

Obrigado, Sr. Presidente.

Sr. Presidente: — Obrigado.

Começa ita hetan ideia balu que precisa atubele hadi'a projeto ne'e, ideia balu que pertinente para ita bele considera.

Tuirmai, ha'u hussu técnico sira atu toma nota assunto sira-ne'e tanba iha comentário rua ka tolu hanessan, hanoin katak ita bele considera hanessan proposta ida atubele ajusta.

Tuirmai: Sr. Deputado Francisco Branco. Faz favor.

Sr. Francisco Miranda Branco (FRETILIN): — Obrigado, Presidente.

Ha'u haree katak ita separa tiha educação ho saúde, mas se ita haree didi'ak área rua ne'e inter-relacionado. Se sociedade ida-ne'ebé nia educação ne'e aas, ita haree katak problema saúde ne'e começa menos. Iha complexidade atu halo atendimento ba serviço saúde ne'e, ne'e ita haree países desenvolvidos mós iha problema seluk ida, maibé iha problema geográfico moras nian ne'e hanessan endémicos, ne'e só iha país sira ne'ebé nia educação ne'e sei menos. Ne'ebe, ha'u hanoin la iha razão ita separa educação ho saúde.

Ida fali maka, Sr. Presidente e colegas Deputados, iha IV Legislatura tenta atu introduz espaço ida ba cidadão sira, hodi nune'e ita bele hateten duni katak iha sentido katak iha Uma-Fukun ida-ne'e povo nian duni, ita dehan Uma-Fukun ne'e povo nian, maibé ita lakohi loke espaço ida povo atubele fó sira-nia hanoin iha-ne'e.

Iha experiências balu liubá, e hanoin experiência sira-ne'e iha razão duni atu ita loke espaço ida ho comissão ida ketak, Comissão G ida uluk nian ne'e hanoin ida-ne'e mak di'ak liu e ita fó duni sentido katak Uma-Fukun ida-ne'e povo nian duni, hodi espaço ba sira mai ko'alia atu nune'e ita bele atenua situação ruma, ita bele responde antes.

Ida-ne'e de'it mak ha'u-nia contribuição ba ita-nia Comissão Especializada Permanente.

Obrigado, Presidente.

Sr. Presidente: — Obrigado, Sr. Deputado.

Tuirmai: Sr.^a Deputada Virgínia Ana Belo.

Sr.^a Virgínia Ana Belo (CNRT): — Obrigada, Sr. Presidente.

Boa tarde ba Ita-Boot, ba membros da Mesa no ba colega Deputado sira hotu.

Ha'u hanoin, Sr. Presidente, ita la ko'alia filafali ba constituição das bancadas tanba claro tiha ona. Ohin dadeer quando lê tiha ona ita-nia agenda ida primeiro, bancada ne'e loos ona, por isso, ita labele halo fali separação, atu separa, atu halo discussão ba constituição ba comissão sira-nian.

Por enquanto, quando seidauk iha decisão hussi Tribunal ita mantém e la'o tuir lei ka Regimento ne'ebé rege hela ita para depois ita atu la'o halo tuir. Quando iha ona decisão Tribunal dehan katak saida mak ita halo ne'e la loos, ita constitui bancadas iha-ne'e dehan la loos, pronto, ita bele muda.

Por enquanto seidauk iha, ita tem que la'o tuir saida mak iha.

Segundo, Sr. Presidente, ha'u aceita ou secunda tebes ho áreas competentes ba Comissão Especializada Permanente sira ne'ebé Ita-Boot sira propõe tuir projeto deliberação ne'ebé hato'o, liuliu ba Comissão F ne'ebé ita tau ninia *fokus* ne'e ba liu área saúde. Hanoin ita sira iha-ne'e kleur, ita hatene oinsá área de saúde ho área de educação ne'e ninia complexidade, se ita tau hamutuk de'it iha comissão ida de'it hanessan ita halo iha kotuk, iha passado, sussar tebetebes ba comissão ida-ne'e atu haree. Tanba saida? Quando ha'u hakarak baseia filafali ba números dos Deputados ne'ebé ita constitui ka ita fahe bá

iha cada comissão, se Comissão F ho membro sia de'it depois mak nia tem que haree ba assunto educação ho saúde hotu dala ida, ha'u hanoin ne'e todan tebetebes. Tanba ida-ne'e mak ha'u aceita separa tiha assunto todan rua ne'ebé Estado ka ita enfrenta durante ne'e. Saúde ho educação ita tau tiha ba comissão ketak-ketak para depois bele *fokus* hodi haree área ida-idak ninian.

Ha'u hanoin ida-ne'e de'it mak ha'u hakarak hato'o, Sr. Presidente.

Obrigado.

Sr. Presidente: — Obrigado, Sr.^a Deputada.

Intenção loloos ne'e mak Sr.^a Deputada ohin dehan ne'e, tanba complexidade uluk, quando iha comissão ida de'it mak kaer área saúde ho educação ne'e, mak ami-nia hanoin katak sei di'ak liu ita fahe tiha área temática ida-ne'e ba iha comissão rua, por exemplo saúde iha Comissão F, educação iha Comissão G, atu nune'e bele distribui tiha todan ne'e, nia complexidade ne'e, atu nune'e Deputado sira bele acesso di'ak liu.

Mas, ida-ne'e cabe ba pronunciamento Deputado sira-nian.

Tuirmai: Sr.^a Deputada Lúcia Norberta.

Sr.^a Lúcia Norberta dos Santos Martins (FRETILIN): — Obrigada, Sr. Presidente.

Atu corrige de'it, ha'u-nia naran Lúcia la'ós Lúcia.

Obrigada, desculpa.

Sr. Presidente, atu ko'alia de'it kona-ba constituição Comissões Especializadas Permanentes ne'e iha hanoin di'ak barak, karik ida-ne'e mak concentração ne'ebé ita iha karik, composição número de comissões, sete comissões ne'e pertinente. Agora, haree ba nia competência ne'e mós ha'u concorda ho colega balu ne'ebé ohin levanta questão ona para labele fó fali peso ba comissão ida depois ida seluk saida, mas depois mós haree ba ninia ligação serviço funcionamento comissão ne'e rassik. Por exemplo, wainhira trata kona-ba área saúde, então, nia mós iha ligação ba área educação, então ida-ne'e ita mós tem que tau consideração ba ida-ne'e.

Além de ko'alia ida-ne'e, ha'u mós hakarak ko'alia mós kona-ba Comissão Especializada Permanente ne'e rassik wainhira constitui, iha-ne'ebá...

Deputado balu Bancada CNRT nian bissubissu ba malu.

...Desculpa ba maluk sira ne'ebé karik alérgico, mas iha-ne'ebá mak hatete duni, tanba ohin Presidente dehan katak ita tem que ser tuir lei ne'ebé válido, e ba maluk Deputado ne'ebé ohin mós levanta questão mós hatete no continua reforça nafatin buat ida-ne'e. Então, ha'u mós hakarak reforça de'it katak iha artigo 30.º iha Comissão Especializada ne'e dehan Plenária ne'e, wainhira decide tiha

formação bancada, mak Plenária ne'e sei designa número, sei halo designação, sei identifica mós número, sei mós atribui competência ba Comissão Especializada Permanente.

Nune'e, hussi ida-ne'e ha'u dehan katak karik agora daudauk ita discute Comissão Especializada Permanente ne'e, ida-ne'e la'ós pertinente lae, mas seidauk to'o tempo karik. Tanba, se ita ko'alia kona-ba formação bancadas de'it, se ita seidauk iha consenso ida que loos, halo nu'ussá mak ita bele halai ona ba formação de Comissão Especializada Permanente?

Ida-ne'e mós atu hateten katak iha lacuna balu. Ha'u continua tanba iha discussão dadeer-saan ohin Ita-Boot la fó ha'u atubele halo apreciação ba maluk sira, nune'e ha'u continua halo ligação ba ida-ne'e.

Se karik iha primado da lei, iha lei mak fó dalan ita halo eleição, iha artigo 2.º Constituição dehan katak Lei mak fó dalan mai ita ba halo eleição. E iha ne'ebá mós dehan iha número 2, artigo 2.º Constituição, número 3 no 4, salvo erro, iha-ne'ebá dehan katak iha primado da lei, iha ne'ebá reforça primado da lei, wainhira ita identifica lacuna ruma iha lei ne'ebé iha, automaticamente nia inconstitucional. Inconstitucional tanba saida? Nia la reflete saida mak princípios fundamentais Constituição nian. Ne'ebe, ita tau hanoin kona-ba ida-ne'e, ita halo concertação kona-ba ida-ne'e.

Lei-Inan mak manda lei-oan, lei-oan quando sala hadi'a mak lei-oan, la'ós hadi'a mak inan, inan ne'e ida de'it. Ita-nia inan hahoris ne'e ida de'it, la iha ema ida troca, bele inan hakiak, maibé inan, inan nafatin. Se sala mak oan, hadi'a mak oan.

Ne'e mak ha'u-nia lógica, buat ida Comissão Especializada Permanente ne'e ita só arruma wainhira arruma tiha formação bancada. Tanba ne'e mak ami-nia posição ne'e ida ha'u continua nafatin katak caso ida-ne'e ami tem que ser lori ba Tribunal duni, tanba ida-ne'e...

Bisubissu hussi Deputado sira AMP nian.

... Atu alérgico mós ida-ne'e duni, maun-alin sira.

Ita ko'alia agora ita na'in hira mai representa povo ne'e, ita na'in hira mak representa povo ne'e, ita tem que ser hatene katak ita halo Lei ne'e tem que reflete ba ninia sobrevivência do Estado para longo prazo, la'ós para atu reflete de'it ha'u-nia interesse político ida.

Quando reflete ha'u-nia interesse político ida mak to'o ikus acontece saida, wainhira ha'u quando forma tiha Governo, ha'u la iha solução, ha'u tem que ser atu buka muda fali, então, ha'u-nia sentido de Estado la iha, ita-nian ne'e mai halo concertação, ita halo discussão ba ida-ne'e, ba longo prazo, la'ós mai para hatún malu, ida-ne'e la iha ida, tanba ne'e mak discute, loos ka lae?

Sr. Presidente: — Tempo!

Sr.^a **Lídia Norberta dos Santos Martins** (FRETILIN): — Se lae di'ak liu halakon tiha Uma-Fukun ne'e para lalika discute ida.

Obrigada.

Sr. **Presidente**: — Obrigado, Sr.^a Deputada.

Lei ne'ebé válido ita tem que executa, porque enquanto sei la iha lei ida altera ou decisão ruma hussi Tribunal para declara inconstitucionalidade, lei ne'e prevalece. Tan ne'e mak ita la'o tuir nafatin regras ne'ebé iha, por enquanto seidauk iha decisão ida.

Tuirmai: Sr. Deputado Francisco de Vasconcelos.

Sr. **Francisco de Vasconcelos** (PLP): — Obrigado, Sr. Presidente.

Uma vez que ita ta'es sussuk ida ita tolan camelo boot ida.

Ohin ita tama ona ba iha discussão estabelecimento Comissão Especializada Permanente, maluk sira arrasta filafali ba bancadas.

Ita ohin iha início dehan tiha ona katak artigo 11.º ne'e seidauk halo revisão, ne'e prevalece. Artigo 11.º Regimento Parlamento Nacional nian.

Lei fó dalan ba Deputado sira, ba partido sira atu apresenta queixa ba Tribunal Recurso, mas ita mós tem que hatene, ita-nia Estado ne'e iha órgão soberano haat, iha interdependência, mas iha mós separação de poderes.

Parlamento Nacional la hein decisão Tribunal depois mak nia halo nia funcionamento. Ita iha Regimento ba regula funcionamento Parlamento Nacional nian. Ne'ebe, ita la hein ida, la hein decisão Tribunal de Recurso, dala ruma ita dehan hanessian ne'e, Regimento ko'alia claro, artigo sira ohin descreve no lê sai ba ita hotu rona ne'e, ha'u hanoin ita la precisa halo interpretação, compreende, esclarecido, mas funcionamento Parlamento Nacional nian loroloron ne'e Regimento Parlamento Nacional nian ne'e mak regula ita.

Se ita ko'alia kona-ba área temática sira iha comissão, ita descreve tan assunto balun, ha'u concorda, mas ita dehan katak tem que haree uluk Tribunal halo lai decisão ida ba bancadas hira mak existe iha Parlamento, depois ita mai, ne'e la loos, ne'e la loos. Ne'e órgão Estado, órgão soberano, la depende ba Tribunal de Recurso.

E Tribunal de Recurso dehan hanessian ne'e «AMP (Aliança Mudança ba Progresso), ne'e ilegal», ne'e mak ita dehan hanessian ne'e «Pronto, AMP hela ho bancada ida». Se Ita-Boot sira mak ko'alia de'it dehan hanessian ne'e «AMP tanba saida mak fahe malu»... «Fahe malu», ami la fahe malu, Ita-Boot sira nia hanoin mak fahe, ami la fahe malu.

E ha'u mós louva PUDD, sira-nia relação amizade di'ak, mas FRETILIN mak sente relação la di'ak fali ho FDD, ne'e *kan* ladún di'ak ka lae?! Tanba ne'e mak ita tem que avança ba discussão Comissão Especializada Permanente, Sr. Presidente.

Sr. Presidente: — Obrigado.

Hussi debate to'o agora, iha sugestão fundamental rua: Comissão A nian Igualdade, Não Discriminação ho Comunicação Social sugere atu ba Comissão G, depois iha Comissão D nian Ordenamento Território ho Urbanismo atu ba fali Comissão A.

Ida-ne'e mak recolha depois de debate ne'e, se hotu-hotu concorda, ida-ne'e ami bele considera para hodi elabora daudauk ona preparação texto ida substituto ba anexo um, atu nune'e ita bele halo aprovação, tanba comentário sira-ne'e quase iha hela linha ida de'it katak acertamento ida-ne'e no atu haree ba composição ne'e ninian.

Ha'u hanoin ida-ne'e mak ha'u hakarak halo resumo hussi intervenção to'o agora.

Tuirmai: Sr. Deputado Aniceto Guterres.

Sr. Antoninho Bianco (FRETILIN): — Ponto de ordem.

Sr. Presidente: — Sim. Faz favor, Sr. Deputado Antoninho Bianco.

Sr. Antoninho Bianco (FRETILIN): — Presidente, imi amizade de'it ka? Ami mós amizade ho imi. FRETILIN ne'e la'ós mai atu sobu imi-nia amizade, ne'e lae! Ne'e hanoin barato, foin mak koko.

FRETILIN dehan amizade ne'e, ne'e iha-ne'ebé de'it, desde uluk kedas to'o agora amizade. Ami uluk iha AMP ema hadau mós ami amizade. Ita-Boot foin mak koko dehan FRETILIN haruka imi la amizade, ne'e sala boot. FRETILIN la iha espírito ida atu sobu malu, hatene!

Agora, atu fó-hatene, Constituição hatete: iha início de mandato é obrigatoriamente atu aprova Regimento Parlamento nian. Presidente hili tiha e aprova Regimento Parlamento nian. Tuir loloos agora iha revisão, tanba agora ne'e iha revisão ida atu halo criação ida-ne'e.

Presidente, ha'u ko'alia devia rona ha'u, assessor depois.

Sr. Presidente: — Desculpa, tanba ha'u mós iha consulta para bele harmoniza sassán sira-ne'e. Tuirmai, ponto de ordem: Sr.^a Deputada Maria Angélica.

Sr. Antoninho Bianco (FRETILIN): — Ha'u concorda Ita-Boot tanba ha'u tem que respeito Ita-Boot ko'alia, ha'u tem que *mengalah*. Agora, ha'u-nia direito atu ko'alia, tanba ohin Ita-Boot la rona, bele ka lae?

Sr. **Presidente**: — Bele conclui.

Sr. **Antoninho Bianco** (FRETILIN): — Presidente, ne'e defesa de honra ba FRETILIN. Ha'u mai iha-ne'e tanba FRETILIN, tanba ne'e três minutos.

Ha'u-nia colega Deputado ida be Francisco de Vasconcelos ne'e, ohin dehan FRETILIN mak dehan halo sobu fali sira-nia amizade, AMP ne'e imi amizade, ami mós dehan ita la ódio malu, loos ka lae? Imi FDD amizade, ami dehan ami imi-nia amigo e uluk kedan. Ne'ebe, duun fali mai ami ne'e, Ita-Boot foin mak apreende, FRETILIN nunca ódio ema, iha início kedan to'o agora, imi bele la AMP mós ami la ódio imi.

Ami fó ami-nia hanoin katak tuir Constituição hanessan ne'e.

Agora ha'u fó hatene I Legislatura ne'e, espírito Lei UNTAET nian, ha'u momento ne'e Ministro da Administração Interna, envolve processo eleição. Iha regulamento UNTAET estabelece katak iha ema independente mak tama laran. Balun bá ho símbolo manu de'it, ho sira seluk-seluk. Tanba ne'e transforma Regimento ida uluk ne'e liga ba artigo 11.º, ne'e uluk 12.º, se hakarak duni, haree. E artigo 12.º ida agora daudauk ne'e dehan independente ne'e, sei nafatin.

Ohin sira balu dehan tanbassá mak la muda, hussu ba AMP uluk, hussu ba bloco uluk, sé mak ukun?! Lalika hussu ba FRETILIN. Agora tempo duni, imi-nia naran dehan Mudança ba Progresso ka sá... ita buka início kedan ne'e halo revisão, ne'e mak dehan espírito ida-ne'e, halo revisão.

Ida agora loloos fixa deliberação, ne'e mós imi mak muda. Regimento uluk ne'e fixação comissão ne'e é permanente duni iha comissão depois iha mudança, imi mak halo.

Tanba ne'e, ha'u mak fó hatene de'it katak FRETILIN nunca ódio, iha-ne'ebé de'it, amizade ba nafatin, ami hadomi liu imi, tuir loloos imi hadomi liu povo. Tuir loos AMP povo hili, ida-ne'e mak tem que mantém, ida-ne'e mak loos.

FDD tem que mantém, seidauk tan fulan ida, ita mai hadau malu poder, cria tan bancada tolu, Presidente tolu, Vice-Presidente neen. Ne'e mak hakarak ha'u hatete ba público, ba imi hanoin, la'ós tanba oposição atu fahe ida-ne'e. Tanba interesse povo.

Di'ak liu imi ida de'it, Presidente ida, Vice rua. Iha FDD mós hanessan ne'e, Presidente ida no Vice rua, ne'e mak ami dehan imi defende duni Estado direito, defende duni povo ne'ebé fó imi, mai fali fahe malu tun-sa'e ne'e, ne'e tanba posição.

Pronto, obrigado.

Ne'e ha'u fó hanoin, ami mai la'ós atu soran imi, ami ko'alia nune'e, maibé ami-nia laran ne'e moos ba imi, do que imi la ko'alia di'ak, imi-nia laran ne'e ha'u la hatene, *omong putih kasih tahu lurus*, ha'u nunca hatete buat ida que hussi kotuk.

Ita hamutuk nafatin, tanto ba interesse povo nian. Ida-ne'e importante.

Dala ida tan ha'u fó obrigado, tanba Ita-Boot fó tempo liu uitoan.

Sr. Presidente: — Tuir loos labele. Obrigado.

Tuirmai, ponto de ordem: Sr. Francisco de Vasconcelos, tanba ohin temi nia naran.

Sr. Francisco de Vasconcelos (PLP): — Obrigado, Sr. Presidente.

Ha'u mós hakarak *omong putih*, mas ha'u lakohi *kasih tahu ngaur* uitoan. Ha'u hakarak ko'alia *omong putih, omong putih duni, kasih tahu lurus, kasih tahu lurus*, la'ós *omong putih tapi kasih tahunya ngaur itu*.

AMP mai ho nia política rassik, AMP la'ós tuur metin de'it, mantém hori uluk hori wain depois hakarak ema seluk mak tuir fali AMP nia hakarak, não é isso.

La iha força política ida para dehan katak questiona existência Aliança Mudança ba Progresso (AMP) nian. Ne'e ita hotu tem que respeita malu e tem que respeita ida-ne'e. Adapta sistema multipartidarismo ne'e, partido barak-barak depois iha população uitoan de'it, Ita lakohi halo concertação, depois mai tau sala ba Aliança?

Regimento ida-ne'e ita labele viola tan de'it ita-nia interesses. Ita-Boot sira quando questiona Regimento horibainhira iha Sala Conferência ne'e, ha'u hatete ba Deputado ida Antoninho Bianco ne'e, ha'u dehan hanessian ne'e: «Ita-Boot questiona Regimento, ha'u questiona Constituição da República, hakarak?!». Hanessian ohin Chefe Bancada CNRT nian ohin ne'e, hakarak ita halo revisão ba Constituição da República, la'ós Regimento. Regimento, Aliança Mudança ba Progresso, ita bele halo revisão ba aban, ita bá mak ida boot ne'e, tanba ita halo tiha, aprova tiha depois ita mai interpreta tun-sa'e, halo confusão ba povo.

Sr. Presidente: — Tempo, Sr. Deputado.

Sr. Francisco de Vasconcelos (PLP): — Obrigado.

Sr. Presidente: — Obrigado.

Ha'u hanoin ita pára ona ho polémica ida-ne'e, ita *fokus* ba assunto, ne'e di'ak liu, do que orsida ita sai tiha hussi matéria debate ohin nian.

Tuir loloos ohin ha'u fó tiha ona tempo ba Sr. Aniceto Guterres. Tanba ne'e mak ha'u hanoin nia direito ne'e seidauk usa.

Ha'u hanoin ohin, Sr.^a Deputada, resposta entre rua ne'e hotu tiha ona, di'ak liu ita tama ba inscrição normal de'it para ita bele la'o.

Último liu ha'u fó ba Sr.^a Deputada Maria Angélica, um minuto.

Sr.^a **Maria Angélica Rangel da Cruz dos Reis** (FRETILIN): — Sr. Presidente, defesa ba Partido la'ós um minuto, três minutos.

Ha'u hakarak dehan nune'e: FRETILIN seidauk mai sobu ema iha-ne'e. FRETILIN mak hahú atu cria Rain ida-ne'e, FRETILIN mak mai sobu fali? Funu ne'e la'ós ema ida de'it mak halo, ita hotu-hotu iha 1999 ba tuu ne'e mak ita hotu-hotu hodi hetan independência ne'e. Agora mai dehan fali FRETILIN mak sobu.

Iha IV Legislatura FRETILIN hatudu nia maturidade política, katak FRETILIN povo fó fiar maski la maioria, maibé FRETILIN bolu ema hotu-hotu, la haree ba cor partido, la haree ba nia ne'e *otonomi* ka funu-na'in ka, nia ne'e saida.

FRETILIN hakarak halo pacto unidade nacional, atu ukun hamutuk, bolu ema sira-ne'e hotu mai ukun hamutuk, hodi ita trata malu iha *Facebook* dehan «oh, ida-ne'e *otonomi*, ida-ne'e la *otonomi*», até ita tuur iha *decision maker* sira-ne'e mós ema sira be uluk lakohi ukun-an ne'e. Be agora mai dehan fali FRETILIN mak sobu ne'e, FRETILIN sobu saida? Ita iha amizade hela. Mas, fatin ida-ne'e fatin concertação política atu ko'alia. Ami FRETILIN hanessian Bancada la'ós Governo, ami mai ho alternativa atu apresenta, atu hadi'a lacuna sira ne'ebé iha, la'ós de'it tuur tun mai ho pensamento dehan atu hadi'a Constituição da República, coitado!

Constituição da República ne'e lori ema mate sira-ne'e barak mak hodi ita hamutuk no halo ne'e, agora ita mai ho ita-nia hakarak de'it, ho de'it 33 ka 32 cadeiras ita hakarak atu muda Constituição da República? Por favor, Sr. Deputado sira, ita mai representa povo, ita la'ós mai representa ita-nia pessoal iha-ne'e.

Ha'u, pessoalmente, mai representa ha'u-nia partido, ha'u mai atu halo alternativa ba ukun ne'ebé la di'ak, atu halo alternativa ba lei ne'ebé la di'ak, Regimento ne'ebé la di'ak.

Ne'ebe, FRETILIN nunca sobu ema ida, FRETILIN *justru* hakuak ema hotu, hanessian ohin ha'u dehan, makerek mutin hakuak hotu, mas FRETILIN la di'ak de'it, dehan to'ok mai ami atu ami bele hadi'a. Saida mak dehan FRETILIN sobu? FRETILIN sobu horibainhira?

Muito obrigada.

Sr. **Presidente**: — Sim, ponto de ordem: Sr. Deputado Adriano do Nascimento.

Sr. **Adriano do Nascimento** (PD): — Presidente, ha'u ponto de ordem la'ós questão política, ne'e questão técnica.

Primeiro, ha'u sugere ba técnico sira atu controla tempo hodi hakerek iha ecrã ne'e. Segundo, ha'u sugere ba Deputado sira, se bele bainhira ko'alia karik ibun ne'e dook hussi microfone, tanba ami-nia tilun manas, ne'e ida. Ida tan, la rona moos Ita-Boot sira-nia lian, ne'e tanba nakfera.

Muito obrigado.

Sr. Presidente: — Obrigado ba observação.

Ha'u hanoin ita ba processo normal ona.

Sr. Deputado Aniceto sei hakarak usa tempo. Faz favor.

Sr. Aniceto Guterres Longuinhos Lopes (FRETILIN): — Presidente, ha'u hussu intervenção, be la'ós problema hakarak usa ka la usa. Ha'u inscreve ba intervenção, halo nu'ussá mak ema halo ponto de ordem, depois tem que supera fali mai ha'u-nia tempo.

Ha'u hanoin discussão ida kona-ba constituição de bancada ne'e sei relevante, tanba tem a ver com fahe número sira-ne'e.

Iha kotuk ita sei ko'alia kona-ba fahe números ba cada bancada partido ne'e. Iha distribuição bancadas parlamentares, número ne'e, iha-ne'e hakerek FRENTE-MUDANÇA/UDT, la hatene ida-ne'e coligação foun ida ka, ou halo nu'ussá.

Mas se ohin ita ko'alia dehan Regimento, artigo 11.º, iha-ne'ebá hatete dehan «Partido ou Coligação». Se la'ós coligação, então, partido. Agora daudauk Ita-Boot sira defende princípio ida dehan partido ida mak forma bancada ida. Imi bele hatudu to'ok mai ha'u artigo ruma iha Regimento ho lei ruma ne'ebé partido rua bele forma bancada ida ka lae? Hatudu to'ok mai ha'u. Princípio ida dehan partido ida forma bancada ida, ok, tanba Regimento dehan hanessan ne'e fora dehan Tribunal seidauk fó apreciação ruma kona-ba ida-ne'e, muito bom.

Mas agora, partido rua forma bancada ida, ne'e Lei hussi ne'ebé, Regimento ida-ne'ebé? Se la iha, ilegal.

Ita tem que resolve uluk ida-ne'e lai, antes ita ko'alia kona-ba número atu fahe ba cada Comissão ne'e. Tanba ne'e mak discussão ida formação bancada ne'e sei relevante nafatin agora.

Obrigado, Sr. Presidente.

Sr. Presidente: — Obrigado.

Assunto ne'e ohin iha período de antes da ordem do dia apresenta tiha ona, e la iha comentário ida. Ida-ne'e considera e ami hatete ona katak Deputado sira mak sente katak ida-ne'e la preenche critério. Halo favor, recorre ba Tribunal, depois cabe ba decisão Tribunal, ita hotu-hotu submete.

Obrigado, Sr. Deputado.

Tuirmai: Sr.^a Deputada Carmelita Moniz.

Sr.^a Carmelita Caetano Moniz (CNRT): — Obrigada, Sr. Presidente.

Boa tarde ba Ita-Boot e ba colega Deputado sira hotu.

Hakarak hatete katak revisão ba Regimento Parlamento Nacional hahú iha 2009, e segunda revisão iha 2016.

E ba revisão Regimento Parlamento Nacional ita constitui Comissão Eventual ne'ebé composto hussi partido político sira hotu. Sira-nia ema ba iha-ne'ebá, halo discussão. Sé mak chefia iha primeira revisão é Deputada Teresinha Viegas, ohin la tama tanba moras.

E iha 2016 mós hanessian, composto hussi Deputado sira hotu-hotu, e quando kona-ba votação, ita hotu-hotu vota a favor ba revisão dala rua ne'e. Ne'ebe, ha'u hussu, gravação sei iha, história ita tem que ko'alia loloos, labele hussu responsabilidade ba ida de'it, ita hotu-hotu vota ho consciência tanba ita-nia Deputado hotu-hotu representante mak tama iha-ne'ebá hodi halo revisão ba Regimento do Parlamento Nacional.

Segundo, ha'u louva tebes intervenção hussi Sr. Deputado António Benevides hussi PUDD, hanoin ida que di'ak tebetebes, fó hanoin ba ita Deputado sira katak se balu la concorda lori de'it ba Tribunal kona-ba constituição bancada tolu hussi FDD. Dalan nakloke, ita hotu-hotu ohin concorda katak se partido ida ne'ebé la concorda, ka Deputado ida-ne'ebé la concorda, lori ba Tribunal.

E ha'u mós hakarak hatete katak constituição das Comissões Especializadas Permanentes iha ligação, maibé la dependente totalmente ba constituição ba bancada, tanba karik mak Tribunal aban bainrua decide dehan AMP tem que forma bancada ida, FDD tem que forma bancada ida, maibé la iha mudança ba nia números dos Deputados. Composição ba Comissões Especializadas Permanentes haree ba números dos Deputados. Tanba ida-ne'e mak, Sr. Deputado sira, ita hotu-hotu laran malirin bá, ita decide ona kona-ba composição das Comissões Especializadas Permanentes, ita decide ona bá para ita halo ona funcionamento normal do Parlamento Nacional, ho nune'e ita fó ona tempo ba Governo atu lori programa, depois de programa sei aprovado, haree ona ba orçamento, tanba ita-nia País precisa Nação ne'e la'o ba oin.

Ne'ebe, ha'u hussu Sr. Deputado sira, ita pára ona ho ita-nia discussão, ita hotu-hotu iha-ne'e Deputados barak mak Deputados tuan, balu começa kedas hahú hussi I Legislatura até à data Deputado nafatin, ne'ebe, senhor sira, ita tuur ba, ita hahú ona.

Sr. Presidente, ita mós se la iha tan ona intervenção, ita fila fali ba kotuk, di'ak liu ita hussu ba votação de'it ona, para ita hodi halo ona constituição ka ita forma ona ita-nia Comissão Especializada Permanente, funcionamento do Parlamento mós normal ona, para País ne'e mós hodi la'o normal ona.

Muito obrigado, Sr. Presidente.

Sr. Presidente: — Obrigado barak ba Deputada nia sugestão.

Ida-ne'e mak ami hanoin. Mas inscrição mai iha-ne'e sanulu-ressin, talvez ha'u fó tan ida-rua ba distinto Deputado sira, ita tem que halo ona conclusão para saida.

Sr.^a Deputada Elvina Sousa, hussi PD.

Sr.^a **Elvina Sousa Carvalho** (PD): — Obrigada, Sr. Presidente, distinto Deputado sira.

Ha'u, hanessian membro cessante hussi Comissão G, sugere ba Mesa Parlamento para técnico sira bele haree katak se bele aumenta iha Comissão G ne'e assunto ida igualdade ho não discriminação iha-ne'ebá. Tanba precisamente igualdade no não discriminação ne'e tau duni iha Comissão G.

E ha'u mós concorda ho hanoin hussi Deputado António Benevides kona-ba constituição no assuntos profissionais e emprego bá iha Comissão G, tanba iha Comissão G ne'e mak ko'alia kona-ba assunto juventude.

Secunda mós hanoin hussi Deputado Bianco nian katak precisamente implementa programa lian povo, ne'e tanba Parlamento Nacional ida-ne'e precisa mós nakloke ba povo no mós transparente no tem que iha participação direta hussi povo. Tanba ho hanoin iha Legislatura anterior ko'alia kona-ba programa lian povo ne'e.

E recomenda mós ba Sr. Deputado sira, e Presidente Parlamento, tem que promove diálogo no concertação política iha Parlamento Nacional ne'e hodi ita bele hetan solução ida-ne'ebé di'ak ba itania povo ida-ne'e.

Ha'u mós sugere katak ita precisa duni halo revisão ba Regimento interno Parlamento Nacional nian, tanba iha mós assunto balu ka redação balu ne'ebé precisa duni halo mudança. Ne'ebe, se iha futuro mak iha revisão, ami hussi Partido Democrático pronto atu participa ativo iha revisão ida-ne'e.

Ha'u-nia hanoin mak ne'e, obrigada.

Sr. **Presidente**: — Obrigado barak ba distinto Deputado sira, ita quase 12h30.

Ha'u hakarak oinsá molok ita bá almoço, assunto ida kona-ba deliberação ba constituição das Comissões Especializadas Permanentes ne'e ita bele aprova tiha kedas antes ita bá almoço, atu nune'e ita mai fali ho ponto rua seluk iha agenda, maka votação ba projeto de lei kona-ba constituição das Comissões Permanentes e eleição ba membros do Conselho de Administração.

Tanba inscrição sei barak, maibé ha'u hakarak clarifica katak ohin iha sugestão balu ne'ebé atu iha mudança iha Comissão A, Igualdade e Não Discriminação ho Comunicação Social muda ba Comissão G, ami considera. Kona-ba Ordenamento Território, Urbanismo, iha III Legislatura nia iha duni Comissão D, depois lei ne'ebé baixa mai mak natoon ne'e baixa ba Comissão A ho D mak halo apreciação ba Lei Ordenamento Território.

Tanba ne'e mak se hela iha Comissão D mós la iha problema ida, tanba matéria sei mai, baixa, ita sei haree ba assunto, e bele baixa ba Comissão rua. Haree ba processo ne'e, ne'e processo normal ne'ebé acontece iha Parlamento Nacional ne'e. Talvez ho retirada rua ne'e bele diminui mós competência ka todan ne'ebé Comissão A sei simu durante nia mandato.

Tanba ne'e, ha'u hanoin, ho ajustamento ida-ne'e, se ita bele considera sai hanessan assunto fundamental, talvez ita hakarak comentário kona-ba número de Deputados iha cada Comissão, se concorda ho número ne'ebé ami propõe, bele fó atenção ba ida-ne'e ita hodi bele aprova.

Talvez, ha'u hussu ba distinto Deputado sira, ita *fokus* ba matéria ne'e di'ak liu, do que ita bá comentário sira seluk, liuliu pronunciamento kona-ba número de Deputados iha cada Comissão ne'e. Concorda ka lae? Tuir saida mak propõe.

E se bancada sira haree katak hakarak barak liu iha Comissão ida-ne'ebé, bele hatete kedas, nune'e ita bele acerta kedas número ne'e, se la saida mak iha ita aprova, ida-ne'e mak vincula.

Ida-ne'e mak ha'u-nia sugestão ba Plenária ninia consideração.

Ponto de ordem: Sr. Deputado Aniceto Guterres. Para ita bele hakat ba sugestão ida ohin.

Sr. Aniceto Longuinhos Guterres Lopes (FRETILIN): — Obrigado, Sr. Presidente.

Atu defesa de honra hanessan Deputado tuan.

Ha'u começa tuur iha-ne'e desde 2007, iha Parlamento. 2007 to'o 2012, FRETILIN sempre hola posição ida ho Governo de facto, iha primeiro dia kedas. Primeira reunião Dr. Mari Alkatiri questiona kedas quando PSD ho ASDT hakarak fahe bancada rua. PSD sira hatán «ami consulta tiha ona ho tribunal, dehan bele», enquanto Regimento ne'e ninia conteúdo mak hanessan ohin Deputado Francisco Branco lê fó mai ita hotu ne'e. Depois, quando to'o iha alteração Regimento, hatama tan liafuan ida ohin dehan «independentemente da existência de coligações pré-eleitorais», para formaliza fali ida ASDT ho PSD ninian. Ita hotu aprova, ha'u lembra ami vota contra decisão hotu-hotu iha Parlamento no iha ne'ebé de'it. Iha Parlamento ida-ne'e duni mós hola maioria, ne'e FRETILIN momento ne'e minoria FRETILIN mak dehan aprova... III Legislatura mós FRETILIN minoria, parece III Legislatura segunda alteração ne'e ha'u bele dehan FRETILIN halo cúmplice ho Ita-Boot sira CNRT, ne'e halo cúmplice, cúmplice só atu imi hodi hatún malu, ne'e mak halo 2.^a alteração. Tanba depois ida-ne'e, Mesa CNRT ne'e hussi Presidente to'o Secretário sira-ne'e, mós Vice-Secretário ne'e, cor ida de'it, CNRT hotu. Alteração ida-ne'e halo ba ida-ne'e, ida-ne'e loos ne'e ita hotu aprova alteração ne'e e ha'u rassik mak promove tanba atu halo cúmplice ida-ne'e.

Obrigado.

Sr. Presidente: — Obrigado.

Experiência passada sai hanessan lição ba ita hotu.

Tuirmai, ha'u bá diretamente ba distintos Deputados, ho consideração assunto sira ne'ebé iha mudança sira-ne'e, ita bele bá halo votação ba aprovação projeto de deliberação. Por enquanto seidauk iha... Sugestão sira ne'ebé ohin ami considera hanessan atu halo mudanças, ita *fokus* ba iha assunto ida-ne'e de'it.

Ponto de ordem: Sr. Deputado António.

Sr. António da Conceição (PD): — Sr. Presidente, ha'u atu hussu clarificação de'it.

Ha'u atu hussu clarificação de'it se ita atu bá votação e depois mós fixação de números dos Deputados ne'e ita tem que concorda uluk mudança ida ne'ebé mak ohin iha proposta oin rua ne'e, ida Igualdade e Não Discriminação ne'e, ne'ebé ohin iha proposta rua mak ne'e. Ne'ebe, ida atu ba Comissão F, ida mós mak ba Comissão G. Ha'u mak iha ba F ne'e, ha'u rona Presidente propõe atu ba Comissão G. Ha'u hakarak atu hetan explicação ida tanba sá mak bá tau fali iha Comissão G ne'e? Meramente Educação de'it, ka Saúde ne'e la'ós mós questão ida ne'ebé ita ko'alia kona-ba Discriminação, Igualdade... Ida-ne'e de'it ha'u hussu explicação antes de ha'u fó ha'u-nia confiança.

Obrigado.

Sr. Presidente: — Obrigado, Sr. Deputado.

Hanessan ohin ami dehan, educação ho saúde ne'e uluk iha comissão ida de'it, Comissão F. Mas haree ba nia volume de trabalho ne'ebé todan, ne'e mak hanoin katak, se bele, ita fahe tiha ba área temática ida Comissão F nian ida ba iha saúde e educação ne'e. Saúde hela nafatin iha Comissão F, educação ba tiha iha Comissão G, atu nune'e bele iha equilíbrio. Se lae, tanba iha área Comissão F ne'e iha saúde no iha segurança social, crianças, terceira idade, cidadãos portadores de deficiência, combatentes da libertação nacional, ne'e mak iha-ne'e. Então, ita haree katak di'ak liu educação ne'e ita foti tiha ba tau iha Comissão G, depois ho Ita-Boot nia sugestão ohin katak atu igualdade e não discriminação... Ita concorda ho Deputado nia sugestão ho comunicação social ne'ebé ohin dehan, ita junta mai iha Comissão G nia competência. Agora, assunto ida mak kona-ba emprego e formação profissional, ida-ne'e mak se ita hakarak muda hussi comissão D nia atu ba iha ida-ne'ebé?

Agora, ordenamento território, se ita hakarak mantém iha-ne'e mós nafatin tanba área temática ida-ne'e iha III Legislatura ho IV Legislatura mós nia hela iha-ne'e, só que nia mai hanessan legislação sira-ne'e sempre baixa ba iha comissão rua mak halo apreciação hamutuk, Comissão A e Comissão D. Se ita hakarak halo nia ka mantém nia iha Comissão D mós bele, se hakarak foti totalmente mai tan iha Comissão A mós bele, se concorda. Se sugestão ne'e concorda, ami sei harmoniza nia mai iha Comissão A nia competência, hanessan ne'e mós ba urbanismo. Nune'e mak ita-nia sugestão ba ita bele harmoniza tiha situação ida-ne'e, ou sei iha solução ida mak sugestão ba distintos Deputados se bele ita suspende Plenária ne'e ba agora, nune'e ami prepara texto foun depois de orsida mai 3h00 da tarde mak ita halo votação para depois aprecia diretamente ba ajustamento tuir sugestão sira ne'ebé ohin distinta Deputada sira coloca.

Ha'u hanoin ida-ne'e mak ha'u-nia sugestão. Se Plenária concorda ita halo hanessan ne'e, fó tempo para ami fó técnico sira ajusta tiha e orsida apresenta fali projeto foun ida para substitui ida-ne'e ho comentário no sugestão sira, opinião sira ohin, nune'e ita bele sai hussi situação ida-ne'e.

Sr. Deputado Adriano do Nascimento, faça favor.

Sr. Adriano do Nascimento (PD): — Sr. Presidente, ha'u ponto de ordem ne'e questão técnica. Ha'u la hatene português, mas ha'u hakarak hussu português na'in sira-ne'e. Iha comissão F ne'e, hakerek comissão de saúde e assuntos sociais. Assuntos sociais ne'e educação ne'e tama iha assuntos sociais ka lae? Se bele, termo ida assuntos sociais ne'e ita lalika usa! Lae ema hamnassa ita, educação ne'e assuntos sociais, buat ida iha Comissão G ne'e assuntos sociais hotu. Se bele, ha'u hussu ba assessor português di'ak ida, termo di'ak ida, ha'u hakarak troca assuntos sociais ne'e. Tanba se ita hatete assuntos sociais, saúde mak assuntos sociais depois educação ho sira seluk ne'e la'ós assuntos sociais, português saida mak ne'e? Não falo português, mas entendo português, está bem?! Muito obrigado.

Deputado sira hamnassa hotu.

Sr. Presidente: — Obrigado barak.

Ponto de Ordem: Sr. Deputado Abel Pires.

Sr. Deputado Abel Pires (PLP): — Obrigado, Sr. Presidente.

Foti liman hori ohin, mas consegue hetan duni oportunidade.

Atu hato'o de'it ha'u-nia sugestão ida, kona-ba comissão D ninia área, liuliu ba ordenamento do território no urbanismo. Área rua ne'e quando ita haree hussi perspectiva legal ne'e tama fali Comissão A, maibé tanba, lei ne'e aprova tiha ona, iha nível implementação ne'e área rua ne'e bessik fali Comissão E, tanba quando lei iha ona hanessan ordenamento do território ne'e, então ida-ne'e sai fali matadalan ida ba fali Comissão E para bele implementa projeto obras públicas, água, energia, transporte no seluk-seluk tan. Tanba-ne'e, ha'u propõe área rua ne'e ordenamento do território no mós urbanismo ne'e bele muda mai iha Comissão E, tanba, hanessan ohin ne'e, razão iha nível implementação ne'e bessik liu ba Comissão E do que Comissão A.

Comissão A, haree hussi sira-nia área ne'e mós boot tebetebes ona ne'ebé ita hamenos sira-nia todan, hanessan mós Comissão D sira-nia todan ne'e mós aumenta boot hela. Então, ita reduz ida-ne'e e halo balanço ba fali Comissão E para serviço ne'e mós bele aumenta uitoan.

Obrigado barak.

Sr. Presidente: — Obrigado ba sugestão.

Hanoin ita ohin dehan ona katak se iha sugestão foun bele sugere, nune'e ami harmoniza kedas para orsida hamossu texto substitutivo. Se ita comentário em geral de'it, então ita labele sai hussi situação ida-ne'e. Tanba normalmente ita só iha texto ida mak ita bele discute e aprova. Agora, debate em geral de'it sem iha proposta ida... Tanba ne'e mak ami dehan ami considera opinião sira-ne'e, ita ajusta depois ami haruka técnico sira prepara projeto foun ida ho consideração ba Ita-Boot sira nia comentário e ida-ne'e mak orsida ita submete ba votação.

Hanoin ida-ne'e mak ha'u-nia sugestão. Tanba ita iha ona 12h30, para labele estraga ita-nia saúde, ha'u declara encerra sessão ba meio-dia ne'e e orsida ita tama fali iha 3h00 da tarde.

Obrigado barak.

Suspende ba intervalo almoço nian no começa fali iha loraik.

Sr. Presidente: — Boa tarde, Sr. Deputado sira. Ita retoma filafali ita ita-nia Plenária.

Kona-ba mudança tuir sugestão ida ohin, igualdade e não discriminação passa ba Comissão F, comunicação social ba Comissão G, depois iha Comissão B la iha mudança. Comissão C la iha mudança, Comissão D iha mudança emprego e formação profissional ba Comissão F, ordenamento do território ba Comissão E ho urbanismo mós ba iha Comissão E. Agora, sugestão hussi Sr. Deputado Adriano do Nascimento nian kona-ba mudança naran iha Comissão F, ne'ebé muda ba ho naran ho comissão de saúde, emprego, segurança social e igualdade hodi troca tiha comissão de saúde e assuntos sociais.

Depois, iha composição, iha distribuição iha anexo 2, iha Comissão E mak iha mudança, CNRT iha Deputado na'in-rua iha Comissão E, depois UDT/FM mak Deputado na'in-ida mai tan iha-ne'e. Depois, iha fali Comissão F maka CNRT nian Deputado na'in-tolu, FRENTI-MUDANÇA la iha iha Comissão F.

Ha'u hanoin ida-ne'e mak ha'u hakarak clarifica em relação baseia ba resultado debate, discussão, sugestão no opinião sira ne'ebé mak ami recolhe durante parte dadeer nian, tanba ne'e ami loke filafali sessão plenária ba Ita-Boot sira nia intervenção se considera mudanças sira-ne'e suficiente atu justo ita bele bá halo aprovação iha loro-kraik ne'e.

Ha'u hanoin ida-ne'e mak ha'u atu informa ba distintos Deputados, hussu Ita-Boot sira nia consideração.

Obrigado barak.

Deputado Joaquim dos Santos, faz favor.

Sr. Joaquim dos Santos (FRETILIN): — Boa tarde, Presidente e obrigado.

Ohin dadeer, ha'u hussu atu hatama tema ida iha tinan ka mandato kotuk nian ne'e, atu hassai fali, ne'e mak ha'u hakarak hatama fali, Regime Jurídico do Direito de Petição. Mandato tinan kotuk nian ne'e iha Comissão G ho ninia filosofia Parlamento e Cidadania, como buat ne'e ita fahe namkari tiha, direito de petição cidadão sira-nian ha'u hakarak hatama fali iha Comissão A ou Comissão G. Se Comissão G, agora nia tema central ne'e mak educação e cultura. Se bele, hatama iha Comissão A de'it, regime jurídico do direito de petição ne'e iha mandato kotuk ne'e iha. Agora, atu hassai fali ne'e tem que justifica lai, hassai tanba sá? Nia la pertence ba regras constitucionais ka la cabe ba Parlamento nia competência? Tanba sá mak hassai tiha?

Ne'ebe, ha'u sugere atu nia mantém, hatama iha Comissão A ou ba Comissão G. Tanba naran ne'e loos mak Parlamento e cidadania Comissão G ne'e kapás, mas agora hakarak muda tiha fali ne'e mak halo rahun tiha ne'e. Ne'e mak ita-nia política ne'ebé hatudu Parlamento ninia característica democrática ne'e, ne'e mak ita atu halakon fali ne'e. Ne'ebe, ha'u hanoin labele, Sr. Presidente. Ha'u hanoin colega Deputado barak mós concorda ho ha'u mantém tema ida-ne'e. Agora, ba Comissão A todan liu karik, então ba Comissão F educação. Tanba ne'e liga ho formação de cidadania, liga ho cidadão sira-nia direito, atu liga ho Parlamento ninia mandato e por aí fora. Ne'ebé, ha'u hanoin tema ne'e tem que hatama, se la ba Comissão F, ba Comissão A.

Obrigado.

Sr. Presidente:— Assunto ida-ne'e ita bele haree fali iha Comissão G, se Comissão G nian lian povo nia bele considera mós hanessan petição ida. Nia bele expressa liuhossi carta ou nia mai hato'o de'it diretamente. Tan ne'e ami interpreta hanessan ne'e, nia bele engloba iha programa ida-ne'e nia laran, lian povo.

Agora, kona-ba petição, ita durante mandato hirak-ne'e petição ne'e la'ós comissão de'it mak simu, quase comissão hotu-hotu petição ne'e mai, depende ba área temática assunto ne'e ninian, se educação nia haruka ba iha comissão ne'ebé iha relevância ho educação nian, se petição ne'e liga ba iha saúde iha ne'ebá ba iha saúde, se petição ne'e liga ba iha direitos humanos nia mai iha Comissão A. Tanba ne'e mak ami hanoin katak lalika tau especificamente iha comissão ida, então matéria sira-ne'ebé mai assunto comissão seluk mak tem que halai fali hotu mai comissão ida, às vezes nia bele la concentra ou la bele entende saida mak liga ba área sira-ne'e.

Ha'u hanoin Sr. Deputado iha experiência uluk iha Comissão A, petição barak tebetebes mak tama mós iha Comissão A tanba área temática kona-ba direitos humanos ninian, às vezes iha trabalhadores sira-nia direito mós halai mai Comissão A hotu. Tanba ne'e mak hanoin ita hussik nakloke ou bele tau iha comissão ida especificamente hanessan lian povo ne'e ita considera bele cobre mós situação ida hanessan ne'e.

Agora, por enquanto mak ida-ne'e, depois mak ita haree.

Tuirmai: Sr.^a Veneranda Lemos.

Sr.^a **Veneranda Lemos Martins** (CNRT):— Obrigado, Sr. Presidente.

Boa tarde ba Ita-Boot no elenco Mesa ninian e colegas Deputados.

Ha'u em princípio concorda ho área temática ba Comissão F ninian, kona-ba saúde, emprego, segurança social e igualdade. Ha'u hakarak atu fó de'it ênfase ida ba igualdade de género, em vez de segurança social e igualdade, ha'u hussu atu bele acrescenta tan de'it liafuan igualdade de género iha comissão ida-ne'ebá. Tanba dala barak quando ita dehan interpretação, dala barak dehan género, ema hanoin dehan ko'alia mak feto de'it, maibé lae. Igualdade de género ne'e ita ko'alia kona-ba feto, ko'alia mós kona-ba mane. Tanba ne'e mak ha'u hussu, se bele, atu fó tan de'it ênfase ba assunto ida-ne'e. Então, em vez de hela de'it liafuan igualdade ita acrescenta tan género iha igualdade de género ninian.

Muito obrigada.

Sr. **Presidente**:— Obrigado ba sugestão.

Tuirmai: Sr. Deputado Adriano do Nascimento.

Sr. **Adriano do Nascimento** (PD):— Obrigado, Sr. Presidente.

Em princípio, sira seluk ne'e ha'u la iha buat ida. Ha'u-nia questão ne'e iha Comissão F ninian, liuliu ida emprego e formação profissional. Ha'u hanoin ida-ne'e la bele tau iha ne'e, nia tem que fila fali ba iha Comissão D, se ita ko'alia kona-ba emprego e formação profissional ne'e liga ho comércio e indústria, desenvolvimento economia ho buat sira ne'e. Agora, nia mai halai hamutuk ho saúde, combatentes, buat sira-ne'e la iha coerência.

Ne'ebe, ita bolu ministro sira mai ne'e, quando ministro sira ne'ebé que toma conta área desenvolvimento economia ne'e rona hotu kedas ona sira tau iha ne'ebá. Ne'ebe, iha nia fatin ne'e ita ko'alia kona-ba emprego no formação profissional, ita ko'alia kona-ba comércio, ita la ko'alia kona-ba atividade economia. Tanba ne'e mak ha'u propõe atu muda ba iha ne'ebá, nia la bele tau iha Comissão F.

Muito obrigado.

Sr. **Presidente**:— Opinião ida, ohin opinião balu sugere ida-ne'e mak ami mós concerta ba iha Comissão F. Ne'ebe, ha'u la hatene agora ita muda tan, muda tan, ita la hatene bainhira mak ita bele sai hussu fatin ne'e.

Ok, direito Deputado nian, boa opinião, depois mak ita haree hamutuk.

Tuirmai: Sr.^a Deputada Virgínia Ana Belo.

Sr. **a Virgínia Ana Belo** (CNRT):— Obrigado, Sr. Presidente.

Boa tarde ba Ita-Boot no colega sira hotu.

Ha'u hanoin, Sr. Presidente, se ita concorda dehan ita bá nafatin ho comissão hitu, melhor ita mantém ida uluk IV Legislatura, tanba quando Ita-Boot apresenta ona hanessan ne'e ita sobu, hotu-hotu hakarak tau tuir ida-idak nia interpretação, ita sei la sai hussi ne'e. Se hakarak muda hussi hitu mai neen ita discute, mas se hakarak mantém hitu melhor ita mantém ida IV Legislatura para depois ita lalika baralha tun-sa'e. Lalika foti fali ida, orsida hassai tiha hussi ida mai tau fali ida, então halo ita ida-idak hakarak hato'o ninia opinião, ida-idak hakarak hatama ninian no ita la sai hussi ne'e, Sr. Presidente. Tan ne'e ha'u sugere para ita haree e depois ita bele halo hotu tiha ida-ne'e, para ita hakat tan ba ponto seluk iha agenda, tanba ita sei iha ponto rua tan iha agenda.

Obrigada.

Sr. **Presidente**:— Obrigado ba sugestão.

Tuirmai: Sr. Deputado António Benevides.

Sr. **António de Sá Benevides** (FDD):— Obrigado, Sr. Presidente.

Sr. Presidente, ohin kona-ba emprego e formação profissional ne'e ha'u mak foti duni, sugere atu iha Comissão D ne'e muda ba Comissão G. Ho razão mak ne'e, formação profissional ne'e nia tem que liga ho educação. Sé mak tuir formação profissional ne'e barak liu juventude sira, tanba ne'e iha Comissão G ne'e mós juventude sira iha. Agora, iha Comissão D ne'e quando ita iha formação ona, nia produto ne'e mak ita usa ba iha comércio, turismo sira-ne'e. Ema sira-ne'ebé ita halo formação ne'e mak atu responde ba ida-ne'ebá. Agora, ita ko'alia ne'e processo atu bá produção ne'e liga bessik liu ba educação e sé mak sai alvo ba ida-ne'e, juventude sira. Tanba ne'e ha'u sugere atu muda ba iha Comissão G, la'ós iha F.

Muito obrigado, Sr. Presidente.

Sr. **Presidente**:— Obrigado ba Sr. Deputado.

Tuirmai: Sr. Deputado Joaquim dos Santos.

Sr. **Joaquim dos Santos** (FRETILIN):— Nafatin, Sr. Presidente.

Ohin Ita explica mas la convence. Tanba ida-ne'e ita ko'alia kona-ba regime jurídico do direito de petição. Ne'ebe, ne'e tem que cabe ba comissão ida-ne'ebé liga ho processo lei sira, liga ho opiniões público ninian. Tanba ne'e mak atu hatama fali iha termo ida lian povo nian ne'e ha'u hanoin la kona karik. Ne'ebe, regime jurídico do direito de petição ne'e labele equipara fali ho material lian povo nian.

Tanba ne'e mak nia tem que tama duni iha tema ida para Deputado sira bele atende iha sira-nia knaar ne'e.

Segundo, Sr. Presidente, kona-ba formação profissional ne'e tuir loloos labele iha saúde nia fatin duni, se nia la iha Comissão D então iha Comissão G, formação educação ninian, se nia fatin loos liu ne'e mak iha educação ou iha desenvolvimento, rua ne'e ida bele. Mais iha saúde labele. Ne'ebe, ha'u concorda muda tiha hussi ne'e ba fali iha Comissão D ou ba fali iha Comissão G.

Obrigado, Sr. Presidente.

Sr. Presidente:— Muito obrigado.

Tuirmai: Sr. Deputado Abel Pires.

Sr. Abel Pires da Silva (PLP):— Obrigado, Sr. Presidente.

Loro-kraik kmanek ba ita hotu.

Ha'u hanoin lailais de'it, ha'u concorda ho ideia mai hussi Sr. Deputado Adriano nian katak área de emprego e formação profissional ne'e di'ak liu hamutuk ho Comissão D, tanba emprego ho formação profissional ne'e cabe ba setor sira ne'ebé sei sai hanessian utilizador hussi parte produto hussi emprego e formação profissional. Argumento ne'ebé hussi Sr. Deputado António de Sá Benevides, ha'u hanoin iha razão, maibé educação ne'e la'ós de'it kona-ba parte ki'ikoan ida kona-ba formação ne'e, educação ne'e hussi kedas ensino básico to'o kedas universidade, ne'ebé ne'e rassik mós todan ona. Então, di'ak liu ita lori tiha emprego e formação ne'e ba bessik indústria tanba ida-ne'ebá ne'e fatin ne'ebé mak *pas* liu.

Obrigado barak.

Sr. Presidente:— Obrigado barak.

Sr. Deputado António da Conceição, faça favor.

Sr. António da Conceição (PD):— Boa tarde, Sr. Presidente e colegas Deputados.

Ha'u atu fó eco de'it ba saida mak Sr. Deputado Joaquim foin foti kona-ba cidadania. Ha'u hanoin tema ida-ne'ebé mak importante atu constrói identidade povo ida-ne'e nian. Construção ida-ne'e labele la'o ketak hussi formação do ser humano ne'e rassik. Ne'ebe, comissão ida-ne'e ha'u hanoin atu tau, em vez de Comissão G ne'e Comissão de Juventude e Cultura de'it, Comissão de Educação, Juventude, Cultura e Cidadania. Para depois abordagem ida cidadania ne'e na formação da educação ne'e iha mós construção do nacionalismo ba timoroan sira. Ne'ebe, projeção ida para futuro ita la'ós la'o questão de projeto, ita constrói nação ida. Ne'ebe, ha'u propõe atu tema ida-ne'e relevante tebes e tem que ser consta iha parte da educação ninian.

Obrigado.

Sr. Presidente:— Obrigado ba sugestão.

Tuirmai: Sr. Deputado Adérito Hugo.

Sr. Adérito Hugo da Costa (CNRT):— Obrigado, Sr. Presidente.

Boa tarde ba distinto Deputado sira hotu.

Ha'u hanoin ho cenário ida comissão hitu nafatin, Sr. Presidente, colegas Deputado hotu, ha'u acompanha discussão ohin dadeer to'o loro-kraik ne'e, no fim ita hakarak fila fali ba deliberação ne'ebé halo iha IV Legislatura nian ba Constituição Comissões Especializadas Permanentes. Saida mak ohin discussão to'o assunto ne'ebé, Sr. Deputado atu muda ba A, B no C, no fim ita deteta iha deliberação ida IV Legislatura ninian, Sr. Presidente. Tanba ne'e mak ha'u hanoin di'ak liu ita hateke ba iha deliberação n.º 2/2017 nian iha IV Legislatura ne'ebé halo definição claro tebetebes. Introdução medidas foun iha Comissões Especializadas iha 2017, iha IV Legislatura ninian ne'e, la halai sees hussi ita-nia Plano Estratégico Parlamento Nacional nian ne'ebé atu hakbessik Parlamento ne'e mais bessik ba povo, ne'e mak iha lian povo nian, cidadania, buat sira ne'e hotu. Ne'e iha contexto ida-ne'e hotu, iha programa Plano Estratégico cinco anos Parlamento Nacional nian.

Ne'ebé, la sala ida, Sr. Presidente, Srs. Deputados, ita quando ko'alia kona-ba assunto temático sira iha ne'e, iha deliberação ida anterior IV Legislatura nian iha comissão hitu ne'ebé iha nia sees hussi ida-ne'e hotu.

Iha V legislatura, ha'u hanoin continuação ita-nia compromisso atu introduz medidas foun sira de acordo ho reforma parlamentar ne'ebé atu projeta parlamento ida-ne'e ba oin iha próximos cinco anos mais efetivo, eficiência iha hala'o ninia fiscalização no decisão política sira.

Ita-nia discussão bele naruk tebetebes e no fim ita hakarak lori Parlamento ne'e ba oin. Parlamento ida mais dinâmico, bessik ba povo, mais ativo iha ninia fiscalização.

Opinião hotu ne'ebé mossu reflete situação ida-ne'e, tan ne'e mak ha'u hanoin quando ita fila nafatin bá ho comissão hitu, então la sala ida. Ita haree ba matéria sira ne'ebé tama ona iha comissão hitu ne'e, iha IV Legislatura ninian.

Tanba ohin ne'e ita foti baralha de'it, ita foti ida tau ba ida, tau ba ida, tau ba ida no fim nia origem ne'e mak hela nafatin iha comissão ne'ebé que iha ona iha IV Legislatura nian.

Obrigado, Sr. Presidente.

Sr. Presidente: — Obrigado.

Boa ideia, para oinsá ita bele hetan tiha solução lailais ba constituição das bancadas tanba ne'e mak ita buka gere oinsá para bele acomoda distinto Deputado sira-nia intervenção, mas realidade mak

hanessan ne'e duni, ita muda bá-mai, mas ita fila fali ba composição área temática ne'ebé iha IV Legislatura.

Tanba ne'e mak ha'u hanoin, ita fó mudança uitoan tan ne'ebé ohin sugere iha buat rua. Ida mak atu inclui liafuan género na igualdade de género e não discriminação, ida-ne'e ita bele considera. Depois mudança ida, ohin sugestão hussi comissão ne'ebé atu muda fali ba Comissão G ita bele acomoda tiha atu nune'e ita bele avança ba votação ho hadi'a buat sira ne'ebé Ita-Boot sira sugere tan iha parte loro-kraik ne'e.

Molok atu termina, tuirmai: Sr. Deputado Antoninho Bianco.

Sr. Antoninho Bianco (FRETILIN): — Boa tarde, Sr. Presidente.

Ha'u tuir loloos ko'alia kleur ona, maibé ha'u foti liman dala rua mak foin tau.

Sr. Presidente, deliberação ita foti ne'e atu halo buat foun liga ho Regimento ne'ebé que iha, ne'e significa uma revisão. *Jadi*, se ita mantém ho deliberação anterior significa mantém ho ida-ne'ebé que iha, maibé como proposta ida-ne'e mai Presidente ho assessor sira, então discussão comissão a comissão de'it.

Agora, ha'u hussu de'it Presidente, tem que hatán lai, Presidente. Tanbassá mak tau mecanismo de resposta automática para os direitos humanos? O que significa?

Presidente, ha'u tem que tama nune'e porque qualquer comissão tem por objetivo atender e responder às preocupações próprias dos cidadãos ou eleitores, será que só esta Comissão A ou outros lae? Ne'e mak ha'u hussu.

Agora, hatete dehan iha-ne'e é descentralização e poder local, dentro da Constituição não é só sobre descentralização, mas também fala sobre desconcentração.

Ita lori fali bá ne'ebé se esta comissão ko'alia kona-ba ida-ne'e tem que hatán, iha justiça ne'e componente barabarak, instituição barabarak justiça nian, pronto, lalika temi ida por ida, ne'ebe ita tem que hatene um por um tiha depois mak ita ko'alia ou foin passa sira seluk ne'e.

Por exemplo iha B, cooperação internacional, iha cooperação bilateral, multilateral, trilateral, cooperação iha regional ita tau iha-ne'ebé? Porque ne'e comissão ida que toma assunto ne'e não só internacional, ne'e mós tem que iha discussão.

Pronto, questão hirak-ne'e ita bele ko'alia, ita bele aborda hotu ba sassán sira-ne'e, ne'ebe ha'u hanoin, Presidente, Ita-Boot se bele ko'alia ho Governo para enquadramento ida comissão ne'e liga mós ho Governo nia estrutura. Ha'u concorda ho ha'u-nia colega Deputado hussi FDD ne'ebé quando nia menciona, ne'ebe ha'u concorda ho ida-ne'e. Pronto ida-ne'e ita tem que hatene tanbassá mak ita bele acerta tanba qualquer Governo ida mai...

Sr. Presidente: — Tempo.

Sr. **Antoninho Bianco** (FRETILIN): — Presidente, ita atu fó hanoin, lakohi, to'o ona.

Sr. **Presidente**: — Regimento mak regula ita, ba intervenção iha-ne'e 3 minutos, ne'ebe ha'u hussu distinto Deputado sira bele controla intervenção.

Kona-ba ida-ne'ebé ohin Sr. Deputado temi, mecanismo de resposta automática para direitos humanos, se bele, di'ak liu Sr. Deputado bele bá haree iha projeto ne'ebé ita aprova iha III Legislatura, Plano Estratégico ba Parlamento Nacional nian ne'e inclui matéria ida mak ida-ne'e.

Ha'u hanoin ida-ne'e mak ha'u hakarak responde.

Tuirmai: Sr.^a Deputada Carmelita.

Sr.^a **Carmelita Caetano Moniz** (CNRT): — Obrigada, Sr. Presidente.

Hanessan Deputado Hugo ohin ko'alia, ita ko'alia bá, ko'alia mai, ita fila hikas ba IV Legislatura nia composição de comissões, deliberação uluk, maibé iha diferença nafatin tanba iha V Legislatura ida-ne'e ita fahe tiha assunto saúde no educação, ita fahe ba rua, ida-ne'e mak faz diferença.

E ha'u concorda tebes ho sugestão ne'ebé que ohin mai hussi Sr. Deputado António Conceição inclui tan cidadania iha Comissão G, e concorda mós ho sugestão ida-ne'ebé que mai hussi Sr. Deputado Adriano e Sr. Deputado Abel Pires, emprego ne'e muda filafali ba Comissão D.

Ha'u mós hakarak hatete katak, ba Comissões Especializadas Permanentes, ita mós tem que haree organização do Governo, buat rua ne'e tem que la'o hamutuk e la'o hanessan para facilita liután trabalho entre órgãos de soberania e facilita liután ita Deputado sira atu halo fiscalização ba ato Governo nian.

Agora, kona-ba direito de petição, Sr. Deputado Joaquim, iha duni razão de ser e mesmo que se ita la temi mós ida-ne'e ita tem que halo duni nu'udar órgão soberania ida-ne'ebé sai nu'udar matan, tilun, ibun povo nian, ka representante povo, povo iha direito atu hato'o, cidadão iha direito atu hato'o petição ne'ebé consagra iha Constituição da República e Parlamento Nacional iha obrigação atu simu petição.

Só que hanessan Presidente hatete, se ita coloca ida-ne'e ba comissão ida, por exemplo tau iha Comissão A direito a petição e então qualquer petições hotu ne'ebé tama mai iha Parlamento Nacional tem que fó lai ba iha Comissão A, Comissão A halo lai parecer e depois fó filafali ba comissões hirak-ne'ebé petição ne'e haruka bá. Ida-ne'e ha'u sente katak trabalho mais burocrático demais, la facilita ita atu resolve problema, ka soluciona problema povo nian ho lailais.

Tanba ida-ne'e ita hussik de'it hanessan, qualquer petição tem que mai iha Presidente, Presidente analisa e depois mak fó ba comissões ne'ebé ligado ho povo nia petição rassik, serviço sei lailais liu.

Muito obrigada, ha'u-nia intervenção mak ida-ne'e de'it.

Sr. **Presidente**: — Obrigado, Sr.^a Deputada.

Ponto de ordem hussi Sr. Deputado Abel Pires. Faz favor.

Sr. **Abel Pires da Silva** (PLP): — Obrigado, Sr. Presidente.

Primeiro, ha'u atu hato' o de'it desculpa ba Deputado António Benevides tanba ohin ha'u refere de'it nia hanessan Deputado hussi PUDD.

Segundo, ha'u hanoin ita debate ne'e natoon ona, ita bele hakat ba votação.

Obrigado barak.

Sr. **Presidente**: — Obrigado barak.

Ho intervenção sira ohin hela de'it ona inscrição ida, Deputado sira ne'ebé ba fahe dala rua no dala tolu ne'e, desculpa, ita tem que avança.

Tuirmai: Sr.^a Deputada Josefa Pereira.

Sr.^a **Josefa Álvares Pereira Soares** (FRETILIN): — Obrigada, Sr. Presidente.

Boa tarde ba ita hotu.

Sr. Presidente, ha'u concorda ho Sr. Deputado Adriano bainhira ko'alia kona-ba emprego e formação profissional, ha'u hanoin ninia fatin mak iha Comissão D. Sr. Presidente, ha'u hanoin colega Deputado sira iha tendência atu haree de'it ba formação profissional, maibé la haree mós katak iha-ne'ebé iha emprego, rua ne'e iha relação ba malu. Sr. Presidente, ha'u hanoin bainhira ita haree ba iha emprego ita mai ona ho hanoin ida katak ho emprego ne'e ema bele hetan financiamento ba beibeik atubele hadi'a ninia moris. Agora cabe ba instituição competente atubele fó formação, maibé formação ne'e la'ós apenas ba juventude sira, maibé ita mós tem que considera mós ba empreendedor sira, sira mós tem que hetan formação. Agora formação ne'e atu halo saida? Para sira bele manán experiência, atu nune'e bele serviço estabelecimento privado ruma e nune'e sira bele aumenta sira-nia economia familiar e bele hadi'a sira-nia moris. Tanba ida-ne'e mak ha'u hanoin katak ninia fatin loloos ne'e iha Comissão D, Comissão D ne'e mak ita bele tau emprego e formação profissional ne'e.

Bainhira ita haree fali ba iha orgânica do Governo, ita iha Secretária do Estado ida-ne'ebé próprio duni, ne'ebé iha ninia competência própria atu haree ba situação sira hanessan ne'e, atu haree ba iha formação profissional e mós atu haree ba iha empregador sira ne'ebé que atubele aproveita hussi formando sira.

Ida-ne'e mak ha'u hanoin agora cabe mai ita, maibé ba ha'u liuliu emprego e formação profissional ninia fatin ne'e mak iha Comissão D.

Muito obrigada, Sr. Presidente.

Sr. **Presidente**: — Obrigado.

Ha'u acomoda tiha Ita-Boot sira-nia sugestão ba ikus ne'e depois ita avança ba votação ho situação ne'ebé Ita-Boot sira sugere, kona-ba emprego bá iha Comissão D, depois Comissão G aumenta tan de'it cultura e cidadania, emprego e formação profissional ita passa ba iha Comissão D.

Ha'u hanoin ida-ne'e mak sugestão ne'ebé ita bele acomoda, ho ida-ne'e ita bele prepara ba votação.
Ikusliu: Sr. Deputado Francisco Branco.

Sr. Francisco Miranda Branco (FRETILIN): — Sr. Presidente, ha'u hussu de'it explicação ida tanbassá mak educação ho saúde ne'e precisa ita fahe? Tanba ha'u sei defende nafatin katak setor rua ne'e iha ligação ba malu.

Ha'u ohin rona dehan iha complexidade de serviço, ha'u hakarak hussu to'ok iha tinan hirak nia laran ne'e bainhira educação ho saúde hamutuk ne'e Parlamento Nacional legisla lei hira kona-ba setor rua ne'e?

Karik ita ko'alia de'it ba fiscalização, ha'u hanoin ne'e la'ós trabalho boot ida, trabalho boot liu mak legislação ba setor educação ho saúde nian, ne'ebe ha'u sei defende nafatin educação ho saúde ne'e, setor rua ne'ebé em princípio ligação ba malu e precisa ita considera atu nafatin hamutuk.

Kona-ba Comissão G, ha'u hanoin cidadania ne'e importante e ha'u concorda ho Sr. Deputado Adérito Hugo nia hanoin, Parlamento ida agora ne'e ita hakarak haree ba oin e nia objetivo ida mak tem que hakbessik ba povo. E hakbessik ba povo ne'e mak nia espaço ba Parlamento ita loke atu cidadão sira bele iha oportunidade atubele mai expressa sira-nia hanoin.

Obrigado, Presidente.

Sr. Presidente: — Obrigado, Sr. Deputado.

Razão mak, hanessan ohin Sr. Deputado rassik hatete, tanba complexidade, e ho situação ida-ne'e mak ha'u hanoin katak di'ak liu ita fahe tiha ministério rua que boot tebetebes. E problema mós barak, tanba ne'e maka ita fahe tiha atu halo comissão ida kaer kona-ba educação e ida kona-ba saúde, ne'e para efetivo liu, liuliu iha fiscalização nian.

Se la iha tan buat ruma, ita avança ba votação, ho emenda sira ne'ebé ohin sugere ona. Ita prepara ba votação, ba distinto Deputado sira ne'ebé vota a favor, contra no abstém, halo favor foti cartão.

Hato'ona ba votação, hetan aprovação ho voto a favor 44, contra 11 no abstenção 7.

Projeto de Deliberação ba Constituição das Comissões Especializadas Permanentes aprovado.

Tuirmai, ita passa ba número 2 agenda nian, ami fó ba Sr.^a Vice-Secretária para bele lê hela Projeto de Deliberação do Parlamento Nacional n.º 3/V kona-ba Constituição da Comissão Permanente.

Sr.^a **Secretária da Mesa** (Isabel Maria B. Freitas Ximenes): — Obrigado, Sr. Presidente.

«Projeto de Deliberação do Parlamento Nacional n.º 3/V- Constituição da Comissão Permanente.

Nos termos do disposto no n.º 2 do artigo 102.º da Constituição da República e no artigo 39.º do Regimento do Parlamento Nacional, a Comissão Permanente é composta pelo Presidente do Parlamento, que preside, pelos Vice-Presidentes, e por Deputados indicados pelos partidos, de acordo com a respetiva representatividade no Parlamento.

Considerado o início da Legislatura, importa fixar o número de membros da Comissão Permanente a indicar por cada um dos partidos com assento parlamentar.

Assim, nos termos do disposto no artigo 39.º do Regimento do Parlamento Nacional, ouvida a Conferência dos Representantes das Bancadas Parlamentares, apresento o seguinte projeto de deliberação:

1. A Comissão Permanente é composta por um total de 31 Deputados, nos quais se incluem o Presidente do Parlamento Nacional, os dois Vice-Presidentes e 28 Deputados indicados pelos partidos políticos.

2. Os Deputados que compõem a Comissão Permanente são distribuídos pelos partidos políticos nos seguintes termos: FRETILIN 11 Deputados; CNRT 9 Deputados; PLP 3 Deputados; PD 2 Deputados; KHUNTO 1 Deputado; PUDD 1 Deputado, UDT/P-FM 1 Deputado.

Parlamento Nacional, 21 de junho de 2018,

o Presidente do Parlamento Nacional,

Arão Noé de Jesus da Costa Amaral.»

Sr. **Presidente**: — Obrigado ba distinta Deputada, Secretária da Mesa.

Molok atu loke sessão ne'e ba distintos Deputados nia intervenção, atu informa de'it katak opção ne'ebé ami foti kona-ba 31 membros Deputados ba Comissão Permanente, iha opção primeiro mak atu halo ba 27, mas ita haree composição ne'e, depois de halo hussi ne'ebá, então ita-nia composição ba Comissão Permanente ne'e baseia ba buat rua: ida, representatividade kona-ba sira ne'ebé bancada ki'ikoan, ida seluk mak fahe tuir proporcionalidade. Tanba ne'e mak, opção primeiro ne'e hakarak 27, foti bá-mai, então tem que aumenta número hussi bancada sira ne'ebé boot, ne'e aumenta ida ka liu membro ida para labele ida mak há mais um. Então, ami aumenta ida-ida, por exemplo: PLP-1, CNRT-1, FRETILIN-1, atu nune'e para composição ne'e bele hetan número ida ímpar. Tanba ne'e maka halo número ne'e, talvez ida-ne'e mak ita aprova, primeira vez mak ita iha composição Comissão Permanente ida ho número ida aas uitoan, ho 31 Deputados.

Ida-ne'e mak opção ne'ebé apresenta, e horissehik apresenta ona iha líder bancada sira iha reunião, ida-ne'e mak ami lori mai Plenário.

Tuirmai, loke sessão ba intervenção Deputado sira-nian.

Em primeiro: Sr. Deputado Joaquim dos Santos.

Sr. **Joaquim dos Santos** (FRETILIN): — Obrigado, Sr. Presidente.

Ha'u sei continua ho ha'u-nia tese katak constituição da Comissão Permanente ne'e baseia ba nia princípio rua ne'e: ida, princípio político ou ha'u bolu dehan princípio democrático, ida seluk bolu princípio normativo. Hussi princípio rua ne'e mak fô kbiit ba ita atu harii Comissão Permanente.

Tuir princípio democrático, ne'e mak iha artigo 102.º, número 1, Constituição, conceito chave mak blá, blá, blá... Iha 102.º, número 2, Constituição, «...Deputados indicados pelos partidos, de acordo com a (...) representatividade no Parlamento». Ne'ebe, baseia ba princípio democrático ne'e, representatividade no Parlamento ne'e mak ida resultado eleição ne'e, la'ós dispersa de coligação em partículas. Representatividade ne'e mai hussi resultado eleição. Portanto, ida agora ita menciona iha resolução ne'e, ne'e mai fali hussi ita-nia interpretações ba ita-nia interesses partidários para compõe iha comissão ne'e, tanba ne'e maka mossu naran CNRT, PLP, PD, KHUNTO, PUDD, UDT/P-FM.

Sr. Presidente, ha'u hanoin ita tem que claro iha-ne'e. Ha'u hanoin tem que esclarece didi'ak iha número 2 ne'e, liga ba conceito representatividade iha Parlamento ne'e. Tanba ita hanessan representante do povo iha Parlamento ne'e mai hussi processo ida, hamutuk mai iha-ne'e, depois maka ita haruka naran bá, seidauk nakfera, *kecuali*, exceto, PD, FRETILIN, rua de'it! FDD mós nakfera tiha ona. Ne'ebe, ha'u hanoin naran sira mossu iha-ne'e, ne'e labele reflete ba representatividade ne'ebé baseia ba resultado eleição, ne'e ida. Se baseia norma, princípio normativo nian, naran ida UDT/P-FM mai hussi ne'ebé? Ita la hatene, base normativo ne'e mak ida-ne'ebé hodi hamossu naran ida-ne'e?!

Agora, ida CNRT, PLP, KHUNTO ne'e, ne'e mós hanessan, baseia ba princípio normativo ne'e ita justifica hanu'ussá?! Ha'u hanoin precisa esclarece lai ida-ne'e.

Obrigado, Presidente.

Sr. **Presidente**: — Obrigado.

Ha'u hanoin esclarecido tiha ona.

Tuirmai: Sr. Deputado Antoninho Bianco.

Sr. **Antoninho Bianco** (FRETILIN): — Presidente, ema seidauk ko'alia, Ita-Boot dehan esclarecido, ne'e mak sei dehan hanessan Maromak fali.

Presidente, ha'u hatete nune'e, ha'u concorda AMP manán, e CNRT manán ha'u la concorda, PLP lae, KHUNTO lae, AMP manán ha'u concorda!

Ha'u concorda FDD, tanba FDD hetan votos e ultrapassa sistema barreira. Ne'ebe, tanba ha'u concorda ho hirak-ne'e, ema povo mós concorda, be imi fali la concorda ne'e mak ha'u sai hanessan *bingung*, povo tan *bingung* liu! Política labele halo ema sai *bingung*! Ida-ne'e mak ohin ha'u dehan, ha'u iha-ne'e só *akui* de'it, fiar de'it, katak imi AMP manán ne'e ha'u concorda, FDD hetan barreira e liu

ne'e, ha'u concorda, ne'e normal, democraticamente, mas imi mai fali atu tau fali bancada barabarak iha-ne'e, ne'e ha'u dehan, ne'e mak la loos! *Omong putih kasih tahu lurus* hanessian ne'e. Ne'e ema la subar, imi hussu to'ok povo iha-ne'ebé de'it?! Tanba ne'e, distribuição ida-ne'e, se imi dehan AMP na'in hira mak tama iha comissão ida-ne'e, ha'u concorda. FDD na'in hira mak tama, ne'e sistema proporcional tuir regras regimentais, tuir regras constitucionais. Ne'e mak ita ko'alia! Agora ida-idak halo fali tuir nia hakarak, ha'u mós confusão, satán eleitores. Ne'ebe, la'ós ita atu halimar, tanba ha'u confusão ne'e, povo mós confusão liu.

Presidente, ita bele dehan buat hotu-hotu ne'e esclarecido, ei pá, ne'e ha'u la hatene. Ita-Boot hanessian Presidente, devia ser dehan ida-idak hanoin bá, ha'u tetu, la'ós Ita-Boot dehan fali esclarecido. Ita-Boot defensor AMP, ne'e questão seluk fali ona! Um Presidente não é só para defender a AMP, Ita-Boot Presidente, Presidente partido ka, ou Presidente desta AMP, ou Presidente do Parlamento Nacional?! Di'ak liu Ita-Boot hakerek ida-idak nia hanoin sira-ne'e, depois maka Ita-Boot tetu, dehan: «Pronto, opinião mak hanessian ne'e, ha'u la hatene depois hanu'ussá», ne'e mak loos!

Presidente, ha'u fó hanoin de'it ba ida-ne'e, tanba ita hotu la'o tuir buat ne'ebé la subar ne'e, nakloke hotu ne'e. Hussi AMP mai tuur iha-ne'e, vencedor, tuur messak iha Mesa mós, ami seidauk questiona, messak sistema AMP de'it, proporcional mós la usa. Ne'ebe, buat ne'e hanessian ne'e, fó hanoin ba malu.

Obrigado, Presidente, atu rona ka la rona, maibé ne'e mak ha'u atu hatete ba povo, hatete ba maluk sira.

Sr. Presidente: — Obrigado ba Sr. Deputado Antoninho Bianco.

Tuirmai: Sr.^a Josefa Pereira.

Sr.^a Josefa Álvares Pereira Soares (FRETILIN): — Obrigada, Sr. Presidente.

Ha'u secunda saida mak ha'u-nia camarada sira foin daudauk ko'alia. Se representatividade mai hussi resultado da eleição, ha'u hanoin katak resultado da eleição foin daudauk liubá, Tribunal de Recurso anuncia AMP, la anuncia dehan CNRT, la anuncia dehan KHUNTO ou PLP, ou UDT, ou FRENTI-MUDANÇA, ou PUDD, lae, maibé fó ema percentagem de cada coligação ne'ebé la'o hamutuk iha eleição ne'e.

Agora, se ita haree fali ba iha-ne'e, tau nove Deputados, três Deputados, um Deputado por cada bancada coligação hussi partido do Governo, ha'u atu hatete de'it, avança ba iha eleição, avança ho naran ida, fila fali mai mossu fali ho naran ida. Então, ha'u atu hatete de'it, Ita-Boot sira bá eleição, hanessian buat ida karik, exemplo ida karik, ita atu bá fá'an bussa karik, ita tau bussa makerek, metan, mutin, hamutuk iha karól ida, ema bá sossa karól ne'e, la hili dehan metan ka mutin ka makerek. Ida-ne'e mak Ita-Boot sira la'o ho exemplo ida-ne'e. Ema sossa karól ne'e, sossa tomak, agora mai fali Ita-

Boot sira dehan tau iha-ne'e nove Deputados ne'e, Ita-Boot sira-ne'e ema vota hira ba CNRT foin daudauk ne'e?! Voto hira mak fó ba CNRT? Voto hira mak fó ba KHUNTO? Voto hira mak fó ba PLP? La iha! Agora mossu iha-ne'e ho nove Deputados, ha'u atu hussu de'it: resultado eleição ba CNRT nian ne'e hira mak mossu iha-ne'e nove Deputados? Ita-Boot apenas mai hussi Ita-Boot sira-nia acordo ne'e, acordo ida-ne'ebé Ita-Boot sira baseia de'it ba resultado da eleição anterior, la'ós ida agora. La'ós ida agora, Sr. Presidente! Tanba ne'e mak ami fó ami-nia sugestão. Sugestão barak ba mós Ita-Boot sira lakohi simu, ne'e sussar agora iha-ne'e. Se ita halo ida hanessian ne'e, buat ida-ne'e la loos, Sr. Presidente! Representatividade ne'ebé ita mai inventa de'it, ne'e mós ha'u hanoin la loos ida. Tanba ida-ne'e mak ami hodi questiona dehan Regimento ne'e ita tem que tuir, lei sira-ne'e ita tem que tuir, maibé Ita-Boot sira questiona filafali mai ami, ne'e saida mak ne'e?!

Segundo, ha'u hakarak questiona ba Sr. Presidente, tuir artigo 38.º iha-ne'e hatete, quando o Parlamento se encontrar dissolvido, ou então iha tempo ida-ne'ebé previsto ou iha intervalos das sessões, maibé ita seidauk to'o. Maibé, tanba saida mak agora harii kedas?! E ha'u hussu ba Sr. Presidente, sei fresco hela iha ha'u-nia memória, horibainhira iha IV Legislatura hanoin atu forma ona Comissão Permanente, Ita-Boot rassik mak hatete: «Ansi saida harii Comissão Permanente?» Agora fila fali ba Ita-Boot, ansi saida harii Comissão Permanente enquanto ita sei iha comissão selusseluk atubele atende convite sira hussi IPU, CPLP no sira seluk tan. Ne'e ita haluha tiha, ita bá kedas ida-ne'e mak uluk, que tuir artigo 38.º seidauk to'o tempo.

Muito obrigada, Sr. Presidente.

Sr. Presidente: — Obrigado, Sr.^a Deputada.

Atu esclarece de'it katak Regimento mak dehan katak inicia mandato iha legislatura ida tem que forma kedas ona comissão sira-ne'e, inclui Comissão Permanente, Comissões Especializadas Permanentes, Conselho de Administração, tanba ida-ne'e componente ida hussi órgão parlamentar nian. Tanba ne'e mak Projeto de Deliberação ida-ne'e atu hetan consideração tuir mandato regimental nian.

Tuirmai: Sr. Deputado Aniceto Guterres.

Sr. Aniceto Longuinhos Guterres Lopes (FRETILIN): — Obrigado, Sr. Presidente.

Pergunta badak ida, uma razão da prática ba ita iha Parlamento ne'e, se Deputado ida tanba dehan nia representa partido ida, nia atu tuur, nia ida de'it, se nia moras karik sé mak substitui?

Hamnassa hussi Sr. Deputado no Sr.^a Deputada sira bancada maioria nian.

Então, kala ita tau naran de'it iha-ne'ebá tuir ka la tuir mós la iha problema, hanessian Comissões Especializadas ohin. Ita-Boot sira hamnassa ne'e, ita Deputado antigo iha-ne'e, ita acompanha, se

comissão sira ohin ita aprova tiha ona ne'e, comissão sira-ne'e simultânea la'o hotu, Deputado ida acumula comissão rua ne'e, ida seluk la'o halo nu'ussá? E dala barak, ha'u-nia experiência iha-ne'e tinan sanulu, quando quórum la iha, ida de'it mós tem que hein, afinal ida seluk ne'e iha comissão seluk hela. Pergunta sira-ne'e hotu liga hotu ba Deputado ida forma bancada ida, depois hetan *jatah*, tanba representatividade be, nia partido be, ema ida de'it mós tem que bá. Ita ko'alia base legal ka la legal ne'e questão seluk fali ona. Uma razão prática ba funcionamento Parlamento, liuliu Comissões Especializadas, hanessian mós Comissão Permanente. Só tanba representatividade hanessian ne'e, quando falta, claro que la iha ema ida substitui. Sorte, foi bom que iha Conselho Administração sira la tama.

Obrigado, Sr. Presidente.

Sr. Presidente: — Obrigado, Sr. Deputado.

Como Regimento mak dehan katak Deputado sira-ne'ebé representação ida ou rua, nia bele iha direito, o máximo, representa iha comissão rua. Ida-ne'e mak ita cumpre, cabe ba Deputado ne'e ou bancada ne'e hakarak preenche ka lae rua ne'e ka atu tama iha comissão rua. Mas, se nia requerimento tama dehan hakarak tama iha comissão rua, ita cumpre tanba Regimento mak fó dalan.

Tuirmai: Sr. Deputado Francisco de Vasconcelos.

Sr. Francisco de Vasconcelos (PLP): — Obrigado, Sr. Presidente.

Boa tarde ba Mesa, boa tarde ba ita hotu.

Ha'u atu acrescenta tan de'it buat ne'ebé ohin Deputado sira ko'alia kona-ba composição Deputado sira ne'ebé iha Comissão Permanente. Ita foin mak aprova deliberação ida kona-ba comissão hitu ne'ebé descreve ona katak ninia composição ne'e mai hussi Partido FRETILIN hira, CNRT hira, PLP hira, depois ita tama filafali mai iha Comissão Permanente ne'e ita questiona filafali partido sira-ne'ebé ohin liubá ne'e. Liu de'it minuto ida ka rua de'it ita confusão de meia noite, tanba ne'e mak ha'u dehan hanessian ne'e: uma vez que ita quando ta'es buat ki'ikoan ida, buat boboot sira-ne'e ita tolan tiha de'it.

Ohin ita discute de'it assunto ba área temática sira-ne'ebé ita hakarak encaixa iha comissão hitu ne'e. Mai iha Anexo II, iha-ne'ebá descreve kona-ba composição membro sira-ne'ebé mai hussi bancada ida-idak, ita liu tiha ona fase ida-ne'e. Agora ita mai filafali iha hili ema na'in tolunulu-ressin-ida, não é?! Horibainhira ita dehan hanessian ne'e, ita hili ruanulu-ressin-hitu, depois ita mai ruanulu-ressin-ualu, e tolunulu-ressin-ida. Ita mai filafali iha-ne'e haree hetan filafali PLP, KHUNTO, CNRT, FDD ne'e ita sente *alergi* fali, Ita-Boot sira *alergi* to'o iha-ne'ebé fali mós AMP ne'e existe.

Uluk quando ami bá eleições ami lori bandeira tolu. Ohin Deputado sira balu dehan horibainhira iha boletim de votos ne'e la iha, lori de'it AMP, ne'e kala Ita-Boot sira la haree karik. Tanba Ita-Boot sira la vota ba AMP be la haree, iha-ne'ebá bandeira tolu ne'e iha hotu! AMP ne'e, boletim de votos ne'e

iha CNRT, iha KHUNTO, iha mós PLP. Uluk Ita-Boot sira balu hili tiha AMP karik, *pasti* hatene katak afinal iha boletim de votos ne'e descreve partido tolu ne'e nia identidade iha-ne'ebá hela. Ne'ebé ha'u hanoin Parlamento ne'e Ita-Boot sira ohin dehan katak barak liu iha-ne'e mais antigo, ita tem que iha produtividade assunto sira-ne'ebé...

Ha'u conta experiência uitoan uluk iha CNE (Comissão Nacional de Eleições), colega sira gosta discute buat sira kona-ba roda, ha'u dehan hanessian ne'e, ko'alia política quando ita discute roda mak fila bá, fila mai ne'e, ita rebaixa tiha ita-nia nível hanessian comissário ne'e, quanto mais Parlamento Nacional fila bá, fila mai, assunto ida-ne'ebé la pertinente.

Ita foin liu daudauk ho deliberação ida kona-ba composição bancada sira iha-ne'e, mai fali, haree hetan fali iha-ne'e ita alergia, saida mak ne'e?! Ita ohin hahú kedas ita dehan tiha ona katak funcionamento Parlamento Nacional nian tem que la'ó, plenária tem que la'ó, comissão sira ita tem que estabelece. Assunto sira-ne'ebé Ita-Boot la concorda, lori ba iha tribunal! No fim tribunal decide mai, mós hanessian hotu ohin Dr.^a Carmelita dehan ne'e. Ita tem que fila ba mós proporcionalidade ne'e, existência barak liu ne'e sempre iha nafatin. Ne'ebe, la halo lakon ida, la ko'alia nem Deputado ida ka rua, uma vez nia hetan assento e tuur iha-ne'e, nia iha direito.

Obrigado, Sr. Presidente.

Sr. Presidente: — Obrigado, Sr. Deputado.

Tuirmai: Sr.^a Deputada Maria Angélica.

Sr.^a Maria Angélica Rangel da Cruz dos Reis (FRETILIN): — Muito obrigada, Sr. Presidente.

Boa tarde ba ita tomak.

Sr. Presidente, ha'u hakarak coerente ho ha'u-nia decisão katak desde início ami la concorda ho fahe bancadas no mós hakerek iha-ne'ebá partidos políticos nia naran, tuir buat ne'ebé iha eleição liubá. Ha'u ohin la vota a favor resolução sira-ne'e ida, ha'u vota abstém ho vota contra, ne'ebe ha'u sei coerente ho ha'u-nia decisão política partido nian.

Ha'u hussu de'it ba Sr. Presidente, proporcionalidade ne'e Ita-Boot foti hussi ne'ebé? Se Ita-Boot foti proporcionalidade ne'e ba partido rua, FRETILIN ho PD, ha'u concorda tanba eleitores ne'e bá hili ami, número ami hatene. Be agora CNRT nian hira? PLP nian hira? KHUNTO nian hira? Tau proporcionalidade iha-ne'e!

Agora se ita temi proporcionalidade partido KHUNTO ne'e nia cadeira lima, mai tau iha-ne'e Deputado ida de'it, e depois ba filafali partido FDD ne'ebé ita haree ona, sira rassik declara katak sira dissolve ona, sira mós hanessian hotu fali KHUNTO ne'e! Ne'e mak ha'u hakarak hussu explicação ba *rumus*. Ita ko'alia matemática karik, *satu tambah satu* ne'e hira? Agora ita la'ós ko'alia matemática,

satu tambah satu, kamu maunya berapa? Ó-nia hakarak ne'e hira? Ko'alia proporcionalidade ne'e ko'alia ida-ne'e, lógica, lógica ba número ne'e hira?

Agora ha'u hakarak hussu filafali ba Sr. Presidente, uluk AMP antes ita bá eleição ne'e iha 33 cadeiras, ne'ebé imi ko'alia e dehan maioria, ami mak minoria, depois imi bá hamutuk hotu tiha AMP imi lakon tiha cadeira ida, agora ba cadeira ne'e imi si'ik tun, si'ik sa'e, CNRT mak *kurang* tiha cadeira ida, *padahal* uluk ne'e CNRT iha 22. Ne'e imi foti hussi ne'ebé mak CNRT *kurang* tiha ida, PLP la *kurang*, KHUNTO ne'e la *kurang* ida. Ha'u hakarak hussu nia matemática, lógica ne'e, *satu tambah satu, berapa?* Um mais um, ne'e hira? La'ós um mais um ne'e, *kamu maunya berapa?* Lógica ida-ne'e mak la convence ha'u hodi ha'u nune'e, ha'u vota contra bá iha resolução sira.

Sr. Deputado Vasconcelos, ha'u la vota a favor, tanba ne'e ha'u coerente nafatin, ha'u contra nafatin naran ida hakerek iha-ne'e CNRT, PLP ho KHUNTO ne'e.

Muito obrigada, Sr. Presidente.

Sr. **Presidente**: — Ha'u lakohi responde, tanba ne'e la'ós ha'u-nia competência, competência ne'e iha bancada sira atu responde, selae orsida dehan ha'u defende fali AMP. Di'ak liu ha'u hussik ba sira-ne'ebé iha direito atu responde mak bele responde ba assunto ne'e.

Tuirmai: Sr. Deputado Gilman dos Santos.

Sr. **Gilman A. Exposto dos Santos** (UDT/FM): — Obrigado, Sr. Presidente, e boa tarde. Boa tarde ba colega Deputado sira hotu.

Ita horiohin ona mak sempre ko'alia kona-ba coligação AMP ho coligação FDD, balu até hateten tan UDT nia votos ema hira mak vota, balu dehan CNRT nia ema hira mak vota. Ha'u hakarak hatete iha-ne'e katak coligação ne'e partido sira mak forma coligação, la'ós coligação mak forma partido, lae! E lista ne'ebé ami hatama bá iha CNE, mesmo que coligação, maibé hakerek ema ida-idak nia partido, ema ida-idak nia representante iha partido, nia naran mak bá iha lista ba Deputado sira. E se ami hetan ona cadeira tolu, com certeza que cadeira tolu ne'e iha representatividade hussi Partido UDT nian, Partido PUDD nian ho Partido FM nian. Tanba saida mak hussi ohin to'o agora ne'e sempre questiona firme mak ami-nia votos ne'e hira, ne'e ha'u hanoin katak iha lista ne'e hakerek momoos hela katak naran ida-ne'e hussi partido ida-ne'e maski iha lista coligação nian.

Ida-ne'e de'it mak ha'u hakarak fó hanoin, obrigado.

Sr. **Presidente**: — Obrigado, Sr. Deputado.

Tuirmai, ponto de ordem: Sr. Deputado Aniceto Guterres.

Sr. Aniceto Longuinhos Guterres Lopes (CNRT): — Obrigado, Sr. Presidente.

Iha caso FDD nian, keta haluha katak iha partido haat iha laran. Se tolu ne'e de'it mak halo coligação, depois iha-ne'e dehan representa ida-idak nia partido, então ida PDN iha FDD ne'e iha-ne'ebé? Nia vota ba ne'ebé? Vota ba sé? Vota ba UDT ka vota ba PUDD ka nia vota ba ne'ebé?! PDN nia representaçõ iha-ne'e iha-ne'ebé? Tanba ne'e mak ita questiona! Ne'e la'ós tanba problema atu *alergi* ka, mas ne'e questõ principio, ita ko'alia questõ legal, kona-ba legalidade, tanba ne'e mak ami ko'alia beibeik. E buat ne'e liga hotu mai iha distribuiçõ número sira hanessan ne'e.

Sr. Presidente: — Obrigado.

Sr. Deputado David Ximenes.

Sr. David Dias Ximenes (FRETILIN): — Obrigado, Presidente.

Boa tarde ba maluk sira hotu, ita ohin dadeer-saan kedas to'o agora ita ko'alia buat sira-ne'e, representatividade, ita ko'alia kona-ba sufrágio universal e direto. Iha-ne'e: sufrágio universal e direto. Iha-ne'e iha indireto ka lae? Iha indireto porque direto mak aliança ne'e, indireto maka decomposiçõ ne'e, descompõe tiha, lógica maka ida-ne'e. Iha-ne'e, iha artigo 70.º ko'alia kona-ba partidos políticos. Iha tiha fali artigo 106.º maka sei dehan katak aliança maioria parlamentar. Portanto, iha-ne'e quando ita ko'alia ona kona-ba representatividade democrática, consequência hussi sufrágio universal e direto. Ne'e ita hussu para ita hotu-hotu interpreta buat ne'e.

E depois, karik ita hakarak kaer ba artigo 11.º Regimento nian, ita ko'alia mós kona-ba historial, ne'e nia mossu hanu'ussá. Foi uma consequência de uma determinada altura ka hanessan sequência ida ne'ebé decorre normalmente?

Ohin maluk Deputado sira I Legislatura nian esclarece ona, sira hatene didi'ak ninia redaçõ ne'e hanu'ussá. Ne'ebe, problema iha-ne'e ne'e la'ós ida-idak halo ninia interpretaçõ. Ita bele halo interpretaçõ extensiva, bele, maibé ita tem que haree mós katak interpretaçõ autêntica ne'e hanu'ussá, à letra ne'e dehan hanu'ussá, depois mak ita interpreta, labele advinha, maluk sira. Ne'ebe, ha'u bá de'it iha klaran, maibé ita tem que interpreta saida mak sufrágio universal e direto para depois hamossu representatividade democrática.

Obrigado, Presidente.

Sr. Presidente: — Obrigado barak, Sr. Deputado David Ximenes.

Tuirmai: Sr.^a Deputada Carmelita Moniz.

Sr.^a Carmelita Caetano Moniz (CNRT): — Obrigada Sr. Presidente.

Ha'u mós sente *bingung* fali duni tanba ita discute bá-mai, bá-mai, bá-mai, hahú kedas hussi primeiro dia funcionamento da plenária do Parlamento Nacional até hoje. Ha'u la hatene até quando mak ita questiona beibeik ida-ne'e, mesmo que dalan saída ne'e ohin ita hatete tiha ona katak lori ba iha Tribunal. Princípio democrático, princípio de representatividade liuhossi artigos iha Constituição da República, hirak ne'ebé ohin colega sira temi tiha ona, ha'u hakru'uk, respeita ba Ita-Boot sira-nia interpretação, maibé ha'u hakarak hatete katak representatividade ne'e liuhossi bancada parlamentar iha Uma-Fukun Parlamento Nacional. Formação de bancada parlamentar cabe aos partidos políticos ne'ebé iha acento parlamentar atu decide, bá forma nia bancada ka, bá hamutuk ka, ou bá forma bancada ida-idak tuir Regimento artigo 11.º que ita fila bá, fila mai, mak ida-ne'e, ida-ne'e, ida-ne'e nafatin hela de'it.

E ha'u hakarak hatete katak qualquer coligação pré-eleitoral, nia sempre iha acordo da coligação pré-eleitoral. Uluk ha'u explica claro tiha ona iha-ne'e katak AMP iha acordo pré-eleitoral ida ne'ebé claro tebetebes iha-ne'ebá, e hatete mós kona-ba quando eleição hotu, resultado iha Parlamento Nacional AMP sei forma bancada ida-idak. E acordo ida ne'ebé AMP halo, ami lori ba iha CNE e mós ba Tribunal de Recurso. Em cooperação institucional entre CNE e Tribunal de Recurso, sira fó legalidade ba acordo AMP nian, tanba sira haree katak la contra princípio democrático ou qualquer princípio ne'ebé consagra iha Constituição da República. E agora mai atu forma ami-nia bancada ketaketak, problema ne'e mai fali Ita-Boot sira mak tau fali em questão. Be ne'e direito ami ida-idak nian nu'udar ami-nia partido. Ami hakarak separa ka la separa, ne'e ami-nia direito. Tribunal de'it la questiona, CNE de'it la questiona, ne'e mak ami avança ba coligação pré-eleitoral ba efeito eleitoral. Hotu tiha, ami forma ami-nia bancada ida-idak tuir acordo ne'ebé tribunal mós concorda, no la questiona kona-ba nia legalidade e CNE mós la questiona, agora Ita-Boot sira mak questiona nafatin. Se questiona nafatin, ohin ita hotu-hotu hamutuk concorda tiha ona, lori ba tribunal, hussik ba tribunal mak decide.

Agora, atu fahe cadeira PLP hira, CNRT hira, KHUNTO hira, também está claro iha ami-nia acordo. Se Ita-Boot sira hakarak hatene, foti ami-nia acordo e lê de'it bá, iha-ne'ebá Ita-Boot sira hatene loloos katak ami fahe ami-nia cadeira iha lista candidatura ne'e oinsá, e está escrito ho claro loloos iha ami-nia acordo pré-eleitoral. Ida-ne'e de'it!

Ne'ebe, Sr. Deputado sira, ha'u sente, Sr. Presidente, ita hakat ona ba votação selae o mesmo assunto, a mesma coisa. E artigo 11.º mós ita aumenta de'it atu halo clareza, ita la muda nia conteúdo hussi artigo 11.º hussi primeiro Regimento iha I Legislatura.

Muito obrigada.

Sr. Presidente: — Muito obrigado, Sr.^a Deputada.

Tuirmai: Sr.^a Deputada Lídia Norberta.

Sr.^a **Lídia Norberta dos Santos Martins** (FRETILIN): — Obrigada Presidente, boa tarde ba ita hotu.

Antes atu ko'alia ha'u dehan de'it, ita bele rihun ba rihun, ita bele dehan *seribu satu kali* ita lori ita-nia buat hotu-hotu ba Tribunal, ne'e loos ona, Tribunal nia decisão loos ona, mas ha'u-nia questão mak ne'e: ita hanessian organização política, ita-nia cumprimento la iha. Acórdão ida tribunal hassai ne'e de'it ita la cumpre, wainhira qualquer ida hussi ne'e haruka lori caso ne'e ba tribunal, sé mak atu garante dehan ita cumpre duni?! Então, significa dehan saida? Quando iha momento ida ne'ebé ita la cumpre, iha-ne'ebá mak ita hatudu katak ita rassik maka viola duni Constituição. E agora quando dehan viola Constituição, ohin Sr.^a Deputada sira dehan katak direito, ne'e loos, Ita-Boot sira nia direito, maibé Ita-Boot sira-nia direito ne'e hetan quando iha artigo 65.º ne'e dehan katak conversão de votos ne'e atu nakfilak an ba mandato, ne'e tem que ser liuhossi método ida, sistema ida, ne'e mak sistema representação proporcional. Se bancada ualu mak forma iha-ne'e, ita tau hamutuk iha-ne'ebá halo contagem matemática *statistik* ne'e, *tidak dapat itu! Tidak dapat persentase untuk mencapai 4%, itu tidak dapat! Cari saja sendiri*. Loos ka lae? *Artinya apa?* Desculpa, ha'u agradece tanba Legislatura ida uluk, ha'u mós iha Mesa be ha'u aprende ida-ne'e, ne'e lógica ida sira explica baseia duni ba sistema ne'e mak ne'e, dehan hanessian ne'e: sistema contagem ida método *D'Hondt* hodi hetan persentase ne'e, ne'e mak converte ba número de mandatos para ita hotu-hotu mai tuur iha-ne'e. E depois além de ida-ne'e método ida-ne'e mak nia sei prevalece bá wainhira halo contagem de distribuição de Deputados ba comissões ka, ou qualquer que seja ne'ebé tama iha laran ne'e, nia obedece ba ida-ne'e. Iha momento ida ne'ebé nia obedece, automaticamente dehan viola Constituição. Ne'e primeiro.

Segundo, hahalok, iha-ne'ebá dehan hanessian ne'e: eleição ne'e mak dalan di'ak ida hodi nune'e ita bele hetan voto de confiança hussi povo hodi ita bele hanaran an dehan katak ita mai representa povo. Tanba iha ne'ebá artigo 1.º Constituição ne'e dehan katak Estado de Direito Democrático, soberano, independente no unitário ne'e tem que ser baseia ba vontade popular povo nian. Vontade popular ne'e mak ita halo eleição ne'e. Vontade popular ne'e mak ita halo eleição, wainhira vontade popular ne'e iha ona ita tem que ser cumpre ida-ne'e. Iha-ne'ebá mós hatete.

Agora ohin Ita-Boot sira dehan direito, direito Ita-Boot sira nia uma laran ne'e ha'u la preocupa, maibé iha momento ida ne'ebé ita mai tuur iha-ne'e hanessian representante povo, ida-ne'e ha'u preocupa e ida-ne'e direito ha'u-nian, direito partido hotu-hotu nian, direito cidadão hotu-hotu nian, labarik ida ne'ebé iha inan nia kabun mós iha direito. Ida-ne'e atu hatete e dehan hanessian ne'e: hahalok ou lala'ok ruma ne'ebé iha assunto *intern, masalah intern partai atau masalah intern organisasi atau kelompok*, decisão ida-ne'e nia la prevalece liu Constituição. Primado da lei mak manda. Wainhira acordo interno partido ida AMP ne'e keta viola Constituição, tanba agora viola daudauk buat ida princípios fundamentais, automaticamente ne'e nia la vale, inválido.

Obrigada.

Sr. **Presidente**: — Obrigado, Sr.^a Deputada.

Ha'u declara encerra ona inscrição sira, tanba debate sira-ne'e la tama ba conteúdo projeto ne'e, atu haree ba nia composição ne'e atu hira-hira, mas ita bá liu iha composição tanba constituição das bancadas iha semana kotuk ita anuncia tiha ona, e depois ohin dadeer-saan anuncia tan, ida-ne'e constituído ona e declara ona katak se iha problema ruma, dalan único mak bá tribunal. Tanba ne'e mak ha'u sei la simu tan inscrição e ha'u sei completa de'it Deputado na'in-hira ne'ebé naran iha Mesa leten ne'e e ita avança ba votação.

Tuirmai: Sr.^a Deputada Olinda Guterres.

Sr.^a **Olinda Guterres** (KHUNTO): — Muito boa tarde ba colega sira hotu.

Ha'u hanoin bá-mai, bá-mai, ita ko'alia mak ema nia partido, ko'alia mak ema nia coligação, ne'e bá-mai, bá-mai de'it hanessan ne'e, halo ami foun ne'e ami moe fali. Ha'u nu'udar Deputada foun ha'u moe tanba partido mós foun. Fila bá, fila mai, ne'e hanessan atu baralha de'it ita-nia hanoin. Ne'e di'ak liu, di'ak liu, ita bá vota. Vota mak sira vota, vota; la vota mós problema sira-nian.

Muito obrigada.

Sr. **Presidente**: — Obrigado ba Deputada.

Tuirmai: Sr. Deputado António da Conceição.

Sr. **António da Conceição** (PD): — Sr. Presidente, obrigado.

Distintos Deputados, ita buka atu viabiliza processo ida, tanba Parlamento mós mak órgão de colegialidade ida mós ba ita hotu. E como órgão da colegialidade, iha-ne'e nia implicação mós mak ita ko'alia kona-ba representatividade ne'e rassik. Certamente que quando ita bá ona princípios de proporcionalidade, minoria bele submete duni ba posição ida ne'ebé katak nia hetan ou la hetan, mas iha-ne'e ita hakarak atu halo representação ida no todo ba povo e ba Nação. Ne'e duni se ita haree ba competência ida ne'ebé atu atribui ba comissão ida-ne'e, Comissão Permanente, ne'ebé ninia função ne'e exerce em certo tempo quando é necessário, ha'u hanoin mós atu ita dignifica malu, na existência de uma minoria, mas bele halo mós uma representação. E tanba ida-ne'e mak disputas de composição das bancadas, ha'u hanoin questão ida, mas ha'u lori ita ba assunto ida-ne'ebé ita atu ko'alia função que é para esta comissão exercer em determinadas ocasiões.

Ne'ebe, ha'u hakarak atu apela ida mós, ita karik mós iha situação sira hanessan ne'e tem que haree posição ida minoria nian ne'e, ita labele impõe ida maioria ne'e beibeik atu dehan katak ida minoria ne'e, não, la iha mérito ida atu tuur mós, ne'e buat seluk ida, ne'ebé mak quando ita haree ba buat ida órgão de colegialidade maka ita tem que ser hanoin.

Tanba ida-ne'e mak ha'u hanoin ita-nia disputa ne'e sei la sai quando ita ko'alia nafatin ba questão ida ne'ebé ita bá questões legais ne'ebé tem que ser bá duni Tribunal mak karik atu decide. Mas se iha ida-ne'e mak ita-nia atuação ne'e em prol do povo, minoria ne'e mós iha nia posição ida atubele mós ko'alia.

Tanba ida-ne'e mak ha'u hanoin la'ós dehan de'it desnecessário, desculpa pelo termo, mas ha'u hanoin ita iha espírito de acomodação ida atu promove mós consenso ida iha ita hodi bele hatán malu ba questão sira ne'ebé, necessariamente, ita precisa atu constrói Parlamento ida-ne'e ba oin.

Obrigado.

Sr. Presidente: — Obrigado, Sr. Deputado.

Ba dala rua: Sr. Deputado David Ximenes.

Sr. David Dias Ximenes (FRETILIN): — Atu ko'alia loloos de'it, karik ha'u mós iha-ne'e tinan 10, la'ós dehan fali ita moe la iha, moe la iha ne'e quando ema hola ema nia kaben mak moe la iha, ema na'ok mak moe la iha, ne'e ga!

Ne'ebe, ha'u atu dehan de'it hanessian ne'e, ohin ha'u halo interpretação jurídica, ha'u dehan nafatin de'it, ita ko'alia kona-ba representatividade, la'ós alerga ba partido sira, lae. E partido sira-ne'e moris para dinamiza ita-nia democracia, ne'e loos, mas ita tuir lai buat ne'ebé loos, karik Ita-Boot sira agora exige, fahe bancada sira, então ha'u bele dehan katak Ita-Boot sira mak desvaloriza Ita-Boot sira-nia vitória, porque mai iha Parlamento FRETILIN logo maioria, então quando tama ona ba maioria, FRETILIN mak maioria nia mak forma Governo, ita tama fali ciclo vicioso ida. Ne'e mak ohin ha'u ko'alia tiha fali ba interpretação intensiva quando espírito da lei ne'e luan liu fali ida be letra da lei ne'e. Ne'e mak Ita-Boot sira bele halo ida-ne'e, la'ós fali dehan katak ita ema iha uma laran ema halo ema nian, mas iha ninia efeito ba instituição ida-ne'e, iha repercussão, ne'e mak ita ko'alia hanessian ne'e. Ne'ebe, iha-ne'e ita atu completa malu para depois labele comete fali erros desnecessários hanessian uluk. Uluk erros barak, ne'e duni ha'u-nia hanoin ne'e hanoin ho ulun fatuk malirin uitoan, lalika ambição ne'e demais, ita iha-ne'e, ha'u la bá ai-laran ne'ebé ha'u...

Sr. Presidente: — Tempo.

Sr. David Dias Ximenes (FRETILIN): — ...ita iha vila laran be ita conhece malu moos. Ita conhece malu moos, sé mak ba ai-laran, sé mak ba li'ur fila fali mai tem que tama ba vila laran, tama vila laran ne'e balu nia área de'it ona, ne'e ita mak conhece malu ona.

Obrigado, ne'ebé lalika ko'alia hanessian ne'e.

Obrigado.

Sr. **Presidente**: — Obrigado, Sr. Deputado.

Ikusliu: Sr. Deputado Joaquim dos Santos.

Sr. **Joaquim dos Santos** (FRETILIN): — Obrigado, Sr. Presidente.

Ha'u mak ohin registo problema ne'e, tanba causa constituição ba membro comissão permanente ne'e causa direta ne'e mai hussi resultado eleição, ida-ne'e. Imagina de'it ida-ne'e foin mak primeiro Parlamento, seidauk iha Regimento, nu'ussá, primeiro ato que ita halo mak ne'e tem que halo uluk Regimento, segundo ato tuir kedas mak ne'e constituição da comissão permanente. Tanba ne'e comissão ida-ne'ebé tem que harii kedas baseia ba resultado eleição tuir sistema, ita-nia sistema proporcional, se baseia ba resultado eleição significa representatividade democrática ne'e tem que ser baseia ba ida-ne'ebá, la'ós ita mai fahe tiha halo grupo barabarak mak ko'alia ba representatividade.

Se ita baseia ba resultado eleição karik, bancada tolu ne'ebé mai hussi FDD ne'e sira tem que hetan representatividade ne'e ida de'it, agora sira na'in-tolu ba hotu kedas ne'e, critério ida-ne'e mai hussi ne'ebé?! Para sira na'in-tolu ne'e tem que bá iha-ne'ebá. Ne'e efeitos hussi ita fahe tiha, não é, fahe tiha representatividade democrática ne'e, ne'ebé confiança mai diretamente hussi povo. Ne'e ita ko'alia ba comissão permanente, la'ós ko'alia ba comissões especializadas permanentes, comissões técnicas. Ida-ne'e, Sr. Presidente, colegas Deputados.

Tanba ne'e mak ohin kedas hahú ha'u foti problema ida-ne'e, hamossu fali naran sira iha-ne'e...

Sr. **Presidente**: — Tempo.

Sr. **Joaquim dos Santos** (FRETILIN): — ...ne'e ba interesse saida nian, ba Estado nian ka ba grupo nian.

Obrigado.

Sr. **Presidente**: — Obrigado.

Tuir loloos ohin taka tiha ona, mas como Deputado Adriano último messak de'it mak inscreve ba segunda vez, um minuto, faz favor.

Sr. **Adriano do Nascimento** (PD): — Presidente, ita-nia nota, *catatan* ne'e ladún loos. Ha'u foin atu ko'alia kona-ba assunto ida-ne'e, ha'u la segunda vez, ha'u foin primeira vez atu ko'alia kona-ba assunto ida-ne'e, assunto ida seluk ohin ne'e ha'u ko'alia ida ita vota hotu ona ne'e. Ne'ebe, ha'u critica ida-ne'e.

Ida seluk, povo hili ita mai iha-ne'e atu ko'alia kona-ba questão interesse nacional Estado nian, tanba ne'e ita la trata moe ka la moe, sentimento, ita-nia sentimento moe ka la moe ne'e buat ketak ida, atu

ko'alia ka la ko'alia ne'e direito. Deputado ida-idak tuir Regimento iha sessão plenária ko'alia ba primeira vez cinco minutos, ba segunda vez três minutos. Ne'e Regimento prevê. Sé mak lakohi ko'alia tuur nonook; baruk, sai. Ne'ebe, ita labele obriga malu dehan ko'alia beibeik, ko'alia beibeik, só Presidente fó tempo ba Deputado ida ko'alia dala tolu, dala haat, ne'e mak Presidente sala, tanba contra, viola Regimento. Ne'ebe, ha'u hanoin ida-ne'e, questão ida-ne'e questão política, questão legal e constitucional, ita mai la'ós partido ida de'it, ita mai partido ketak-ketak, ne'ebé iha diferença ideias, ne'e buat normal, partido ida de'it mós ita iha diferença ideias satán partido ketak-ketak e satán oposição ho partido Governo nian, nunca obriga malu atu ko'alia lailais de'it, ko'alia lailais mak ne'e cinco minutos, três minutos, hotu mak depois dehan hotu ona. Ne'e mak ha'u hakarak ko'alia.

Questão ida composição ne'e, Presidente, ha'u hakarak hussu ida be membro comissão permanente ne'e Ita-Boot sira iha Mesa ne'e tama hotu ona ka seidauk?! Tanba ita uluk membro da Mesa ne'e mós sura hotu representa partido, foin daudauk ne'e. Ne'ebe ha'u-nia pergunta ida-ne'e de'it, será que imi na'in hira membro da Mesa ne'e Presidente ka Vice-Presidentes tama hotu ona ka, ou imi na'in hira ne'e ketak, ida be na'in hira ne'e ba iha cada bancada nian.

Ne'ebe ha'u-nia pergunta mak ida-ne'e, ha'u hussu esclarecimento.

Muito obrigado.

Sr. Presidente: — Obrigado, Sr. distinto Deputado.

Horissehik ita iha reunião líderes bancadas, assunto ne'e ita esclarecido tiha ona katak Deputados ne'ebé compõe iha-ne'e mai ne'e 28 Deputados, mais três membros da Mesa, Presidente e Vice rua maka sai total ne'e 31. Hussi composição ne'e tanbassá mak 31, horissehik ita debate katak tanba se ita hamenos hussu FRETILIN ida, tuir loloos ne'e FRETILIN ida, CNRT ida, PLP ida, nia número ne'e par 28, atu labele aumenta ba bancada tolu ne'e ida mak nia número aas liu maka ita concentra katak bele ba 31 ho composição aumenta PLP ida tan, CNRT ida, no FRETILIN ida, total ne'e 31. Ida-ne'e mak número ida-ne'ebé ita acerta horissehik iha reunião líderes bancadas e total ne'e 28 representa partido, depois Mesa na'in-tolu ba tan, tanba ne'e ninia total ne'e FRETILIN 11, CNRT 10 mai tan ha'u ba 10, PLP três mai tan ida Vice ba quatro, PD rua nafatin, KHUNTO ne'ebé ida hussu Deputado e Vice ba tan rua. Ida-ne'e mak nia número ne'e ita hodi hetan ne'e, tanba ne'e PD hetan *jata* rua e KHUNTO mós iha rua. Ida-ne'e mak número ne'ebé ita acerta em relação ba assunto ne'e.

Obrigado barak ba Ita-Boot sira. La iha tan proposta seluk, ita prepara ba votação.

Prepara ba votação, Deputado sira ne'ebé vota a favor, contra no abstenção ba projeto de deliberação do Parlamento Nacional n.º 3/V — Constituição das Comissões Permanentes, faz favor foti cartão.

Halo ona votação, hetan aprovação ho votos a favor 40, contra 13, no abstenção 5.

Tuirmai ita passa ba ponto agenda n.º 3 kona-ba apresentação lista candidatura ba membro do Conselho de Administração nian e ha'u fó ba Vice bele halo leitura ba candidatura ne'ebé tama.

Obrigado.

Sr. **Vice-Presidente** (Maria Angelina Lopes Sarmento): — «Sua excelência,
o Presidente do Parlamento Nacional,
Deputado Arão Noé de Jesus da Costa Amaral,
sede do Parlamento Nacional, rua Formosa Díli, Timor-Leste.

Referência: 005/BPLP/VI/2018.

Assunto: Designação dos Deputados do PLP para membros do Conselho de Administração.
Excelência,

Apresento os meus melhores cumprimentos.

Serve a presente para indicar os membros da Bancada Parlamentar do Partido de Libertação Popular às comissões parlamentares, assim como ao Conselho de Administração.

Nos termos do artigo 8.º n.º 5, da lei n.º 12/2017, de 24 de maio, Lei da Organização e Funcionamento da Administração Parlamentar, indicamos para o Conselho de Administração do Parlamento Nacional, os seguintes Deputados: Deputado Francisco de Vasconcelos, como membro efetivo; Deputado Noé da Silva Ximenes, como membro suplente.

Subscrevo-me com os protestos da mais alta consideração.

Cornélio da Conceição Gama «L7».

Presidente da Bancada PLP».

«Excelentíssimo

Sr. Presidente Parlamento Nacional,

Sr. Arão Noé de Jesus da Costa Amaral

Iha knaar fatin.

No: 003/BPK/PN/VI/2018

Data: 20 de junho de 2018

Assunto: Naran Membro Conselho Administração Parlamentar.

Ho respeito,

Relaciona ba assunto iha leten, ami hussi Bancada Partido KHUNTO hato' o ba Sua Excelência Presidente Parlamento Nacional, Dr. Arão Noé de Jesus da Costa Amaral, katak Bancada Partido KHUNTO hato' o ba Sua Ex.ª kona-ba membro Conselho Administração Parlamentar mak ho naran: Sr.ª Deputada Olinda Guterres, efetivo; Sr.ª Deputada Irene Gonzaga Sarmento, suplente.

To' o ba ne' e de' it, liafuan badak hussi ami no la haluhan hato' o obrigado wa' in.

Presidente Bancada P.Khunto

António Maria Nobre Amaral Tilman».

«Excelentíssimo,

Sr. Presidente do Parlamento Nacional,

Dr. Arão Noé de Jesus da Costa Amaral.

Excelência,

A Bancada Parlamentar da FRETILIN vem respeitosamente enviar a Vossa Excelência em anexo a lista do Conselho de Administração da Bancada Parlamentar da FRETILIN, no período do mandato 2018-2023.

Sem mais outro assunto de momento, endereçamos a Vossa Excelência os nossos melhores cumprimentos.

Francisco Miranda Branco,

Vice-Presidente da Bancada da FRETILIN.

Lista para o Conselho Administração:

Nomes dos Deputados; Antoninho Bianco, efetivo; Joaquim dos Santos «Boraluli», suplente.

Francisco Miranda Branco,

Vice-Presidente da Bancada da FRETILIN».

«Hato’o ba: Sua Excelência Presidente Parlamento Nacional

Sr. Arão Noé de Jesus da Costa Amaral.

Assunto: submete naran Conselho Administração Partido CNRT Parlamento Nacional.

Ho respeito,

Liuhossi carta ida-ne’e, Bancada Partido CNRT hakarak informa ba Sua Excelência katak Bancada submete naran Conselho Administração nian iha V Legislatura ba Parlamento Nacional hanessan tuirmai ne’e:

Deputada Virgínia Ana Belo; Deputado José F R. Ferreira, suplente.

Mak ne’e de’it, ba Ita-Boot nia atenção no cooperação di’ak, la haluhan hato’o obrigado wa’in.

Deputado Duarte Nunes

Presidente Bancada Partido CNRT».

«Sua Excelência Presidente do Parlamento Nacional.

Ho respeito,

Hakarak hato'o ba Presidente Parlamento Nacional katak Bancada Partido Democrático decide ona hodi nomeia membros Bancada Partido Democrático na'in-rua hodi ba assume posição iha Conselho Administração Parlamento Nacional mak hanessian membro efetivo Deputado Adriano do Nascimento, membro suplente Deputada Elvina Sousa Carvalho.

Mak ne'e de'it, ba atenção no cooperação hato'o obrigado wa'in.

António da Conceição

Presidente Bancada PD».

Sr. **Presidente**: — Obrigado ba leitura, Sr.^a Vice-Presidente.

Tuirmai, ha'u halo explicação kona-ba boletim de voto ne'ebé prepara ona ho composição lista candidatura única ne'ebé mai hussi bancada sira ho composição sira hanessian tuirmai ne'e: eleição de cinco membros para Conselho de Administração V Legislatura, terça-feira, 26 de junho de 2018.

«Boletim de voto de membros efetivos:

Deputada Virgínia Ana Belo,

Deputado Francisco de Vasconcelos,

Deputada Olinda Guterres

Deputado Antoninho Bianco

Deputado Adriano do Nascimento

Membros suplentes:

Deputado José F. R. Ferreira,

Deputado Noé da Silva Ximenes,

Deputada Irene Gonzaga Sarmiento,

Deputado Joaquim dos Santos «Boraluli»,

Deputada Elvina Sousa Carvalho».

Ida-ne'e mak naran sira ne'ebé atu orsida iha votação.

Sr. **Antoninho Bianco** (FRETILIN): — Ponto de ordem!

Sr. **Presidente**: — Iha intervenção ida: Sr. Deputado Antoninho Bianco. Faz favor.

Sr. **Antoninho Bianco** (FRETILIN): — Presidente, to'o agora ha'u sei dehan se bancada haat mak iha-ne'e, tanbassá mak FDD nian la iha.

Ita-Boot sira AMP, Ita-Boot sira tem que hatene katak imi arruma fatin barak-barak iha Governo e atu controla imi iha Governo mós ulun fatuk moras, atu controla imi iha Parlamento ne'e, ha'u hanoin FDD tem que iha.

Imi nian ida tolu ka hirak ne'e, imi reduz ida, ha'u considera AMP tem que iha na'in hira de'it, tanba Mesa leten ne'e AMP mak domina tiha depois ba fali Conselho Administração imi atu domina katak decisão ne'e imi atu halai tuir imi-nia votos de'it, ne'e labele.

Tanba Conselho Administração ne'e atu orienta Presidente iha Conselho para qualquer decisão ne'e halo gestão ba recurso, sassán sira iha laran la'ós tuir gosto, imi-nia hakarak de'it. Tanba ne'e agora ha'u defende uitoan ba FDD nia representante tem que iha laran.

AMP tem que reduz ninia elementos, cinco, imi hanoin katak cinco ne'e imi mak domina de'it depois halo nu'ussá? Ne'e *berarti* lalika halo ona, tanba decisão iha-ne'e mós imi naran halo de'it ona, satán iha Conselho de Administração.

Ami la sei aconselha imi, tanba iha-ne'e de'it mak mós aconselha imi la hetan ona, ba tan iha Conselho Administração, imi hotu de'it. Tanba ne'e, se rona karik cinco pessoas ne'e deliberação ida bele aumenta, maibé se lae número ne'e imi retira imi-nian na'in hira, tanba Presidente mós hussi AMP nian, *berarti* sira barak liu kedas, se hakarak hanessan ne'e tanba pelo menos PD, FRETILIN ho FDD ninia representante bele aconselha imi para bele decisão karik labele imi usa de'it imi-nia força maioria. Ne'e ha'u-nia intervenção.

Pronto, ha'u hanoin Presidente sei considera, se imi hanoin katak Conselho de Administração ne'e la'ós AMP nian, e Conselho Administração tuir LOFAP é Conselho Administração Parlamento nian, ne'ebé imi lalika ta'uk, aconselha ida para hodi hassai buat ruma que halo gestão recursos humanos tuir regras, halo gestão equipamentos tuir regras, halo gestão de orçamento iha Parlamento tuir regras.

Ne'ebe, ami controla imi hussi kedan iha Parlamento e depois controla imi mós iha Governo, tanba Governo imi mak imi tomak.

Pronto, ne'e ha'u nia hanoin, maibé cabe imi tanba imi baibain habitua dehan «ami mak barak liu, ami mak manda».

Obrigado.

Sr. Presidente: — Obrigado ba Sr. Deputado.

Sugestão di'ak, mas como Lei LOFAP dehan máximo membro ne'e na'in-lima, agora ne'e mak ita foti lima de'it tuir Lei LOFAP nian. Agora, kona-ba atu cede ka lae fatin ida ba ida seluk, ne'e cabe ba bancada sira-nia competência.

Tuirmai: Sr. Deputado Aniceto Guterres.

Sr. Aniceto Longuinhos Guterres Lopes (FRETILIN): — Obrigado, Sr. Presidente.

Lei LOFAP artigo 8.º, n.º 4, ne'e iha-ne'ebá «constituído por um máximo cinco Deputados», maibé liafuan sira tuirmai ne'e hakerek iha-ne'e «...em representação de cada uma das bancadas parlamentares». N.º 5 mós hatete tan «as bancadas parlamentares indicam os seus representantes e respetivos substitutos no Conselho de Administração». É contraditório, de cada uma das bancadas ne'ebé ita forma ema ida mós tem que iha representante iha-ne'ebá, iha Conselho Administração, tuir artigo ida-ne'e, embora iha parte ida dehan cinco de'it, e ne'e liga mós ho artigo 11.º «as deliberações do Conselho de Administração são tomadas por maioria, cabendo a cada Deputado um número de votos igual ao da respetiva bancada parlamentar». Se hanessan ne'e, sira be nia representação iha-ne'ebá ne'e sira-nia votos ne'e sura halo nu'ussá? Iha deliberação ne'e? Tanba orsida la'ós sura cinco votos a favor hotu ou tolu contra karik automaticamente nia manán, lae, nia tem que sura filafali bancada boot ne'e nia representa Deputado hira? Nia técnica ne'e hanessan ne'e iha Conselho Administração.

Lei artigo 11.º ne'e dehan hanessan ne'e, então ida sira na'in-tolu be la iha representação ne'e sura halo nu'ussá? La sura sira-nia voto ka, sira-nia representação iha Conselho de Administração?

Se ita kaer loos dehan cinco membros é muito fácil, mas usa ba artigo 11.º iha votação ne'ebá ne'e, ha'u la hatene ita atu resolve halo nu'ussá.

Sr. Presidente: — Obrigado ba Sr. Deputado nia intervenção.

Ita cumpre de'it Lei, LOFAP dehan o máximo cinco e experiência ida-ne'e acontece tiha ona iha II e III Legislatura mós iha quando membro bancada ne'e barak liu e sé mak hetan representação ne'e partido sira ne'ebé iha assento parlamentar barak liu.

Ida-ne'e ita halo tiha ona iha Legislatura sira anterior, tanba ne'e mak experiência ida-ne'ebé lori ita mai e se iha-ne'ebá la fixa o número máximo, hanoin ita bele debate katak bele hatama hotu Deputado sira ne'ebé hetan hanessan bancada, mas como iha-ne'ebá hatete o máximo, então ita foti bancada sira ne'ebé hetan assento parlamentar barak liu, tanba ne'e mak hahú hussi FRETILIN, CNRT, PLP, KHUNTO no PD.

Agora, atu ba tan lima la iha ona, tanba ne'e mak hodi para iha-ne'e na'in-lima mak representa iha-ne'ebá, ida-ne'e ita halo tuir de'it saida mak Lei LOFAP hatete kona-ba representação iha Conselho de Administração.

Tuirmai: Sr. Deputado Adriano do Nascimento.

Sr. Adriano do Nascimento (PD): — Presidente, questão ida-ne'e questão Regimento nian. Loos duni Regimento hatete ida primeiro hanessan ohin Presidente hatete katak máximo cinco Deputados, loos! Maibé, labele interpreta ida ne'e de'it para iha-ne'e, tem que hatene hotu kedas tuirmai ne'e, dehan hanessan ohin Deputado Aniceto hatete «em representação de cada uma das bancadas parlamentares»,

ne'e mós liafuan chave. E ita desde ohin debate kona-ba representação bancadas ki'ik ne'e atu fô oportunidade bele hola parte.

Ita labele kaer cinco ne'e de'it depois ita ignora tiha bancada ki'ik sira-ne'e, isola tiha minoria, iha-ne'e hatete representação cada bancada iha Parlamento. Ha'u-nia solução ba Presidente mak ne'e, iha Mesa ne'ebé Ita-Boot na'in-tolu tuir ne'e, tanba ne'e lacunas, artigo ida-ne'e nia prevê de'it katak bancada ne'e lima de'it nem hanoin katak bancada sei bele to'o 10, ne'e previsão política ne'ebé sala, la contextual, tanba ne'e mak ha'u hanoin solução ita tem que hola decisão política, tanba ita-nia knaar ne'e mak ne'e Deputado halo legislação, fiscalização e decisão política.

Ohin, ita bele usa figura ida decisão política ne'e hodi hola decisão... Ha'u-nia proposta mak ne'e: Ita-Boot na'in-tolu Presidente, Presidente ho Vice-Presidente na'in-tolu ne'e mai hussi bancada AMP nian maka di'ak liu hamenos ida para fô minoria, liuliu ba FDD para sira mós iha representação, hodi nune'e ko'alia kona-ba gestão, organização Parlamento ninian ne'e, sira mós iha voz atu hatete, se lae mak ne'e ita ignora, viola buat ida dehan representação das bancadas parlamentares.

Muito obrigado.

Sr. Presidente: — Obrigado Sr. Deputado.

Ita labele halo interpretação lacunas quando buat ne'e hakerek fixo kedas número 5, ida-ne'e mak ita bele halo.

Agora, kona-ba Mesa, tuir LOFAP, ha'u mak preside e Vice na'in-rua ne'e la inclui iha-ne'ebá hanessan membro, tuir ha'u-nia entendimento durante ne'e.

Ponto de ordem: Sr. Deputado Aniceto.

Sr. Aniceto Longuinhos Guterres Lopes (FRETILIN): — Experiência Parlamento ne'e iha II Legislatura ita iha 9 bancadas, tanba razão ida ohin ita ko'alia PSD ho ASDT coligação depois fahe. Tanba tuir PSD ho ASDT nian, KOTA ho PPT mós na'in-rua de'it fahe, ema ida forma bancada ida, ne'e mak halo to'o 9. Lei LOFAP halo iha II Legislatura, parece. II Legislatura, legislador hanoin katak loloos ne'e ema ida labele forma bancada.

Então, prevê hela iha III Legislatura quando implementa Lei LOFAP ne'e bancada 4 ka 5 de'it, la liu 5 ida, iha IV Legislatura mós hanessan ita *pas* 5 loos. Ne'ebe, artigo ida dehan máximo 5 ne'e tuir hela ne'e la loos, Sr. Presidente.

E prática iha reunião Conselho de Administração, atu hola decisão ne'e hanessan ne'e, bele na'in-lima ne'e vota hotu, mas orsida atu sura nia votos hanessan ne'e; voto ida, ne'e representa Deputado na'in hira? Orsida sura hanessan ne'e. Tanba ne'e se na'in-tolu, entre na'in-rua ne'e, na'in-tolu, por exemplo se bancada ki'ik 3 mak a favor, bancada boot 2 la a favor, ka contra, decisão ne'e la liu, la passa. Tanba artigo 11.º ne'e dehan voto ne'e «...igual ao da respetiva bancada parlamentar», se

hanessan ne'e ida be tolu ne'ebé la tama iha Conselho de Administração ne'e sira-ne'e la iha representação iha-ne'ebá, votação mós ita la sura ida. Ha'u preocupa ne'e iha ida-ne'e e é uma questão de consistência mós, be ohin dehan ita fahe ne'e dehan loos ona, ne'e ami-nia direito hanessan ne'e. Maibé, tomada de decisão ne'e... Ami mós hatene katak buat ne'e bele dificulta, quando bancada liu ona lima ne'e bele dificulta ona, iha parte balun, e questão ida-ne'e mak agora ita hassoru hela ne'e.

Artigo 11.º ne'e, tanba votação e halo deliberação, ne'e la'ós apenas bá iha Comissão. Iha Comissão Especializada sira-ne'e decisão ikus bele mai filafali Plenária, mas Conselho de Administração ne'e hola decisão última. Presidente Parlamento dirige de'it, la iha voto ida.

Na'in-lima de'it, na'in-lima ne'e mak sura tuir voto Deputado na'in hirak mak nia representa?! Então, sira na'in-tolu ne'e sé mak representa iha-ne'ebá atu sura sira-nia voto ne'e. Sira labele participa iha decisão iha Conselho de Administração?

Sr. Presidente: — Obrigado, Sr. Deputado.

Tuirmai: Sr. Deputado António Benevides.

Sr. António de Sá Benevides (PUDD): — Sr. Presidente, ema na'in-lima ne'ebé tama iha Conselho de Administração ne'e, iha Lei ne'e mós la hatete dehan na'in-lima ne'e tem que mai hussi partido boot, la temi iha ne'ebá ida. E decisão ne'ebé Ita-Boot foti katak dehan mai hussi boot, ne'e decisão política de'it.

Se decisão política, ita mós bele halo decisão política atubele inclui ami hirak ne'ebé lian la iha-ne'ebá ne'e. Ne'ebe, Presidente haree to'ok bá.

E ida-ne'e mós questão de consistência mós, se iha Comissão Especializada Permanente sira ita considera ter representação, mai fali ida lae fali, ida-ne'e Sr. Presidente tetu didi'ak bá.

Muito obrigado, Sr. Presidente.

Sr. Presidente: — Obrigado, Sr. Deputado.

Só que nia la hakerek número, ita bele considera, mas se número ne'e o máximo mak ida-ne'e ita atu considera oinsá se ita sikat ida-ne'e bá?!

Única solução mak ne'e, ita loke fali inscrição, apresenta lista candidatura rua ka tolu mai, ita vota, lista candidato ida ne'ebé liu nia mak eleito, la iha ona representatividade, mas depende ona ba ida-ne'ebé mak hetan maioria. Tanba ne'e mak ha'u hanoin katak, se ita opta ida-ne'e, opção ida ohin katak kona-ba voto nia representação hanessan ohin Sr. Deputado Aniceto explica, ida-ne'e la representa liután. Tanba ne'e mak opção ida-ne'ebé ita foti atubele justo foti hussi partido sira ne'ebé hetan representação barak liu, atu nune'e bele iha representatividade, sira ne'ebé ki'ik liu, tanba iha-ne'ebá hatete o máximo cinco e ita halo ho máximo cinco ne'e, mas se Plenária concorda, ita ba fali opção

seluk, apresentação lista candidatura hussi Plenária mak apresenta mai, na'in-lima, depois ita bá vota, depois ida-ne'ebé eleito, ida-ne'e mak ba representa. Ha'u hanoin ida-ne'e mak ita lakohi, tanba atu hamossu fali ida-ne'e, então ita bele complica fali situação representatividade ida hussi maioria ne'e la iha tiha. Tanba ne'e ha'u hakarak dehan katak opção ida-ne'e, opção ida ne'ebé ita usa beibeik ona começa iha II Legislatura mai III Legislatura, IV Legislatura e hanessan mós to'o V Legislatura. Iha IV Legislatura foi sorte que iha bancada lima de'it, ne'ebe ita la iha problema.

Ha'u hanoin ida-ne'e de'it hussi ha'u.

Tuirmai: Sr.^a Deputada Fernanda Lay.

Sr.^a **Maria Fernanda Lay** (CNRT): — Muito obrigado, Sr. Presidente.

Excelências, muito boa tarde.

Sr. Presidente, ha'u atu hato'o de'it, se ita debate hanessan ne'e sem proposta, ita la sai hussi ne'e. Pelo menos ita propõe buat ruma por escrito para que possa votar.

Ha'u hanoin ida-ne'e mak ha'u propõe.

Muito obrigado.

Sr. **Presidente**: — Obrigado.

Tuir loloos quando la iha proposta, la iha debate. Mas como ita toman tiha ona ho ida-ne'e, ita bele fó flexibilidade para ita bele hetan buat ida-ne'ebé di'ak liu ba ita.

Sr. Deputado David Ximenes, faz favor.

Sr. **David Dias Ximenes** (FRETILIN): — Sr. Presidente, Regimento dehan na'in-lima de'it. Mas nia existência mak ema balu iha hela li'ur. Ohin ita ko'alia kona-ba bancadas, agora iha bancada ne'ebé voluntário, e voluntariamente Ita-Boot sira tau, agora sira existe, na realidade. Ita labele halimar fali buat ne'ebé conveniente mai ita, ita halo! Buat ne'ebé la conveniente ita lakohi.

Loos duni! Regimento ko'alia, ne'e questão de número. Questão de número ne'e Ita-Boot bele articula ho saida mak presente. Porque se lae será que sira tuur iha-ne'e ita dehan de'it katak sira la iha, mas na realidade eles existem. Então, será que agora na'in-rua kedas tuur bessik hela, ha'u kaer ai-dona ida ha'u baku mate tiha sira, loos ona, sira la iha ona, agora sira mak forte liu ha'u baku mate tiha ha'u karik halo nu'ussá?

Obrigado, Presidente.

Sr. **Presidente**: — Obrigado, Sr. Deputado.

Ha'u conclui tiha de'it intervenção rua ne'ebé sei iha, Sr. Deputado Antoninho Bianco ho Sr. Deputado Aniceto nia ponto de ordem. Ha'u fó ba Sr. Deputado Aniceto ba ponto de ordem, depois passa ba Antoninho Bianco, se la iha ona ita ba votação.

Obrigado.

Sr. Aniceto Longuinhos Guterres Lopes (FRETILIN): — Obrigado, Sr. Presidente.

Se ita lakohi muda número, tanba explicitamente iha-ne'ebá hakerek dehan máximo cinco ne'e, solução mak ne'e: AMP 1 de'it, maibé representa 34, orsida iha-ne'ebá nia sura voto ida de'it. Maibé, orsida contagem voto ba representatividade ne'e sura tuir 34. Então, número rua resto ne'e ida fó ba PUDD ne'ebé la tama iha bancada FM/UDT ne'e, e FM/UDT ida para iha representação hotu, se ita hakarak consistente ho ita-nia discussão sira desde ohin dadeer ne'e.

Sr. Presidente: — Obrigado.

Ida-ne'e cabe ba competência bancada sira-nian.

Ikusliu: Sr. Deputado Antoninho Bianco.

Sr. Antoninho Bianco (FRETILIN): — Obrigado, Presidente.

Boa vontade atu acumula malu mak la iha, ida-ne'e de'it. AMP hakarak ra'ut hotu ne'e mak problema. Boa vontade, politicamente, buat di'ak ida, mas só que se imi mai ho *harga mati*, ami la bele questiona. Ne'ebe, agora iha política *harga mati* ne'e baibain la iha, mas como imi halo iha, pronto, ne'e imi mak votos barak liu, hanessan uluk iha IV Legislatura dehan «ami mak maioria», ho buat sira-ne'e hotu, halo bá, tuir imi-nia hakarak, e ami defende duni buat ne'ebé ohin ha'u-nia colega sira hussi FDD hatete ne'e. Tanba, órgão ida-ne'e órgão ida-ne'ebé atu aconselha Presidente hodi labele hassai decisão naranaran, tanba liga ba halo gestão financeira e equipamento, ho gestão tomak. Tanba ne'e mak, pronto, se lakohi, tanba ami labele obriga, imi mak barak liu, imi mak bele hotu, ne'ebe la buat ida, naran katak ami fó hanoin hela de'it. Maibé, mak ne'e, ami la questiona ona, porque questiona mós hanessan de'it tanba boa vontade la iha e é difícil para convencer quando buat ne'e mai hussi laran.

Sr. Presidente: — Obrigado barak.

La iha ona inscrição no la iha tan proposta alternativa seluk, ita procede ba votação.

Tanba ita-nia sistema votação ba eleição ema ne'e tem que voto secreto, tanba ne'e ha'u convida técnico sira atubele mai hola fatin hodi ita halo procedimento ba votação ba eleição de cinco membros para Conselho de Administração.

Técnico sira halo favor, hola fatin.

Obrigado, ita prepara ba votação, ha'u hussu Sr.^a Vice-Secretária bele lê hela sequência naran Deputado sira-nian ba votação.

Sr.^a Secretária da Mesa (Isabel Maria B. Freitas Ximenes) halo chamada ba Deputado ida-idak nia naran hodi hakat ba halo votação.

Presidente: — Obrigado barak, depois halo tiha votação ita bá fase contagem. Ita-nia procedimento normal katak tem que iha fiscais. Tanba ne'e mak ha'u convida Sr. Deputado Leandro bele mai hanessan representa fiscais, hussi parte sorin Sr.^a Deputada Elvina bele mai hanessan fiscais ba iha contagem ida-ne'e.

Obrigado barak ba Ita-Boot sira nia disponibilidade.

Halo favor...

Técnico hussi DIPLEN halo contagem de votos.

... Obrigado ba técnico sira, Deputado no Deputada na'in rua ne'ebé sai hanessan observadores fiscais.

Resultado de votação ho total Srs. Deputados ne'ebé presentes, exerce nia direito de voto, hamutuk 63.

Hato'ona ba votação, hetan aprovação ho voto a favor 38, contra 3 no abstenção 22.

Ho resultado ida-ne'e, composição ba cinco membros para o Concelho de Administração ba V Legislatura, ho composição hanessan tuirmai: membro efetivo - Sr.^a Deputada Virgínia Ana Belo, Sr. Deputado Francisco de Vasconcelos, Sr.^a Deputada Olinda Guterres, Sr. Deputado Antonino Bianco, Sr. Deputado Adriano do Nascimento; membros suplentes - Sr. Deputado José V. R. Ferreira, Sr. Deputado Noel da Sila Ximenes, Sr.^a Deputada Irene Gonzaga Sarmento, Sr. Deputado Joaquim dos Santos «Boraluli», Sr.^a Deputada Elvina Sousa Carvalho. Katak membro sira-ne'e mak sei sai membros do Concelho da Administração ba período tinan lima oin mai.

Hanoin ida-ne'e mak resultado eleição no agenda ohin nian mak termina ba ida-ne'e.

Pas loloos ho 6h00, horas normal Plenária nian, tanba ne'e ha'u agradece ita hotu-hotu bele contribui conclui tiha hodi harii tiha órgão complementar ba funcionamento Parlamento nian iha laran.

Tuirmai, atu anuncia de'it ba aban katak iha programa hanessan iha semana kotuk ita anuncia ona. Aban iha programa de acolhimento dos Deputados ba 2018, ho agenda orsida sira sei copia fahe ba Ita-Boot nia mesa e programa ne'e sei hahú aban 9h00 dadeer, durante loron tolu e orador sira, moderador,

tema iha hotu ona agenda ba seminário ne'e. Orsida técnico sira fahe mak Ita-Boot sira bele iha acesso ba ida-ne'e.

Hanoin ida-ne'e de'it mak ha'u bele informa ba distinto Deputado sira. Boa tarde ba ita hotu e ha'u encerra sessão ba ohin loron.

Obrigado barak, boa tarde e até amanhã.

Horas hatudu tuku 6 liu minuto 8 loraik.

DIVISÃO DE REDAÇÃO, AUDIOVISUAL, TRANSCRIÇÃO E DOCUMENTAÇÃO.